



Broj: 05-02-1-2888-4/24
Sarajevo, 18. 6. 2025. godine

PARLAMENTARNA SKUPŠTINA BOSNE I HERCEGOVINE

-Zastupnički dom-

-Dom naoda-

Trg BiH 1, 71 000 Sarajevo

ŽURNO!
BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 19-06-2025			
Organizaciona jedinica	Klasifikaciona oznaka	Redni broj	Broj priloga
01.02-	02-1-	1417	21

PREDMET: Prijedlog Zakona o izmjenama i dopunama Zakona o industrijskom dizajnu, *dostavlja se*

Poštovani,

Vijeće ministara Bosne i Hercegovine na 82. sjednici, održanoj 16. 6. 2025. godine, na prijedlog Instituta za intelektualno vlasništvo Bosne i Hercegovine, usvojilo je Prijedlog Zakona o izmjenama i dopunama Zakona o industrijskom dizajnu, uz prijedlog da se isti uputi Parlamentarnoj skupštini Bosne i Hercegovine na razmatranje po skraćenom zakonodavnom postupku.

U opredjeljenju da se razmatranje i usvajanje navedenog zakona predloži po skraćenom zakonodavnom postupku, Vijeće ministara Bosne i Hercegovine uvažilo je navode Instituta za intelektualno vlasništvo Bosne i Hercegovine iz akta broj 05-02-1-678-17/23SD od 10. 12. 2024. godine, čiji primjerak dostavljamo u privitku.

U svezi prednje navedenog, u privitku dostavljamo Prijedlog Zakona o izmjenama i dopunama Zakona o industrijskom dizajnu, na bosanskom, hrvatskom i srpskom jeziku te latiničnom i ćiriličnom pismu, kao i njegovu elektroničku verziju sa svim privicima.

Istovremeno, dostavljamo Obavijest Vijeća ministara Bosne i Hercegovine broj 05-07-1-1434-6/25 od 18. 6. 2025. godine, obrazloženje Prijedloga zakona, Obrazac broj 1 – prethodna procjena učinaka propisa i Obrazac 2a o fiskalnoj procjeni, sukladno Jedinstvenim pravilima za izradu pravnih propisa u institucijama Bosne i Hercegovine, Izjavu i Izvještaj o provedenim konsultacijama, pribavljena mišljenja nadležnih institucija: Ureda za zakonodvstvo Vijeća ministara Bosne i Hercegovine, Agencije za zaštitu osobnih podataka u Bosni i Hercegovini, Direkcije za europske integracije Vijeća ministara Bosne i Hercegovine, Ministarstva financija i trezora Bosne i Hercegovine, Ministarstva pravde Bosne i Hercegovine i Ministarstva za ljudska prava i izbjeglice Bosne i Hercegovine, kao i Neslužbeni pročišćeni tekst Zakona o industrijskom dizajnu sa ugrađenim odredbama koje se mijenjaju i dopunjuju i Pregled odredaba koje se mijenjaju i dopunjuju.

S poštovanjem,

Privitak: - kao u tekstu-

Dostavljeno:

- naslovu
- a/a

GENERALNI TAJNIK
VIJEĆA MINISTARA BiH
mr. Robert Vidović



Broj: 05-07-1-1434-6/25
Sarajevo, 18. 6. 2025. godine

GENERALNO TAJNIŠTVO VIJEĆA MINISTARA BiH
- *n/r generalnom tajniku* –
Trg BiH 1, 71000 Sarajevo

INSTITUT ZA INTELEKTUALNO VLASNIŠTVO BiH
- *n/r direktoru* –
Kneza Domagoja b. b., 88000 Mostar

PREDMET: Obavijest, dostavlja se


Vijeće ministara Bosne i Hercegovine, na 82. sjednici održanoj 16. 6. 2025. godine, razmotrilo je Nacrt zakona o izmjenama i dopunama Zakona o industrijskom dizajnu te s tim u vezi zaključilo:

- usvaja se Prijedlog zakona o izmjenama i dopunama Zakona o industrijskom dizajnu;
- zadužuje se Generalno tajništvo Vijeća ministara Bosne i Hercegovine da Prijedlog zakona o izmjenama i dopunama Zakona o industrijskom dizajnu, dostavi Parlamentarnoj skupštini Bosne i Hercegovine, uz prijedlog i obrazloženje Instituta za intelektualno vlasništvo Bosne i Hercegovine da se razmatra po skraćenom zakonodavnom postupku sukladno poslovnim odredbama oba doma Parlamentarne skupštine Bosne i Hercegovine.

S poštovanjem,

DOSTAVLJENO:

- naslovu
- u spis broj: 05-02-1-2888/24
- a/a





Broj: 05-02-1-678-17/23SD
Mostar, 10.12.2024. godine

BOSNA I HERCEGOVINA
Vijeće ministara
Generalno tajništvo
71000 Sarajevo
Trg Bosne i Hercegovine br. 1

BOSNA I HERCEGOVINA VIJEĆE MINISTARA SARAJEVO	
12-12-2024	
02-1	

PREDMET: Nacrt Zakona o izmjenama i dopunama Zakona o industrijskom dizajnu,
dostavlja se.-

Poštovani,

U sklopu projekta "EU podrška pravima intelektualnog vlasništva u BiH" kojeg financira Europska unija izrađeni su nacrti zakona iz područja industrijskog vlasništva kao temeljni cilj projekta koji se zasniva na usuglašavanju kompletne zakonske regulative sa normama, odnosno zakonodavstvom Europske unije.

U privitku akta dostavljamo Nacrt Zakona o izmjenama i dopunama Zakona o industrijskom dizajnu, sa obrazloženjem, sa molbom da isti stavite na sjednicu Vijeća ministara Bosne i Hercegovine na razmatranje i usvajanje. Zakon je lektoriran na tri jezika i dva pisma u službenoj uporabi u Bosni i Hercegovini, a sukladno *Obavijesti o usuglašenom stavu o procedurama usvajanja nacrti i prijedloga zakona*, broj: 05-02-3-599-1/22 od 15. 3. 2022. godine usaglašen je sa lektorima Generalnog tajništva. Također dostavljamo i Pregled odredaba trenutno važećeg Zakona o industrijskom dizajnu („Službeni glasnik BiH“ broj: 53/10) koje se mijenjaju predloženim izmjenama

U tijeku izrade Nacrta Zakona provedene su konzultacije suglasno Pravilima za konzultacije u izradi pravnih propisa i pribavljena mišljenja Ureda za zakonodavstvo Vijeća ministara Bosne i Hercegovine (akt broj: 04-02-1-822/24 od 30.9.2024. godine), Agencije za zaštitu ličnih/osobnih podataka u Bosni i Hercegovini (akt broj: 03-1-02-1-925-2/24 od 9.10.2024. godine), Direkcije za europske integracije (akt broj: 03/B-06-2-LBK-1053-2/24 od 23.9.2024. godine), Ministarstva financija i trezora Bosne i Hercegovine (akt broj: 05-02-2-5782-3/24 od 15.10.2024. godine), Ministarstva pravde Bosne i Hercegovine (akt broj: 09-02-4-7806/24 od 26.9.2024. godine) i Ministarstva za ljudska prava i izbjeglice (akt broj: 01-02-1-2043-2/24 od 3.10.2024. godine).

Ministarstvo financija i trezora i Agencija za zaštitu osobnih podataka nisu imali primjedbe na tekst Nacrta Zakona.

Sugestija Ministarstva pravde za preformuliranje dijela teksta u članku 104 nije uvažena iz razloga što je odlučeno da se prihvati sugestija Ureda za zakonodavstvo da se predmetni članak uopće ne mijenja postupajući po Jedinstvenim pravilima za izradu pravnih propisa. Predmetni članak odnosi se na stupanje na snagu zakona.

WEB: www.ipr.gov.ba; e-mail: info@ipr.gov.ba

Sjedište: 88000 Mostar, Kneza Domagoja bb.; e-mail: mostar@ipr.gov.ba; Fax: +387 36 31 84 20;

Tel: Protokol +387 36 33 43 81; Ured ravnatelja i zamjenika ravnatelja +387 36 33 43 82 (Mostar);

Ispostava Sarajevo: 71000 Sarajevo, Bulevar Meše Selimovića 85, Ispis C – 3.kat; e-mail: sarajevo@ipr.gov.ba;

Fax: +387 33 65 27 57; Tel: Protokol +387 33 65 27 65;

Ispostava Banja Luka: 78000 Banja Luka, Akademika Jovana Surutke 13/3; e-mail: banjaluka@ipr.gov.ba; Fax: +387 51 22 68 41; Tel: +387 51 22 68 40

Odjeljenja: Nacionalni žig, Međunarodni žig +387 33 65 27 98; Patenti +387 33 61 60 96, +387 36 33 43 81;

Industrijski dizajn, Autorsko i srodna prava +387 36 33 43 81;

Sve sugestije Ureda za zakonodavstvo smo uvažili i izvršena je prenumeracija članaka iz razloga što je predloženo ukidanje određenih predloženih izmjena. Određene sugestije smo uvažili na način da je zadržan smisao sugestije Ureda za zakonodavstvo ali smo se odlučili na drugačije rješenje. Konkretno, u prijelaznim i završnim odredbama kod novog predloženog članka 102. smo preformulirali tekst na način da odgovara sugestiji Ureda za zakonodavstvo umjesto da bude novi stavak članka 100. trenutno važećeg zakona kako je sugerirano u mišljenju. Raniji prijedlog teksta odnosio se na izmjenu cijelog članka 100. trenutno važećeg zakona. Riječ je obvezi usklađivanja podzakonskih propisa sa odredbama zakona.

Ministarstvo za ljudska prava i izbjeglice dalo je pozitivno mišljenje na tekst Nacrta Zakona uz mišljenje da bi predloženi Nacrt trebao sadržavati definiciju diskriminacije, promovirati princip jednakosti i zabrane diskriminacije. Stav eksperata koji su radili na pripremi zakona je da materija koju nacrt zakona regulira nema dodira sa diskriminacijom, i promoviranjem principa jednakosti, koji su regulirani posebnim propisima. Cijela materija prava intelektualnog vlasništva, koje je suštinski monopolsko pravo, zasniva se zaštiti interesa nositelja prava, i praktično predstavlja izuzetak od zabrane nejednakosti.

Direkcija za europske integracije je u svom mišljenju konstatirala da se odredbe nacrta ovog zakona odnose na pravila postupka u području industrijskog dizajna, što je na temelju Direktive 98/71/EEZ prepušteno državama članicama da samostalno urede pa je sa zakona skinuta oznaka „EI“.

Iako je sa predmetnog zakona skinuta oznaka „EI“, zbog povezanosti određenih novih pravnih rješenja za sve zakone industrijskog vlasništva je važno da svi stupe na snagu u isto vrijeme (ukidanje Povjerenstva za žalbe, nove odredbe o zastupnicima za zaštitu industrijskog vlasništva koje će biti regulirane također novim zakonom), te temeljem članka 134. Poslovnika Zastupničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 26/20, 53/22, 59/23, 87/23, 50/24) i članka 125. Poslovnika Doma naroda Parlamentarne skupštine Bosne i Hercegovine („Službeni glasnik BiH“, br. 58/14, 88/15, 96/15 i 53/16) predlažemo da se i predmetni zakon uputi u proceduru po skraćenom zakonodavnom postupku.

Nacrt Zakona o izmjenama i dopunama Zakona o industrijskom dizajnu definiran je Programom rada Instituta za intelektualno vlasništvo BiH za 2024. godinu i sadržan u Programu rada Vijeća ministara BiH.

Uz Nacrt Zakona dostavljamo Izjavu o provedenim konzultacijama, Izvješće o provedenim konzultacijama, Obrazac 1 o prethodnoj procjeni učinka propisa i sva pribavljena mišljenja.

Naznačeni dokumenti dostavljaju se u jednom primjerku u papirnoj i elektronskoj formi, suglasno Zaključku Vijeća ministara Bosne i Hercegovine sa 1. sjednice održane 2.2.2023. godine.

S poštovanjem,

ravnatelj
Josip Mardžić



PRIVITAK:

- kao u tekstu

DOSTAVLJENO:

- naslovu
- sektor za opće, pravne i kadrovske poslove
- a/a

Na osnovu člana IV 4. a) Ustava Bosne i Hercegovine, Parlamentarna skupština Bosne i Hercegovine na ___ sjednici Predstavničkog doma, održanoj ___ 202_. godine, i na ___ sjednici Doma naroda, održanoj ___ 202_, usvojila je

Z A K O N O IZMJENAMA I DOPUNAMA ZAKONA O INDUSTRIJSKOM DIZAJNU

Član 1.

U Zakonu o industrijskom dizajnu („Službeni glasnik BiH“, broj 53/10), u članu 2. tačka d) mijenja se i glasi:

„d) ‘informisani potrošač ili korisnik’ je kriterij u odnosu na koji se vrši procjena industrijskog dizajna i on podrazumijeva pojedinca koji se redovno susreće s proizvodom o kojem je riječ.“

U članu 2. dodaju se tačke h), i), j) i k) koje glase:

„h) ‘Haški sporazum’ o međunarodnom prijavljivanju industrijskih uzoraka i modela (Haški dokument) od 28. novembra 1960. godine, s dopunskim aktom od 14. jula 1967. godine;

i) ‘Haška unija’ je međunarodni registracijski sistem osnovan Haškim sporazumom o međunarodnom prijavljivanju tvorevina industrijskog oblikovanja i održavana je dokumentima iz 1934. i 1960. godine, dodatnim dokumentom iz 1961. godine i dopunskim aktom iz Stockholma;

j) ‘Lokarnska klasifikacija’ je sistem međunarodne klasifikacije industrijskog dizajna utvrđen Lokarnskim aranžmanom o ustanovljenju međunarodne klasifikacije za industrijske uzorke i modele, potpisan u Locarnu 8. oktobra 1968. godine;

k) ‘Međunarodni ured’ je Međunarodni ured Svjetske organizacije za intelektualno vlasništvo (WIPO) u Ženevi.“

Član 2.

U članu 8. naziv člana mijenja se i glasi: „(Pravo na zaštitu industrijskog dizajna)“.

Stav (3) mijenja se i glasi:

„(3) Postojanje reciprociteta dokazuje lice koje se poziva na reciprocitet.“

Član 3.

U članu 11. stavu (1) tačka a) mijenja se i glasi:

„a) ne ispunjava uvjete iz čl. 3, 4, 5, 7. i 9. ovog zakona“.

U stavu (1) brišu se tačke b) i c).

Dosadašnje tač. d), e) i f) postaju tač. b), c) i d).

Član 4.

U članu 12. stavu (2) riječi: „Zakona o upravnom postupku („Službeni glasnik BiH“, br. 29/02, 12/04, 88/07 i 93/09)“, mijenjaju se i glase: „zakona kojim se uređuje upravni postupak na nivou BiH“.

Dosadašnji st. (3) i (4) brišu se.

Dodaje se novi stav (3), koji glasi:

„(3) Odluke Instituta su konačne u upravnom postupku i protiv njih se može pokrenuti upravni spor pred Sudom Bosne i Hercegovine u roku od 30 dana od dana primanja odluke.“

Član 5.

U članu 19. dodaju se st. (6) i (7), koji glase:

„(6) Prikazi moraju prikazivati sva obilježja dizajna za koji se traži zaštita u jednom ili više pogleda, osim toga, mogu se dostaviti i druge forme prikaza kako bi se dodatno razradila posebna obilježja dizajna, a naročito:

- a) uvećani prikazi koji zasebno prikazuju dio proizvoda u povećanom razmjeru;
 - b) presjeci na kojima je prikazan dio proizvoda;
 - c) shematski prikazi na kojima su rastavljeni dijelovi proizvoda prikazani odvojeno u jednom pogledu, ili
 - d) djelomični prikazi u kojima su dijelovi proizvoda prikazani odvojeno u različitim pogledima.
- (7) Ako ocijeni da je neophodno, Institut može zatražiti dodatne forme prikaza iz stava (6).“

Član 6.

U članu 30. u stavu (2) zarez i riječi „dokaz o uplati takse i troškova postupka“ se brišu.

Član 7.

Naziv člana 36. mijenja se i glasi:

„(Pretvaranje prijave za priznanje industrijskog dizajna u prijavu patenta, odnosno korisnog modela).“

U stavu (1) riječi „konsenzualnog patenta“ zamjenjuju se riječima „korisnog modela“.

Član 8.

U članu 39. dodaje se stav (3), koji glasi:

„(3) Prigovor na višestruku prijavu industrijskog dizajna mora sadržavati redni broj industrijskog dizajna iz prijave i razloge zbog kojih se industrijski dizajn ne može priznati, s priloženim dokazima.“

Član 9.

U članu 40. iza stava (7) dodaju se novi stavovi (8) i (9), koji glase:

„(8) Institut može prekinuti postupak na najmanje dva mjeseca, a ne duže od šest mjeseci u svrhu pokušaja mirnog rješavanja spora, na zajednički zahtjev podnosioca prijave za priznanje industrijskog dizajna i podnosioca prigovora.

(9) Rokovi koji su zbog prekida postupka prestali teći, počinju za zainteresovanu stranku teći u cjelini iznova od dana kada joj Institut dostavi zaključak o nastavljanju postupka.“

Dosadašnji stav (8) postaje stav (10).

Član 10.

U članu 47. stavu (2) briše se tačka c), a tačka d) postaje nova tačka c).

Stav (7) mijenja se i glasi:

„(7) Ako je zahtjev za međunarodnu registraciju industrijskog dizajna uredan, Institut će zaključkom pozvati podnosioca zahtjeva da u roku od najviše 30 dana plati administrativne takse i posebne troškove postupka Institutu kao i taksu direktno Međunarodnom uredu Svjetske organizacije za intelektualno vlasništvo i dostavi dokaz o izvršenoj uplati.“

Član 11.

U članu 58. riječi „konsenzualnim patentima“ zamjenjuju se riječima „korisnim modelima“.

Član 12.

Naziv člana 64. mijenja se i glasi: „(Licenca).“

Stav (6) briše se.

Član 13.

Naziv člana 65. mijenja se i glasi: „(Objavljivanje prijenosa prava ili licence).“

U tekstu ovog člana iza riječi „prava“ zarez se zamjenjuje sa „i“, a riječi „ili franšiza“ se brišu.

Član 14.

Naziv člana 67. mijenja se i glasi: „**(Postupak za upisivanje promjena imena i adrese nosioca prava, prijenosa prava, licence ili zaloga)**“.

U stavu (1) brišu se zarez i riječ „franchise“.

U stavu (2), u tački b) brišu se zarez i riječ „franchise“.

U stavu (2) briše se tačka c).

U stavu (4), iza riječi „licence“ brišu se zarez i riječ „franchise“.

Član 15.

Naziv člana 68. mijenja se i glasi: „**(Urednost zahtjeva za upisivanje promjene imena ili adrese nosioca prava, prijenosa prava, licence ili zaloga)**“.

U stavu (1) iza riječi „licence“ brišu se zarez i riječ „franchise“.

U stavu (2) iza riječi „licence“ brišu se zarez i riječ „franchise“.

Član 16.

U članu 72. stavu (1) brišu se riječi „ili pravobranioca ili ombudsmena BiH“.

Član 17.

U članu 73. iza stava (8) dodaje se novi stav (9), koji glasi:

„(9) Ako se nosilac prava ne izjasni na prijedlog za proglašavanje ništavim rješenja o priznanju industrijskog dizajna u roku iz stava (7) ovog člana, Institut će rješenjem odlučiti u granicama zahtjeva iz prijedloga za proglašavanje ništavim.“

Iza dosadašnjeg stava (9), koji postaje stav (10), dodaju se novi st. (11) i (12), koji glase:

„(11) Institut može prekinuti postupak na najmanje dva mjeseca, a ne duže od šest mjeseci u svrhu pokušaja mirnog rješavanja spora, na zajednički zahtjev nosioca prava na industrijski dizajn i podnosioca prijedloga.“

„(12) Rokovi koji su zbog prekida postupka prestali teći, počinju za zainteresovanu stranku teći u cjelini iznova od dana kada joj Institut dostavi zaključak o nastavljanju postupka.“

Dosadašnji st. (10) i (11) postaju st. (13) i (14).

Iza stava (14) dodaje se novi stav (15), koji glasi:

„(15) Prijedlog za proglašavanje ništavim rješenja o priznanju industrijskog dizajna treba sadržavati registarski broj dizajna višestruke prijave, redni broj industrijskog dizajna iz prijave i razloge zbog kojih se industrijski dizajn treba proglasiti ništavim, s priloženim dokazima.“

Član 18.

U članu 79. stav (4) mijenja se i glasi:

„(4) U postupku po tužbi iz stava (1) rok za odgovor na tužbu je osam dana od dana dostave tužbe tuženiku.”

Iza stava (4) dodaju se novi st. (5), (6), (7) i (8), koji glase:

„(5) U sporovima zbog povrede prava iz ovog zakona ročište za glavnu raspravu mora se održati u roku od 30 dana od dana primanja odgovora na tužbu.

(6) U postupku u parnicama, postupak zbog povrede industrijskog dizajna pred prvostepenim sudom mora se okončati u roku od godine dana od dana podnošenja tužbe.

(7) U postupku u parnicama zbog povrede industrijskog dizajna, drugostepeni sud je dužan donijeti odluku o žalbi podnesenoj protiv odluke prvostepenog suda u roku od šest mjeseci od dana primanja žalbe.

(8) Rješenje o privremenoj mjeri donosi se u roku od 30 dana od dana podnošenja prijedloga za određivanje privremene mjere.”

Član 19.

Član 101. mijenja se i glasi:

„Član 101.

(Postupci u toku)

(1) Postupci pokrenuti do dana početka primjene ovog zakona dovršit će se prema ranije važećim odredbama ovog zakona.

(2) Upravni postupci započeti prema ranije važećim odredbama ovog zakona, u kojima je Institut kao tijelo prvog stepena donio rješenje do dana početka primjene ovog zakona, dovršit će se po ranije važećim odredbama ovog zakona i propisima donesenim na osnovu tih odredaba.

(3) Komisija za žalbe u području prava industrijskog vlasništva, ustanovljena i imenovana na osnovu ranije važećih odredaba ovog zakona, nastavlja s radom u skladu s tim odredbama i propisima donesenim na osnovu ranije važećih odredaba ovog zakona dok svi upravni postupci iz stava (2) ovog člana ne budu pravosnažno riješeni, nakon čega prestaje s radom.

(4) U slučaju da zbog razrješenja predsjednika ili članova Komisije za žalbe iz stava (3) ovog člana ne bude moguće odrediti Komisiju za žalbe koja odlučuje o žalbi, izuzetno se može provesti postupak izbora i imenovanja predsjednika ili potrebnog broja članova, u skladu s ranije važećim odredbama ovog zakona, za potrebe rješavanja predmeta iz stava (2) ovog člana.”

Član 20.

Član 102. mijenja se i glasi:

„Član 102.

(Usklađivanje provedbenih propisa)

Direktor Instituta do dana određenog za primjenu ovog zakona uskladit će podzakonske propise iz člana 100. stava (3) Zakona o industrijskom dizajnu („Službeni glasnik BiH“, broj: 53/10).“

Član 21.

Član 103. mijenja se i glasi:

„Član 103.

(Propisi o taksama i troškovima postupka)

Direktor Instituta podnijet će nadležnim institucijama prijedlog izmjena propisa kojima se uređuju takse i naknade posebnih troškova u postupku sticanja i održavanja prava, kako bi se uskladili s odredbama ovog zakona, dva mjeseca od njegovog stupanja na snagu.“

Član 22.

Dodaju se novi čl. 105, 106. i 107. koji glase:

„Član 105.

(Primjena međunarodnih ugovora)

Odredbe međunarodnih ugovora u vezi s industrijskim dizajnom, kojima je pristupila Bosna i Hercegovina, primjenjuju se na predmete koje tretira ovaj zakon i u slučaju sukoba s odredbama ovog zakona primjenjuju se odredbe međunarodnih ugovora.

Član 106.

(Jedinstvena primjena odredaba o ukidanju Komisije za žalbe)

U skladu s odredbom člana 12. ovog zakona, te čl. 75, 76, 77. i 78. ovog zakona, Komisija za žalbe prestaje s radom.

Član 107.

Ovaj zakon stupa na snagu osmog dana od dana objave u „Službenom glasniku BiH“, a primjenjuje se po isteku godine dana od dana stupanja na snagu.”

Broj _____/24
_____ 2024. godine
Sarajevo

Predsjedavajući
Predstavničkog doma
Parlamentarne skupštine BiH

Predsjedavajući
Doma naroda
Parlamentarne skupštine BiH

OBRAZLOŽENJE

I USTAVNOPRAVNI I ZAKONSKI OSNOV ZA DONOŠENJE ZAKONA

- ***Ustav Bosne i Hercegovine***

Ustavni osnov za donošenje Zakona o izmjenama i dopunama Zakona o industrijskom dizajnu, kojim se vrše izmjene i dopune Zakona o industrijskom dizajnu („Službeni glasnik BiH“, broj: 53/10), sadržan je u članu IV / 4. a) Ustava Bosne i Hercegovine, prema kojem je Parlamentarna skupština Bosne i Hercegovine nadležna da donese zakone koji su potrebni za provođenje odluka Predsjedništva, ili za vršenje funkcija Skupštine predviđenih Ustavom, te članu III / 1. a) Ustava Bosne i Hercegovine, kojim je regulisano da su institucije Bosne i Hercegovine nadležne za vanjsku politiku.

- ***Zakon o vanjskotrgovinskoj politici BiH*** („Službeni glasnik BiH“, br. 7/98 i 35/04)

Članom 30. stavom (2) Zakona utvrđeno je da su aspekti prava intelektualnog vlasništva u vezi s vanjskom trgovinom u nadležnosti institucija BiH. Pod terminom „aspekti prava intelektualnog vlasništva u vezi s vanjskom trgovinom“ podrazumijeva se osiguranje adekvatnih standarda i principa u vezi s raspoloživošću, obimom i upotrebom prava intelektualnog vlasništva u vezi s vanjskom trgovinom, te učinkovitih i odgovarajućih sredstava za provođenje prava intelektualnog vlasništva u skladu s obavezama iz trgovinskih sporazuma u kojima je BiH jedna od strana.

- ***Zakon o osnivanju Instituta za intelektualno vlasništvo Bosne i Hercegovine*** („Službeni glasnik BiH“, broj 43/04)

Članom 1. Zakona utvrđeno je da se osniva Institut za intelektualno vlasništvo Bosne i Hercegovine kao samostalna državna upravna organizacija, te da se uređuju njegov položaj, nadležnost i ovlaštenja, kao i druga pitanja značajna za organizaciju, funkcionisanje i rad Instituta.

Članom 7. stavom (1) tačkom a) Zakona utvrđeno je da je Institut za intelektualno vlasništvo BiH u području zaštite industrijskog vlasništva nadležan za vođenje upravnog postupka za sticanje, održavanje, promet i prestanak prava na industrijski dizajn, u skladu s odredbama međunarodnih konvencija, ugovora i sporazuma kojima je pristupila, odnosno koje je ratificirala Bosna i Hercegovina i Zakona i provedbenih propisa kojima se uređuje ova materija.

U istom članu st. (1) tač. cc) Zakona utvrđeno je da poslovi u području zaštite intelektualnog vlasništva obuhvataju i pripremanje bilateralnih i multilateralnih sporazuma, konvencija, aranžmana, zakona i drugih propisa iz područja intelektualnog vlasništva.

II RAZLOZI ZA DONOŠENJE ZAKONA

Ostvarenje težnje Bosne i Hercegovine (u daljnjem tekstu: BiH) da se što čvršće integriše u međunarodnu zajednicu (posebno zaključenje Sporazuma o pridruživanju i stabilizaciji s Evropskom unijom, kao i postupak ućlanjena u WTO - Svjetsku trgovinsku organizaciju) ima kao formalni politički uvjet harmonizaciju domaćih propisa iz oblasti zaštite intelektualnog vlasništva s propisima Evropske unije i Sporazumom TRIPS (*Sporazum o trgovinskim aspektima prava intelektualnog vlasništva*).

Kod cjelokupnog seta novih zakona koji uređuju materiju prava industrijskog vlasništva predložena je novina u procesnopravnom dijelu, tako što bi sve odluke u upravnom postupku pred Institutom bile konačne u prvom stepenu. Protiv tih odluka ne bi se više mogla uložiti žalba u upravnom postupku, već bi se neposredno mogao pokrenuti upravni spor pred Sudom Bosne i Hercegovine, čime bi se ubrzala procedura donošenja odluka i istovremeno osigurali dostupnost i sudski nadzor u odlučivanju. I to je, u suštini, osnovni razlog za donošenje ovog propisa, kako bi se ujednačio procesnopravni položaj svih podnosilaca prijava iz oblasti industrijskog vlasništva.

Ostala rješenja predviđena Nacrtom zakona o izmjenama i dopunama Zakona o industrijskom dizajnu prvenstveno imaju za cilj otkloniti izvjesne uočene nedostatke terminološke prirode i tako omogućiti preciznije tumačenje i efikasniju primjenu Zakona. Predložena rješenja rezultat su provjere određenih instituta važećeg zakona u praksi, kao i neophodnosti da se, u tom smislu, poboljšaju pojedine odredbe postojećeg zakona u cilju jačanja pravne zaštite koja se pruža nosiocu industrijskog dizajna. Predložene izmjene imaju za cilj uspostavljanje efikasnijeg sistema zaštite industrijskog dizajna.

III OBJAŠNJENJE OSNOVNIH PRAVNIH RJEŠENJA

Član 1. Predlaže se izmjena člana 2. važećeg zakona, tako što se u tački d) dodaju odrednice kojima se preciznije definiše „informisani potrošač ili korisnik“. Informisani potrošač, odnosno korisnik jedan je od najvažnijih pojmova u oblasti industrijskog dizajna. S obzirom na to da ovaj pravni standard određuje kriterij prema kojem se procjenjuje individualni karakter dizajna, njegovo precizno definisanje od suštinske je važnosti za poimanje cjelokupnog Zakona. Također se dodaju nove tačke h), i) i j), radi definisanja pojmova iz međunarodnih ugovora u oblasti zaštite industrijskog dizajna, koji nisu postojali u važećem zakonu, a odnose se na „Hašku uniju“, „Lokarnsku klasifikaciju“ i „Međunarodni biro“.

Član 2. Vršiti se izmjena naziva člana 8. važećeg zakona „Nacionalni tretman“ i predlaže se naziv člana „Pravo na zaštitu industrijskog dizajna“, kojim se jasnije definiše sadržaj ovog člana. Također, vrši se izmjena stava (3) člana 8. Važećom odredbom postojanje reciprociteta se pretpostavljalo dok se suprotno ne dokaže. Strana fizička i pravna lica u pogledu zaštite industrijskog dizajna u BiH uživaju ista prava kao i domaća fizička i pravna lica, ako to proizlazi iz međunarodnih ugovora ili proizlazi iz načela reciprociteta, s tim da predloženom izmjenom postojanje reciprociteta treba dokazati stranka (lice) koja se poziva na reciprocitet.

Član 3. U članu 11. mijenja se tačka a) tako da se, umjesto pozivanja na ispunjavanje novosti dizajna kao uvjeta propisanog članom 4. ovog zakona, upućuje na odredbe koje su propisane

članovima 3. do 9. Time se preciznije uređuju relativni razlozi za odbijanje prijave za priznanje industrijskog dizajna. Iz navedenog razloga brišu se i tačke b) i c).

Član 4. Predlaže se brisanje st. (3) i (4) u članu 12. važećeg zakona i uvođenje novog stava (3). Brisani stavovi odnosili su se na drugostepeni postupak pred Institutom, odnosno na postupak po žalbi, koji je u svim prijedlozima zakona iz oblasti industrijskog vlasništva ukinut zbog nedovoljne učinkovitosti i pretjerane dužine trajanja. Postupak po žalbi traje i po nekoliko godina, što izaziva pravnu nesigurnost za nosioca prava i javnost. Tek po okončanju žalbenog postupka rješenje Instituta postaje konačno i protiv njega se može pokrenuti upravni spor odgovarajućom tužbom pred Sudom BiH. I postupak po upravnom sporu je pretjerano dug, tako da do pravosnažnosti rješenja Instituta, u slučaju žalbenog postupka, dolazi tek poslije više godina, često i po prestanku važenja prava. Praksa je pokazala da su nezadovoljne stranke protiv odluka Komisije za žalbe, koja je u najvećem broju slučajeva potvrđivala prvostepenu odluku Instituta, pokretale upravni spor, tako da je sa stanovišta pravne sigurnosti žalbeni postupak bio potpuno neučinkovit i imao je više negativnih nego pozitivnih posljedica. Predloženo rješenje ima za cilj omogućiti veću efikasnost i pravnu sigurnost svih zainteresovanih lica i u skladu je sa stavom da pravni lijekovi moraju biti ne samo dostupni već i svrsishodni i djelotvorni. Novim stavom (3) propisuje se da su odluke Instituta konačne u upravnom postupku, a kao pravni lijek predviđena je mogućnost pokretanja upravnog spora, što je rješenje koje postoji i u mnogim zemljama EU.

Član 5. Predlaže se izmjena u članu 19. važećeg zakona tako što se dodaju novi st. (6), (7) i (8). Novim stavom (6) precizira se da podnijeti prikazi u prijavi industrijskog dizajna moraju prikazivati sva obilježja prijavljenog dizajna, barem u jednom pogledu, a stavom (7) pruža se fakultativna mogućnost strankama u postupku da dostave i druge forme prikaza kako bi se dodatno razradila posebna obilježja dizajna, a posebno uvećani prikazi koji zasebno prikazuju dio proizvoda u povećanom razmjeru, presjeci na kojima je prikazan dio proizvoda, kao i shematski prikazi na kojima su rastavljeni dijelovi proizvoda prikazani odvojeno u jednom pogledu, ili djelimični prikazi u kojima su dijelovi proizvoda prikazani odvojeno u različitim pogledima. Obim prava na dizajn određen je opisom dizajna u prijavi za priznanje dizajna. Opis industrijskog dizajna treba sadržavati precizan i sažet opis bitnih karakteristika onih elemenata industrijskog dizajna i u čemu se razlikuju od industrijskih dizajna koji su postali dostupni javnosti. Opis ima suštinski značaj za obim zaštite, jer u njemu podnosilac prijave treba naznačiti za šta traži zaštitu. Ova fakultativna mogućnost pruža stranci u postupku da precizira traženi obim zaštite u odnosu na priloženi opis predmetnog dizajna. Stav (8) predviđa da Institut može tražiti od stranke po službenoj dužnosti dostavljanje prikaza iz st. (6) i (7).

Član 6. U članu 30. u stavu (2) brišu se riječi „dokaz o uplati taksi i posebnih troškova postupka“ zato što Institut primjenjuje „AR“ model, sistem naplate taksi i posebnih troškova postupka u skladu instrukcijama Ministarstva finansija i trezora BiH, tako da u trenutku podnošenja zahtjeva stranka ne može imati dokaz o uplati taksi i troškova postupka, već će im Institut nakon primanja zahtjeva dostaviti instrukciju za plaćanje navedenih troškova, uz dodavanje „poziva na broj“. Obaveza plaćanja taksi i posebnih troškova postupka propisana je članom 16. važećeg zakona, a u završnim odredbama propisana je obaveza donošenja provedbenih propisa za provedbu ovog zakona, kojim će se detaljnije regulisati i ova materija.

Članom 7. Nacrta vrši se izmjena u naslovu člana i članu 36, gdje se riječi „konsenzualni patent“ brišu i mijenjaju riječima „korisni model“ u odgovarajućem padežu. Nacrtom novog zakona o patentu, koji je trenutno u proceduri, predviđeno je da se „konsenzualni patent“ kao vrsta prava koje ne poznaje nijedno zakonodavstvo, zamijeni „korisnim modelom“ kao

standardnim pravom koje imaju mnoge države EU, a koje se koristi za zaštitu jednostavnijih pronalazaka, nižeg inventivnog nivoa i samo u određenim oblastima tehnike.

Članom 8. Nacrta predlaže se izmjena u članu 39. važećeg zakona, tako što se dodaje novi stav (3) kojim se propisuje sadržaj prigovora na višestruku prijavu industrijskog dizajna. Predloženom odredbom predviđeno je da ona naročito treba sadržavati redni broj industrijskog dizajna iz prijave i razloge zbog kojih se industrijski dizajn ne može priznati, s priloženim dokazima.

Član 9. U članu 40. dodaje se novi stav (8) kojim je predviđeno da Institut može zastati s postupkom na najmanje dva mjeseca, a ne duže od šest mjeseci, u svrhu pokušaja mirnog rješenja spora, na zajednički zahtjev podnosioca prijave za priznanje industrijskog dizajna i podnosioca prigovora. Prednosti ovakvog rješenja se ogledaju u bržem postupku, kao i u tome da strane u postupku dolaze do rješenja koje je u njihovom zajedničkom interesu.

Član 10. U članu 47. u stavu (1) važećeg zakona kojim se uređuje postupak za međunarodno registrovanje industrijskog dizajna, briše se tačka c) kojom se zahtijevao dokaz o uplati takse i troškova postupka za zahtjev. Stav (7) člana 47. je promijenjen tako da se propisuje da ako je zahtjev za međunarodnu registraciju industrijskog dizajna uredan, Institut će zaključkom pozvati podnosioca zahtjeva da u roku od najviše 30 dana plati odgovarajuće administrativne takse i posebne troškove postupka Instituta, kao i taksu Međunarodnom uredu Svjetske organizacije za intelektualno vlasništvo i dostavi dokaz Institutu o izvršenoj uplati.

Član 11. U članu 58. riječi „konsenzualni patent“ brišu se i mijenjaju riječima „korisni model“, u odgovarajućem padežu.

Član 12. U odnosu na važeći zakon, naslov člana 64. „Licenca i franšiza“ zamjenjuje se naslovom „Licenca“. U zavisnosti od konkretnog slučaja i volje ugovornih strana, ugovor o franšizi obično predstavlja *sui generis* ugovor, koji sadrži elemente bilo imenovanih (tipskih), bilo neimenovanih ugovora autonomne trgovačke prakse, kao što su: kupoprodajni ugovor, ugovor o licenci, ugovor o transferu tehnologije, ugovor o zakupu i kupovini, ugovor o distributerstvu, ugovor o zajmu, ugovor o zaposlenju, ugovor o komercijalnom zastupništvu, ugovor o finansijskoj investiciji i tako dalje. Franšizni odnos, pored licence, najčešće obuhvata *know-how* i druge povjerljive informacije, industrijski dizajn, patente i materijale zaštićene autorskim pravima. Licencom se ustupa pravo na industrijski dizajn, dok franšiza kao kompleksniji ugovor podrazumijeva i ustupanje drugih prava intelektualnog vlasništva. Shodno navedenom, predlaže se i brisanje stava (6) koji se odnosi na primjenu odredbi ugovora o licenci i na ugovor o franšizi. I Uredba Vijeća (EZ) br. 6/2002 prepoznaje samo licencu (čl. 16. i 32) kada se govori o prijenosu prava na dizajn.

Član 13. Iz navedenih razloga predlaže se izmjena naslova „Objavljivanje prijenosa prava, licence ili franšize“ u „Objavljivanje prijenosa prava ili licence“, i u tekstu predmetnog člana se izostavlja riječ „franšiza“.

Član 14. U odnosu na važeći zakon, iz navedenih razloga predlaže se izmjena naslova člana 67. „Postupak za upisivanje promjena imena i adrese nosioca prava, prijenosa prava, licence, franšize ili zaloga“ u „Postupak za upisivanje promjena imena i adrese nosioca prava, prijenosa prava, licence ili zaloga“. U tekstu predmetnog člana briše se riječ franšiza u st. (1), (2), tačkama b) i c) i stavu (4). Predlaže se brisanje tačke c) kojom se, uz zahtjev za upis promjene ili prijenosa prava, licence ili zaloga, dostavi i dokaz o uplati takse i troškova postupka.

Član 15. Predlaže se izmjena naslova člana 68. „Urednost zahtjeva za upisivanje prijenosa prava, licence, franšize ili zaloga“ u „Urednost zahtjeva za upisivanje prijenosa prava, licence ili zaloga“. U tekstu predmetnog člana briše se riječ „franšiza“ u st. (1) i (2).

Član 16. U odnosu na važeći zakon, predlaže se izmjena u stavu (1) tako što se iz kruga osoba koje imaju aktivnu legitimaciju za podnošenje prijedloga za proglašavanjem ništavim, izostavljaju pravobranilac i ombudsman BiH. Ne samo da uporednopravna praksa ne prepoznaje takvo rješenje nego su i dosadašnje prakse pokazale suvišnost takvog zakonskog rješenja, a na isti način je regulisano i u ostalim zakonima iz područja industrijskog vlasništva (Zakon o žigu, Zakon o patentu).

Član 17. Nacrtom se u članu 73. važećeg zakona predlaže uvođenje novih stavova (9), (11), (12) i (15). Predloženi novi stav (9) propisuje obavezu Instituta da odluči u granicama zahtjeva prijedloga za proglašavanje ništavim, ako se nosilac prava ne izjasni na prijedlog za proglašavanje ništavim u propisanom roku. Zbog dugotrajnog postupka proglašavanja ništavim i mogućnosti naknadnog vođenja upravnog spora, predlaže se i mogućnost da Institut zastane s postupkom na najmanje dva mjeseca, a ne duže od šest mjeseci, u svrhu pokušaja mirnog rješavanja spora, a na zajednički zahtjev podnosioca prijave za priznanje industrijskog dizajna i podnosioca prigovora. Uvodi se novi stav (15) kojim se propisuje da prijedlog za proglašavanje ništavim rješenja o priznanju industrijskog dizajna treba sadržavati registarski broj dizajna višestruke prijave, redni broj industrijskog dizajna iz prijave i razloge zbog kojih se industrijski dizajn ne može priznati, s priloženim dokazima.

Članom 18. predlaže se izmjena u članu 79. stavu (4) važećeg zakona kojim se uređuje da je u parničnom postupku, zbog povrede prava registrovanog industrijskog dizajna, rok za odgovor na tužbu osam dana od dana dostave tužbe tuženiku, kako bi se podvukla hitnost postupka. Predlažu se i novi st. (5), (6), (7) i (8), kojima se propisuju rokovi za izvršavanje određenih radnji u parničnom postupku, kako za stranke tako i za sud, s ciljem hitnog i učinkovitog vođenja postupka. Novim stavom (5) predviđa se da se u sporovima zbog povrede prava iz ovog zakona ročište za glavnu raspravu mora održati u roku od 30 dana od dana prijema odgovora na tužbu. Novi stav (6) uređuje da se u parničnom postupku postupak zbog povrede industrijskog dizajna pred prvostepenim sudom mora okončati u roku od godine dana od dana podnošenja tužbe. Novim stavom (7) propisuje se da je drugostepeni sud u parničnom postupku zbog povrede industrijskog dizajna dužan donijeti odluku o žalbi podnesenoj protiv odluke prvostepenog suda u roku od šest mjeseci od dana prijema žalbe. Novim stavom (8) predlaže se rok od 30 dana od dana podnošenja prijedloga za određivanje privremene mjere za donošenje rješenja o privremenoj mjeri. Predloženi rokovi su primjereni i usklađeni s najboljom praksom u tim slučajevima.

Član 19. Predviđena je izmjena člana 101. tako da se novi tekst odnosi na postupke u toku. Kako bi se izbjegla retroaktivnost primjene novog zakona, propisano je da će se svi postupci okončati po onom zakonu koji je bio na snazi kada su ti postupci započeti. To je veoma bitno i zbog ukidanja Komisije za žalbe.

Član 20. Ovim članom propisani su rok i obaveza usklađivanja svih podzakonskih propisa Instituta s novim zakonom.

Član 21. Ovim članom propisani su rok i obaveza iniciranja od Instituta prijedloga zahtjeva za izmjenu propisa kojima se uređuju takse i naknade posebnih troškova u postupku sticanja i održavanja industrijskog dizajna, kako bi se izvršilo usklađivanje s novim zakonom.

Član 22. Ovim članom, u tri dodana člana na postojeći zakon, propisuju se primjena međunarodnih ugovora, ukidanje Komisije za žalbe, kao i u svim drugim prijedlozima zakona iz oblasti industrijskog vlasništva, i trenutak stupanja na snagu i početak primjene ovog zakona.

IV NAČELA NA KOJIMA SE ZAKON ZASNIVA

Načela na kojima se zasniva predloženi Zakon o izmjenama i dopunama Zakona o industrijskom dizajnu su: odgovornost, pouzdanost, pravna sigurnost, otvorenost i transparentnost, što su i ključne odrednice dobre javne uprave. Implementiranje navedenih načela čini nas bližim evropskom modelu javne uprave i javnog upravljanja.

V USKLAĐENOST ZAKONA S EVROPSKIM ZAKONODAVSTVOM

Prilikom preispitivanja osnovnih instituta važećeg zakona, koji se odnose na industrijski dizajn, predlagač se rukovodio:

- rješenjima koje je WTO propisao za svoje članice u Sporazumu o trgovinskim aspektima prava intelektualnog vlasništva, koji je stupio na snagu 1. januara 1995. godine (u daljnjem tekstu: TRIPS);
- Direktivom 98/71/EZ Evropskog parlamenta i Vijeća od 13. oktobra 1998. o pravnoj zaštiti dizajna;
- Direktivom (EU) 2004/48/EC Evropskog parlamenta i Vijeća od 29. aprila 2004. o provedbi prava intelektualnog vlasništva;
- Uredbom Vijeća (EZ) br. 6/2002 od 12. decembra 2001. o dizajnu Zajednice, EU: 1891/2006;
- Uredbom Vijeća (EZ) br. 1891/2006 od 18. decembra 2006. o izmjeni uredbi (EZ) br. 6/2002 i (EZ) br. 40/94 radi provedbe pristupanja Evropske zajednice Ženevskom aktu Haškog sporazuma o međunarodnoj registraciji industrijskog dizajna.

Konstatovano je da u važećem Zakonu o industrijskom dizajnu („Službeni list BiH“, 53/10) nema odstupanja u odnosu na relevantni ACQUIS, posebno ne takvih koja bi u ovom trenutku zahtijevala donošenje potpuno novog zakona, pa se pristupilo izradi Prijedloga zakona o izmjenama i dopunama važećeg Zakona o industrijskom dizajnu. Trenutno su u Evropskoj uniji u toku razgovori i pregovori u vezi s donošenjem nove direktive o zaštiti industrijskog dizajna. Postoje veoma različite i suprotstavljene ideje i nije moguće predvidjeti kada će i hoće li nova direktiva eventualno biti usvojena.

VI PROCJENA FINANSIJSKIH SREDSTAVA POTREBNIH ZA PROVOĐENJE ZAKONA

Za provođenje ovog zakona, pored sredstava koja su već osigurana za potrebe vršenja propisanih poslova postojećih državnih organa, nisu potrebna dodatna sredstva iz proračuna.

VII OPIS KONSULTACIJA VOĐENIH U POSTUPKU IZRADE ZAKONA

Primjenjujući kriterije navedene u Pravilima za konsultacije u izradi pravnih propisa („Službeni glasnik BiH“, br. 5/17 i 87/23), utvrđeno je da Nacrt zakona o izmjenama i dopunama Zakona o industrijskom dizajnu nije imao značajnijeg utjecaja na javnost i da su ispunjene minimalne obaveze u pogledu obavljanja konsultacija.

Institut je javne konsultacije u postupku pripreme Nacrta zakona o izmjenama i dopunama Zakona o industrijskom dizajnu obavio u periodu od 19. decembra 2023. do 18. januara 2024. godine, putem web-stranice Instituta, www.ipr.gov.ba, i platforme e-konsultacije.

U navedenom periodu Institut je zaprimio jedan prijedlog na član 4, koji nije prihvaćen, a što je obrazloženo unutar zbirnog odgovora sadržanog u Izvještaju o održanim konsultacijama.

VIII PRIBAVLJENA MIŠLJENJA

U procesu pripreme ovog zakona pribavljena su mišljenja Ureda za zakonodavstvo BiH, Ministarstva finansija i trezora BiH, Ministarstva pravde BiH, Ministarstva za ljudska prava i izbjeglice BiH, Direkcije za evropske integracije i Agencije za zaštitu ličnih podataka u BiH.

Broj: 01-07-3-130/25JM
Mostar, 21 ožujak 2025

BOSNA I HERCEGOVINA
VIJEĆA MINISTARA
URED PREDSEDJATELJICE
Trg BiH 1
Sarajevo

BOSNA I HERCEGOVINA
MINISTARSTVO FINACIJA I TREZORA
Trg BiH 1
Sarajevo
n/p ministra

BOSNA I HERCEGOVINA
VIJEĆA MINISTARA
GENERALNO TAJNIŠTVO
Trg BiH 1
Sarajevo
n/p generalni tajnik

BOSNA I HERCEGOVINA
MINISTARSTVO VANJSKE TRGOVINE I
EKONOMSKIH ODNOSA
Musala 9
Sarajevo
n/p ministra

PRIMLJENO			
Organizacioni podatak	Klasifikaciona oznaka	Redni broj	Broj priloga
05	02-1	24-03-2025 2889-4	


PREDMET: Zakoni u području prava intelektualnog vlasništva, dodatno pojašnjenje,
dostavlja se.

Poštovani,

U privitku akta dostavljamo dodatno pojašnjenje vezano za nacрте Zakona o zaštiti poslovne tajne kao prava intelektualnog vlasništva, Zakona o zaštiti topografija poluvodičkih proizvoda, Zakona o patentu, Zakona o žigu, Zakona o zastupanju i Zakona o izmjenama i dopunama Zakona o industrijskom dizajnu.

Predmetni zakoni bili su predloženi kao točke dnevnog reda na 73. sjednici Vijeća ministara Bosne i Hercegovine od 17.3.2025. godine.

S poštovanjem,



PRIVITAK:

- kao u tekstu

DOSTAVLJENO:

- naslovu
- sektor za opće, pravne i kadrovske poslove
- a/a

WEB: www.iior.gov.ba; e-mail: info@iior.gov.ba

Sjedište: 88000 Mostar, Kneza Domagoja bb.; e-mail: mostar@iior.gov.ba; Fax: +387 36 31 84 20;

Tel: Protokol +387 36 33 43 81; Ured ravnateljice i zamjenika ravnatelja +387 36 33 43 82 (Mostar);

Ispostava Sarajevo: 71000 Sarajevo, Bulevar Meše Selimovića 95, Ispostava C – 3.kat; e-mail: sarajevo@iior.gov.ba;

Fax: +387 33 65 27 57; Tel: Protokol +387 33 65 27 86;

Ispostava Banja Luka: 78000 Banja Luka, Akademika Jovana Surutke 13/3; e-mail: banjaluka@iior.gov.ba; Fax: +387 51 22 88 41; Tel: +387 51 22 88 40

Odjeljenja: Nacionalni žig, Međunarodni žig +387 33 65 27 98; Patenti +387 33 61 80 95, +387 36 33 43 81;

Industrijski dizajn, Autorsko i srodna prava +387 36 33 43 81;

Obrazloženje određenih primjedbi koje se odnose na set zakona iz oblasti intelektualnog vlasništva

1. Unatoč ukidanju Povjerenstva za žalbe Instituta osiguran je dvostupanjski postupak

Institut za intelektualno vlasništvo BiH je u suradnji s Delegacijom EU u BiH kroz trogodišnji projekat *Podrške pravima intelektualnog vlasništva* u suradnji sa svim zainteresiranim subjektima, kroz javno dostupne aktivnosti i komunikaciju, pripremio nacрте novih zakona iz oblasti industrijskog vlasništva. Pripremljeno je devet zakona od kojih je njih šest, nakon pribavljanja svih suglasnosti, upućeno prema Vijeću ministara BiH. Institut za intelektualno vlasništvo Bosne i Hercegovine je kao ovlašteni predlagач dostavio:

- *Nacrt zakona o patentu,*
- *Nacrt zakona o zaštiti topografija poluvodičkih proizvoda,*
- *Nacrt zakona o žigu,*
- *Nacrt zakona o zastupanju u području prava industrijskog vlasništva,*
- *Nacrt zakona o izmjenama i dopunama Zakona o industrijskom dizajnu i*
- *Nacrt zakona o zaštiti oznaka zemljopisnog podrijetla*

Jedna od izmjena koja se odnosi na zakone iz oblasti industrijskog vlasništva je ukidanje Povjerenstva za žalbe Instituta kao drugostupanjskog tijela koje odlučuje o žalbama na prvostupanjske odluke Instituta. Predloženo je da svi upravni akti Instituta doneseni u prvom stupnju postaju konačni i da se protiv istih može pokrenuti upravni spor. Ovakav pristup već postoji u zakonima kojima se uređuje oblast autorskog i srodnih prava kao i funkcioniranja kolektivnih organizacija koji primjenjuju upravo takav pravni okvir od 2010. godine. O ovoj inicijativi se, u tijeku pripreme prednacрта ovih zakona razgovaralo s predstavnicima Ministarstva pravde BiH koji nisu imali primjedbi u pogledu ovog prijedloga Instituta.

Dakle, sva rješenja i zaključci doneseni od strane Instituta u prvom stupnju postaju konačni upravni akti, a kao pravni lijek u tom slučaju propisuje se upravni spor koji se pokreće podnošenjem tužbe Sudu Bosne i Hercegovine, a isto se predlaže iz više razloga koje navodimo u nastavku:

U praksi su se konstantno pojavljivali formalno-pravni, finansijski i organizacijski problemi koji su sustavno ometali redovan i djelotvoran rad Povjerenstva za žalbe Instituta, među kojima ističemo sljedeće:

- Ključni razlog za ovakav pristup proizlazi iz činjenice da u **preko 95 % slučajeva**, nakon donošenja drugostupanjskog rješenja od strane Povjerenstva za žalbe Instituta, stranke su redovito koristile pravni lijek kroz upravni spor pred Sudom BiH,
- problemi s imenovanjem predsjednika, zamjenika predsjednika i članova kod prestanka ili izmjene mandata (zbog nedovoljnog broja i interesa stručnjaka izvan Instituta u ovom području kao i službenika unutar Instituta jer službenici koji su odlučivali u određenim predmetima u prvom stupnju ne mogu niti smiju kao članovo Povjerenstva za žalbe sudjelovati i odlučivati u istim predmetima u drugom stupnju),

- nedostatak financijskih sredstava za financiranje predsjednika, odnosno zamjenika predsjednika Povjerenstva za žalbe koji nisu iz Instituta (stručnjaci izvan Instituta, prvenstveno s profesori pravnih fakulteta u BiH kojima temeljem važećih propisa pripada pravo na naknadu po svakom riješenom predmetu)
- omogućuje se jeftiniji postupak za stranke jer administrativne take i troškovi postupka koji se plaćaju Institutu za pokretanje žalbenog postupka iznose ukupno 600,00 KM, a taksa pred Sudom BiH za pokretanje upravnog spora je 100,00 KM,
- nedostatak administrativnih i prostornih kapaciteta koje Institut nije u mogućnosti osigurati za nesmetan rad Povjerenstva za žalbe (nedostaju prikladne prostorije za sastanke i normalan rad ovog tijela, te zaposlenici za obavljanje administrativnih poslova za ovo tijelo),
- ukidanjem Povjerenstva za žalbe osigurava se pravovremenost i neovisnost donošenja odluka u tim postupcima zaštite prava industrijskog vlasništva rješavanjem od strane Suda BiH čiji postupci traju znatno kraće od postupaka po žalbama.
- ostvarivanjem sudske zaštite osigurava se učinkovita specijalizacije sudaca Suda BiH i kao najznačajniji rezultat toga rada očekuje se ujednačavanje sudske prakse u oblasti intelektualnog vlasništva u BiH kao jednom od najsloženijih postupaka u oblasti upravnih sporova,
- ukidanje Povjerenstva za žalbe ima za cilj osiguranje pravne sigurnosti na način da se uspostavlja primjereni postupak provjere prvostupanjskih odluka Instituta od strane sudske vlasti,
- skraćuje se trajanje postupaka jer su upravni akti koje je Institut donio u prvom stupnju u više od 95 % slučajeva nakon donošenja drugostupanjskog rješenja od strane Povjerenstva za žalbe Instituta završavali u upravnom sporu pred Sudom BiH i stranke su redovito koristile ovaj pravni lijek,
- ukidanjem Povjerenstva za žalbe uvode se dobre prakse iz zemalja u okruženju (Republika Hrvatska je npr. ukinula Žalbena vijeća kao drugostupanjska tijela u ovoj oblasti pri reformi zakona iz intelektualnog vlasništva još 2018. i 2019. godine, zatim sličnu praksu imamo i u Republici Srbiji i Sloveniji)
- kao vrlo važan argument ističemo da se ovim prijedlogom o ukidanju Povjerenstva za žalbe unutar Instituta ne povrjeđuju odredbe Konvencije za zaštitu ljudskih prava i temeljnih sloboda potpisane u Rimu 4. studenog 1950. godine nego se u potpunosti osigurava pravo na djelotvoran pravni lijek kako je propisano člankom 13. ove konvencije koji glasi:

"Članak 13. pravo na djelotvoran pravni lijek

Svatko čija su prava i slobode koje su priznate u ovoj Konvenciji povrijeđene ima pravo na djelotvorna pravna sredstva pred domaćim državnim tijelom čak i u slučaju kad su povredu počinile osobe koje su djelovale u službenom svojstvu."

Kad je u pitanju osiguranje prava na djelotvoran pravni lijek možemo konstatirati da postojanje Komisije Instituta za odlučivanje po žalbama nije doprinijelo ostvarenju načela prava stranaka, a stranke su u pravilu nastavljale postupak kroz instituciju upravnog spora što je odugovlačilo i poskupljivalo postupak. Zbog nedostatka financijskih sredstava, ljudskih resursa, prostornih kapaciteta i problema sa imenovanjem članova ovog tijela, a procedure imenovanja često su trajale po više od godinu ili dvije, postupci po žalbama su trajali izuzetno dugo tako da se ne može reći da je postojanjem i radom Povjerenstva za žalbe u

potpunosti ispoštovano pravo stranaka na djelotvoran pravni lijek (postavlja se pitanje o kakvoj se djelotvornosti pravnog lijeka može govoriti ako se ponekad čeka na odluku drugostupanjskog tijela više godina!).

- Nadalje, u ostalim zakonima koji se odnose na intelektualno vlasništvo npr. Zakon o autorskom i srodnim pravima kao i Zakonu o kolektivnom ostvarivanju autorskog i srodnih prava u članku 11. (Davanje dozvole), stavak (5) propisuje: U postupku izdavanja dozvole primjenjuju se odredbe zakona kojim se uređuje opći upravni postupak. Protiv odluke Instituta nije moguće uložiti žalbu, ali se može pokrenuti upravni spor pred Sudom Bosne i Hercegovine. Dakle, u postupku izdavanja dozvola za rad organizacija za kolektivno ostvarivanje autorskog i srodnih prava, koji je jako složen i vrlo stručan postupak, na odluke Instituta u drugom stupnju važećim zakonom nije predviđeno postupanje Povjerenstva za žalbe, nego upravni spor pred Sudom BiH i takav sustav funkcionira vrlo dobro i efikasno, tako da ne vidimo problem zašto ovu dobru praksu iz oblasti autorskog i srodnih prava ne bi primijenili i u oblasti industrijskog vlasništva.
- Pored navedenog, u propisima na razini Bosne i Hercegovine imamo još slučajeva da su prvostupanjske odluke konačne i da protiv istih nije dopuštena žalba, tako na primjer Zakon o konkurenciji ("Službeni glasnik BiH", broj 48/05, 76/07 i 80/09) u članku 46. propisuje:
"46. (Sudska zaštita)
(1) Odluka Konkurencijskog vijeća je konačna.
(2) Nezadovoljna stranka u postupku može pokrenuti upravni spor pred Sudom Bosne i Hercegovine u roku od 30 dana od prijema odluke, odnosno od dana objavljivanja odluke."

Zaključak:

- Dvostupanjska pravna zaštita i dalje postoji
- Značajno se skraćuje postupak nakon izdavanja prvostupanjskog rješenja
- Značajno se pojeftinjuje postupak za stranku
- Smanjuje se trošak Proračuna institucija BiH jer se ne moraju plaćati vanjski članovi Povjerenstva
- Izbjegnuto je preopterećenje kapaciteta Instituta

2. Zaštita osobnih podataka u nacrtima zakona

Institut za intelektualno vlasništvo Bosne i Hercegovine (u daljem tekstu: Institut) je u postupku izrade nacrtu zakona iz područja industrijskog vlasništva **pribavio sva potrebna mišljenja nadležnih institucije, uključujući mišljenje Agencije za zaštitu ličnih/osobnih podataka u Bosni i Hercegovini** (u daljem tekstu: Agencija).

Svjesni smo da je nedavno usvojen novi Zakon o zaštiti osobnih podataka, međutim njegova primjena kreće tek u listopadu/oktobru 2025. godine.

Napominjemo da Institut temeljem postupaka zaštite prava industrijskog vlasništva ostvaruje prihode u proračunu Bosne i Hercegovine i da su stranke u postupcima dužne uplaćivati administrativne pristojbe i posebne troškove postupke iz kojih razloga je nužno prikupljati osnovne osobne podatke podnosioca zahtjeva.

Svi zakoni su pripremani u periodu tada važećeg Zakona o zaštiti osobnih podataka i cijenimo da isti nisu u suprotnosti sa naknadno usvojenim novim Zakonom jer sadrže samo opće podatke koji se tiču zaštite osobnih podataka.

Vezano za zaštitu osobnih podataka dostavljamo izjašnjenje za svaki od nacrtu zakona predloženih za sjednicu Vijeća ministara Bosne i Hercegovine:

1. Zakon o patentu i Zakon o zaštiti topografije poluvodičkih proizvoda:

Mišljenje Agencije za nacrtu ova dva zakona pribavljeno je 24.6.2024. godine (Zakon o patentu) i 20.6.2024. godine (Zakona o zaštiti topografije poluvodičkih proizvoda).

U mišljenju Agencije sugerirano je da bi nacrt Zakona trebao propisati barem vrstu osobnih podataka koji će biti sadržani u registrima i drugim aktima koji se podnose ili izdaju u postupcima propisanim Nacrtom zakona.

Institut (zajedno sa ekspertima koji su sudjelovali u izradi zakona) se odlučio za rješenje propisano u članku 166. (Zakona o patentu) i članak 30. (Zakon o zaštiti topografije poluvodičkih proizvoda) gdje je propisao sljedeće:

„Članak 166.; Članak 30.

(Zaštita osobnih podataka)

Prilikom primjene ovoga Zakona obrada osobnih podataka provodit će se sukladno propisima kojima se uređuje zaštita osobnih podataka u Bosni i Hercegovini.“

Nisu propisane vrste osobnih podataka koji će biti sadržani u registru i zahtjevu za priznanje prava na zaštitu topografije, kako je u mišljenju Agencije sugerirano, iz razloga što cijenimo da je svrsishodnije propisati ih provedbenim aktom jer je riječ o materiji koja se može mijenjati sukladno potrebama (uz poštivanje propisa iz područja zaštite osobnih podataka što smo zakonski propisali). Ukoliko bi isti podaci bili propisani zakonom moguće da bi u budućnosti došli u situaciju da zakon zahtijeva izmjenu ukoliko se u praksi pojavi neki novi osobni podatak koji se navodi u prijavi, ili se više nema potrebe koristiti, a naveden je u prijavi. U dosadašnjoj praksi imali smo slučaj gdje se naknadno pojavila potreba sukladno novom načinu kontrole uplata (AR modul Ministarstva financija i trezora BiH) gdje prilikom stvaranja potraživanja Institutu treba JMBG broj ukoliko je riječ o fizičkoj osobi.

2. Zakon o žigu:

Mišljenje Agencije za nacrt Zakona o žigu pribavljeno je 29.8.2024. godine. Eksperti koji su radili na izradi Zakona o žigu propisali su neke osnovne podatke među kojima i osobne podatke (ime i adresa fizičke osobe), a provedbeni propisi mogu propisati određene dodatne podatke, ukoliko važeće zakonske procedure budu zahtijevale iste.

Članak 14.

(Osnovni podaci za registar)

- (1) **Podaci o podnosiocu zahtjeva za priznanje žiga, nositelju žiga, podnosiocu zahtjeva ili prijedloga, stjecatelju prava ili licence, založnom dužniku i založnom povjeriocu i ovlaštenom zastupniku su: osobno ime i adresa fizičke osobe, odnosno poslovno ime i sjedište pravne osobe.**
- (2) **Podaci koji se odnose na unose u registar žigova, uključujući osobne podatke, obrađuju se u svrhu:**
 - a) **upravljanja prijavama i/ili registracijama u postupcima koji su u nadležnosti Instituta;**
 - b) **vođenje javnog registra radi uvida i informiranja tijela javne vlasti i gospodarskih subjekata, radi omogućavanja ostvarivanja prava koja su im dana ovim Zakonom i obavješćavanja o postojanju ranijih prava koja pripadaju trećim osobama;**
 - c) **izrade izvješća i statističkih podataka koji omogućavaju da Institut optimizira svoje operacije i poboljša funkcioniranje sustava.**

(3) Svi podaci, uključujući osobne podatke, koji se odnose na unose u registar žigova, smatraju se podacima od javnog interesa i može im pristupiti bilo koja treća strana.

(4) Radi pravne sigurnosti unosi u registru vode se na neodređeno vrijeme.

3. Zakon o zaštiti poslovne tajne

Mišljenje Agencije na nacrt Zakona o zaštiti poslovne tajne pribavljeno je

U mišljenju Agencije za zaštitu osobnih podataka nije bilo primjedbi na tekst zakona.

Čl. 17. stavak (5)

Propisi kojima se uređuje način korištenja povjerljivih podataka u građanskim i krivičnim postupcima, propisi kojima se uređuje odgovornost za zloupotrebu prava na dobijanje informacija, kao i propisi kojima se uređuje zaštita osobnih podataka, primjenjuju se na obvezu pružanja informacija u skladu sa odredbama ovog članka. (Nije u suprotnosti sa novim zakonom jer općenito propisuje da će se poštivati trenutno važeći propisi)

4. Zakon o izmjenama i dopunama Zakona o industrijskom dizajnu

U mišljenju Agencije za zaštitu osobnih podataka nije bilo nikakvih sugestija niti primjedbi.

(kraj)

OBRAZAC broj 1 – PRETHODNA PROCJENA UČINAKA PROPISA**(INSTITUT ZA INTELEKTUALNO VLASNIŠTVO BOSNE I HERCEGOVINE)**

Broj: 05-02-1-678-2/23

Mostar, 4.9.2024. godine

INSTITUT ZA INTELEKTUALNO VLASNIŠTVO BOSNE I HERCEGOVINE	
NOSITELJ NORMATIVNOG POSLA	Institut za intelektualno vlasništvo Bosne i Hercegovine
VRSTA PROPISA	c) zakon
NAZIV PROPISA	Nacrt Zakona o izmjenama i dopunama Zakona o industrijskom dizajnu
1. Navedite pravni osnov za donošenje propisa. Pravni osnov za donošenje propisa sadržan je u: a) članku 38. st. 4. a u vezi sa Aneksom VI Privremenog Sporazuma o stabilizaciji i pridruživanju (SAA) kojim je Bosna i Hercegovina preuzela obvezu da će poduzeti sve neophodne mjere kako bi najkasnije pet godina nakon stupanja na snagu SAA garantirala nivo zaštite prava intelektualnog, industrijskog i trgovinskog vlasništva sličan onome koji postoji u Zajednici, uključujući i djelotvorna sredstva za ostvarivanje takvih prava. b) članku 30. stavak (2) Zakona o vanjskotrgovinskoj politici BiH („Službeni glasnik BiH“, br. 7/98 i 35/04) kojim je utvrđeno da su aspekti prava intelektualnog vlasništva vezani za vanjsku trgovinu u nadležnosti institucija BiH, članku 7. Zakona o osnivanju Instituta za intelektualno vlasništvo Bosne i Hercegovine („Službeni glasnik BiH“, br. 43/04) prema kojem je Institut za intelektualno vlasništvo Bosne i Hercegovine nadležan za pripremanje bilateralnih i multilateralnih sporazuma, konvencija, aranžmana, zakona i drugih propisa iz područja intelektualnog vlasništva i za vođenje upravnog postupka za stjecanje, održavanje, promet i prestanak prava na industrijski dizajn.	
2. Da li je prednacrt, nacrt ili prijedlog propisa u skladu sa strateškim dokumentima, politikama i prioritetima Vijeća ministara i Parlamentarne skupštine Bosne i Hercegovine, i ako da, navedite s kojim? Donošenje Zakona o izmjenama i dopunama Zakona o industrijskom dizajnu u skladu je sa Programom rada Instituta za intelektualno vlasništvo Bosne i Hercegovine kojim su utvrđene aktivnosti u cilju unaprijeđenja sustava zaštite i provedbe prava intelektualnog vlasništva u BiH i sa Akcionim planom Vijeća ministara BiH.	
3. U skladu sa člankom 9. Aneksa I. ukratko opišite stanje i problem koji se namjerava riješiti. Privremenim Sporazumom o stabilizaciji i pridruživanju (SAA) Bosna i Hercegovina se obvezala da će poduzeti sve neophodne mjere koje bi garantirale da je nivo zaštite intelektualnog, industrijskog i trgovinskog vlasništva sličan onome koji postoji u Zajednici, uključujući i djelotvorna sredstva za ostvarivanje takvih prava. Zakonom o izmjenama i dopunama Zakona o industrijskom dizajnu otklanjaju se neki nedostaci uočeni u praksi rada Instituta za intelektualno vlasništvo i uvodi se jednostepeni postupak odlučivanja Instituta u postupku priznavanja prijavljenog industrijskog dizajna, kao i kod svih drugih propisa iz oblasti industrijske svojine.	
4. Ukoliko imate saznanja da je isti problem postojao u zemljama Europske unije, odnosno susjednim zemljama ukratko navedite na koji način je riješen. Navedite najmanje dvije zemlje Europske unije i dvije susjedne zemlje. Dvostepenost odlučivanja povodom odluka nacionalne institucije za priznanje dizajna kao prava industrijskeog vlasništva, na nivou Evropske Unije, rešavana je na različite načine, odnosno ne postoji dvostepenost (postupak po žalbi) u svim zemljama EU. Veće i bogatije zemlje po pravilu imaju dvostepeno odlučivanje (npr. Njemačka, Francuska), manje zemlje (npr. Slovenija, Hrvatska) nemaju takav sistem, već se nakon prvostepene odluke nacionalnog zavoda odmah može pokrenuti upravni spor. Sličan sistem imaju npr. Srbija, Crna Gora i Makedonija.	
5. Utvrdite opći cilj u skladu sa člankom 10. Aneksa I. Opći cilj/principi razvoja: <i>Pametna rast</i>, sadržan je u Srednjoročnom planu razvoja Instituta za intelektualno vlasništvo BiH, koji sadrži i aktivnosti neophodne za zaključivanje i primjenu sporazuma sa drugim zavodima za industrijsko vlasništvo i suradnju sa međunarodnim organizacijama koje participiraju u sustavu zaštite industrijskog vlasništva, kao i rješenjima koje je WTO propisao za svoje	

članice u Sporazumu o trgovinskim aspektima prava intelektualnog vlasništva.

6. Navedite u nekoliko točaka ključna pitanja/mjere koje će biti obuhvaćene propisom ili provedene putem nenormativnih aktivnosti i mjera.

Predložena je novina u procesno-pravnom dijelu, tako što bi odluke u upravnom postupku pred Institutom bile konačne. Protiv tih odluka ne bi se više mogla uložiti žalba u upravnom postupku, već bi se neposredno mogao pokrenuti upravni spor pred Sudom Bosne i Hercegovine.

Rješenja predviđena Nacrtom zakona o izmjenama i dopunama Zakona o industrijskom dizajnu prvenstveno imaju za cilj da otklone izvjesne uočene nedostatke terminološke prirode i da na taj način omoguće preciznije tumačenje i efikasniju primenu Zakona. Predložena rješenja rezultat su provjere određenih instituta važećeg zakona u praksi, kao i neophodnosti da se u tom smislu učine poboljšanja pojedinih odredbi postojećeg zakona u cilju jačanja pravne zaštite koja se pruža nosiocu industrijskog dizajna. Predložene izmjene imaju za cilj uspostavljanje efikasnijeg sistema zaštite industrijskog dizajna.


7. Ukratko opišite postupak i rezultate prethodnih konzultacija u skladu sa člankom 6. stavak (5) i po potrebi člankom 20. Aneksa I.

Institut za intelektualno vlasništvo BiH je temeljem članka 7. Pravila za konzultacije u izradi pravnih propisa („Službeni glasnik BiH“, br. 52/17) obavio javne konzultacije u postupku pripreme Zakona o izmjenama i dopunama Zakona o industrijskom dizajnu. Javne konzultacije su obavljene u razdoblju od 19.12.2023. do 18.01.2024. godine, putem web stranice Instituta i platforme e-konzultacije, a o objavi na web stranici su posebno obaviješteni: Ministarstvo pravde BiH, Ministarstvo financija/finansija i trezora BiH, Ured za zakonodavstvo BiH, Direkcija za europske integracije i Ministarstvo vanjske trgovine i ekonomskih odnosa BiH. U postupku konzultacija primljen je jedan prijedlog koji se odnosio na članak 4 i koji nije prihvaćen.

8. Procjena učinaka ključnih pitanja/mjera iz točke 6. ovog obrasca u fiskalnom, ekonomskom, socijalnom i okolišnom smislu: (DA – značajan ili vrlo značajan učinak ili NE – vjerojatno mali učinak)

a) Da li jedno ili više ključnih pitanja/mjera iz točke 6. ovog obrasca može ili ne može imati značajan ili vrlo značajan učinak na proračun Bosne i Hercegovine, proračune entiteta, kantona, Brčko distrikta Bosne i Hercegovine i jedinica lokalne samouprave?	vrlo mali učinak	NE
b) Da li jedno ili više ključnih pitanja/mjera iz točke 6. ovog obrasca može ili ne može imati značajan ili vrlo značajan ekonomski učinak iz članka 13. Aneksa I?	vrlo mali učinak	NE
c) Da li jedno ili više ključnih pitanja/mjera iz točke 6. ovog obrasca može ili ne može imati značajan ili vrlo značajan socijalni učinak iz članka 14. Aneksa I?	vrlo mali učinak	NE
d) Da li jedno ili više ključnih pitanja/mjera iz točke 6. ovog obrasca može ili ne može imati značajan ili vrlo značajan okolišni učinak iz članka 15. ovog Aneksa I?	vrlo mali učinak	NE
e) Da li će jedno ili više ključnih pitanja/mjera zahtijevati provedbu administrativnih postupaka vezano za interesne strane i sa kojim ciljem i hoće li navedena rješenja dodatno povećati upravne prepreke za poslovanje?	vrlo mali učinak	NE
f) Da li će za provedbu jednog ili više ključnih pitanja/mjera iz točke 6. ovog obrasca biti potrebno osnivanje novih ili reorganiziranje postojećih tijela Bosne i Hercegovine ili će biti potrebna suradnja više tijela uprave Bosne i Hercegovine, entiteta, kantona, Brčko distrikta Bosne i Hercegovine i jedinica lokalne samouprave?	vrlo mali učinak	NE

Na temelju prethodne procjene učinaka propisa utvrđeno je da **POSTOJI – NE POSTOJI** potreba provedbe postupka sveobuhvatne procjene učinaka propisa.






Broj: 05-02-1-678-1/23SD
Mostar, 29.1.2024. godine

Na temelju članka 22. Pravila za konzultacije u izradi pravnih propisa („Službeni glasnik BiH“, br. 5/17 i 87/23), Institut za intelektualno vlasništvo Bosne i Hercegovine na Nacrt Zakona o izmjenama i dopunama Zakona o industrijskom dizajnu, d a j e

IZJAVU

1.	Minimalne obveze u pogledu konzultacija	Ispunjene su minimalne obveze u pogledu obavljanja konzultacija
2.	Obrazloženje zaključka da li pravni propis ili drugi akt ima značajnog uticaja na javnost ili ne, s obrazloženjem	Nacrt Zakona o izmjenama i dopunama Zakona o industrijskom dizajnu nema značajnijeg utjecaja na javnost (primjenjujući kriterije navedene u člancima od 9. do 13. Pravila za konzultacije u izradi pravnih propisa)
3.	Obrazloženje odluke o obliku dodatnih konzultacija i opis dodatnih konzultacija koje su izvršene	Institut za intelektualno vlasništvo Bosne i Hercegovine je javne konzultacije u postupku pripreme Nacrta Zakona o izmjenama i dopunama Zakona o industrijskom dizajnu obavio u periodu od 19.12.2023. godine do 18.1.2024. godine, putem web stranice Instituta, www.ipr.gov.ba , i platforme e-konzultacije.
4.	Dostavljanje izvješća o provedenim konzultacijama iz članka 21. Pravila za konzultacije u izradi pravnih propisa	U navedenom periodu Institut za intelektualno vlasništvo BiH je zaprimio jedan prijedlog na članak 4. koji nije prihvaćen, a što je obrazloženo unutar zbirnog odgovora sadržanog u Izvješću o održanim konzultacijama



WEB: www.ipr.gov.ba; e-mail: info@ipr.gov.ba
Sjedište: 88000 Mostar, Kneza Domagoja bb.; e-mail: mostar@ipr.gov.ba; Fax: +387 36 31 84 20;
Tel: Protokol +387 36 33 43 81; Ured ravnatelja i zamjenika ravnatelja +387 36 33 43 82 (Mostar);
Ispostava Sarajevo: 71000 Sarajevo, Bulevar Meše Salimovića 95, lamela C – 3.kat; e-mail: sarajevo@ipr.gov.ba;
Fax: +387 33 65 27 57; Tel: Protokol +387 33 65 27 65;
Ispostava Banja Luka: 78000 Banja Luka, Akademika Jovana Surutke 13/3; e-mail: banjaluka@ipr.gov.ba; Fax: +387 51 22 68 41; Tel: +387 51 22 68 40
Odjeljenja: Nacionalni žig, Međunarodni žig +387 33 65 27 88; Patenti +387 33 61 80 95, +387 38 33 43 81;
Industrijski dizajn, Autorsko i srodna prava +387 36 33 43 81;



IZVJEŠTAJ O ODRŽANIM KONZULTACIJAMA SA ZAINTERESOVANOM JAVNOŠĆU

TEMA Nacrt Zakona o izmjenama i dopunama Zakona o industrijskom dizajnu.

IZJAVA O SVRHU Ostvarenje težnje Bosne i Hercegovine (u daljnjem tekstu: BiH) da se što čvršće integriira u međunarodnu zajednicu (posebno zaključenje Sporazuma o pridruživanju i stabilizaciji sa Europskom unijom, kao i postupak u članjenju u WTO - Svjetsku trgovinsku organizaciju) ima kao formalni politički uvjet harmonizaciju domaćih propisa iz oblasti zaštite intelektualnog vlasništva sa propisima Europske unije i Sporazumom TRIPS (Sporazum o trgovinskim aspektima prava intelektualnog vlasništva). Rješenja predviđena Nacrtom zakona o izmjenama i dopunama Zakona o industrijskom dizajnu prvenstveno imaju za cilj da otklone izvjesne uočene nedostatke terminološke prirode i da na taj način omoguće preciznije tumačenje i efikasniju primjenu Zakona. Predložena rješenja rezultat su provjere određenih instituta važećeg zakona u praksi, kao i neophodnosti da se u tom smislu učine poboljšanja pojedinih odredbi postojećeg zakona u cilju jačanja pravne zaštite koja se pruža nositelju industrijskog dizajna. Predložene izmjene imaju za cilj uspostavljanje efikasnijeg sustava zaštite industrijskog dizajna.

OPIS TOKA KONZULTACIJA

Metode konzultacija

Online konzultacije

Datum početka 19.12.2023.

Datum kraja 18.1.2024.

Statistika

Broj učesnika: 1

Broj komentara: 0

Broj prijedloga: 1

Broj prihvaćenih i djelimično prihvaćenih prijedloga: 0

ZAKLJUČAK:

Provedene su minimalne obveze glede konzultacija jer je primjenom kriterija iz odredaba Pravila za konzultacije u izradi pravnih propisa ("Službeni glasnik BiH", br. 5/17, 87/23) procijenjeno da se ne radi o pravnom propisu koji ima značajan utjecaj na javnost. Proces javnih konzultacija obavljen je u periodu od 19.12.2023. do 18.1.2024. godine. U tom je razdoblju Nacrt Zakona o izmjenama i dopunama Zakona o industrijskom dizajnu bio dostupan na web platformi "eKonzultacije" uz mogućnost dostavljanja komentara i prijedloga elektroničkim putem. U gore navedenom periodu zaprimljen je jedan prijedlog na tekst Nacrta Zakona o izmjenama i dopunama Zakona o industrijskom dizajnu, odnosno na članak 4. koji nije prihvaćen, a što je i obrazloženo unutar zbirnog odgovora sadržanog u ovom izvješću.

VODITELJ KONZULTACIJA

Daliborka Sofić

Sarajevo, dana 29.1.2024.

Koordinator konzultacija

Mario Babić

Aneks

Prikupljeni prijedlozi i komentari na dokument iz online konzultacija

Prijedlozi i komentari na Članaka 1

Prijedlozi:

Komentari: • • • • •

Zbirni odgovor i obrazloženje na Članaka 1

Prijedlozi i komentari na Članaka 2

Prijedlozi:

Komentari:

Zbirni odgovor i obrazloženje na Članaka 2

Prijedlozi i komentari na Članaka 3

Prijedlozi:

Komentari:

Zbirni odgovor i obrazloženje na Članaka 3

Prijedlozi i komentari na Članaka 4

Prijedlozi:

1. U članku 12. dosadašnje stavke (3) i (4) se brišu te se dodaje nova koja kao pravni lijek upućuje pokretanje upravnog spora pred Sudom BiH u roku od 30 dana. Kao i kod Zakona o žigu, smatramo ukidanje komisije Instituta kao žalbenog tijela kontraproduktivno za efikasnost zaštite IV u praksi. Smatramo da je rješenje povećanje efikasnosti postupanja Komisije za žalbe Instituta, a ne upućivanje pred Sud BiH.

Komentari:

Zbirni odgovor i obrazloženje na Članaka 4

Drugostupanjski postupak pred Institutom je u svim prijedlozima zakona iz oblasti industrijskog vlasništva ukinut zbog nedovoljne efikasnosti i pretjerane dužine trajanja. Postupak po žalbi traje i po nekoliko godina što izaziva pravnu nesigurnost za nositelje prava i javnost. Tek po okončanju žalbenog postupka rješenje Instituta postaje konačno i protiv njega se može pokrenuti upravni spor odgovarajućom tužbom pred Sudom BiH. I postupak po upravnom sporu je pretjerano dug, tako da do pravomoćnosti rješenja Instituta, u slučaju žalbenog postupka dolazi tek poslije više godina, često i po prestanku važenja prava. Praksa je pokazala, da su nezadovoljne stranke protiv odluka Povjerenstva za žalbe, koja je u najvećem broju slučajeva potvrđivale prvostupanjsku odluku Instituta, pokretale upravni spor, tako da je sa stanovišta pravne sigurnosti, žalbeni postupak bio potpuno neefikasan i imao je više negativnih nego pozitivnih posljedica. Predloženo rješenje ima za cilj da omogući veću efikasnost i pravnu sigurnost svih zainteresiranih osoba i u skladu je sa stavom da pravni lijekovi moraju biti ne samo dostupni, već i svrsishodni i djelotvorni.

Prijedlozi i komentari na Članaka 5

Prijedlozi:

Komentari:

Zbirni odgovor i obrazloženje na Članaka 5

Prijedlozi i komentari na Članaka 6

Prijedlozi:

Komentari:

Zbirni odgovor i obrazloženje na Članaka 6

Prijedlozi i komentari na Članaka 7

Prijedlozi:

Komentari:

Zbirni odgovor i obrazloženje na Članaka 7

Prijedlozi i komentari na Članaka 8

Prijedlozi:

Komentari:

Zbirni odgovor i obrazloženje na Članaka 8

Prijedlozi i komentari na Članaka 9

Prijedlozi:

Komentari:

Zbirni odgovor i obrazloženje na Članaka 9

Prijedlozi i komentari na Članaka 10

Prijedlozi:

Komentari:

Zbirni odgovor i obrazloženje na Članaka 10

Prijedlozi i komentari na Članaka 11

Prijedlozi:

Komentari:

Zbirni odgovor i obrazloženje na Članaka 11

Prijedlozi i komentari na Članaka 12

Prijedlozi:

Komentari:

Zbirni odgovor i obrazloženje na Članaka 12

Prijedlozi i komentari na Članaka 13

Prijedlozi:

Komentari:

Zbirni odgovor i obrazloženje na Članaka 13

Prijedlozi i komentari na Članaka 14

Prijedlozi:

Komentari:

Zbirni odgovor i obrazloženje na Članaka 14

Prijedlozi i komentari na Članaka 15

Prijedlozi:

Komentari:

Zbirni odgovor i obrazloženje na Članaka 15

Prijedlozi i komentari na Članaka 16

Prijedlozi:

Komentari:

Zbirni odgovor i obrazloženje na Članaka 16

Prijedlozi i komentari na Članaka 17

Prijedlozi:

Komentari:

Zbirni odgovor i obrazloženje na Članaka 17

Prijedlozi i komentari na Članaka 18

Prijedlozi:

Komentari:

Zbirni odgovor i obrazloženje na Članaka 18

Prijedlozi i komentari na Članaka 19

Prijedlozi:

Komentari:

Zbirni odgovor i obrazloženje na Članaka 19

Prijedlozi i komentari na Članaka 20

Prijedlozi:

Komentari:

Zbirni odgovor i obrazloženje na Članaka 20

Prijedlozi i komentari na Članaka 21

Prijedlozi:

Komentari:

Zbirni odgovor i obrazloženje na Članaka 21

Prijedlozi i komentari na Članaka 22

Prijedlozi:

Komentari:

Zbirni odgovor i obrazloženje na Članaka 22

• • • • •

Prijedlozi i komentari na Članaka 23

Prijedlozi:

Komentari:

Zbirni odgovor i obrazloženje na Članaka 23

Prijedlozi i komentari na Članaka 24

Prijedlozi:

Komentari:

Zbirni odgovor i obrazloženje na Članaka 24

Prijedlozi i komentari na Članaka 25

Prijedlozi:

Komentari:

Zbirni odgovor i obrazloženje na Članaka 25

Prijedlozi i komentari na Članaka 26

Prijedlozi:

Komentari:

Zbirni odgovor i obrazloženje na Članaka 26

Prijedlozi i komentari na Članaka 27

Prijedlozi:

Komentari:

Zbirni odgovor i obrazloženje na Članaka 27

Prijedlozi i komentari na Članaka 28

Prijedlozi:

Komentari:

Zbirni odgovor i obrazloženje na Članaka 28

Prijedlozi i komentari na Članaka 29

Prijedlozi:

Komentari:

Zbirni odgovor i obrazloženje na Članaka 29

Prikupljeni prijedlozi i komentari na priloge iz online konsultacija



Broj: 04-02-1-822/24
Sarajevo, 30.9.2024. godine
(FČ-GP)

07-10-2024
05-02-1-678-11/24

BOSNA I HERCEGOVINA
INSTITUT ZA INTELEKTUALNO VLASNIŠTVO

MOSTAR

Kneza Domagoja b.b.

PREDMET: Mišljenje na Nacrt Zakona o izmjenama i dopunama Zakona o industrijskom dizajnu

Veza: Vaš akt broj: 05-02-1-678-3/23SD od 10.9.2024. godine

Ured za zakonodavstvo Vijeća Ministara Bosne i Hercegovine, razmotrio je **Nacrt Zakona o izmjenama i dopunama Zakona o industrijskom dizajnu**, te na temelju članka 25. stavak (1) Zakona o Vijeću ministara Bosne i Hercegovine („Službeni glasnik BiH“, br. 30/03, 42/03, 81/06, 76/07, 81/07, 94/07 i 24/08), daje

MIŠLJENJE

Institut za intelektualno vlasništvo Bosne i Hercegovine dostavio je Uredu za zakonodavstvo Nacrt Zakona o izmjenama i dopunama Zakona o industrijskom dizajnu, radi davanja mišljenja.

Ustavni temelj za donošenje Zakona o izmjenama i dopunama Zakona o industrijskom dizajnu sadržan je u članku IV 4. a) Ustava Bosne i Hercegovine, prema kojem je Parlamentarna skupština Bosne i Hercegovine nadležna za donošenje zakona koji su potrebni za provođenje odluka Predsjedništva Bosne i Hercegovine ili za vršenje funkcija Parlamentarne skupštine po ovom Ustavu.

Zakonski temelj sadržan je u članku 30. stavak (2) Zakona o vanjskotrgovinskoj politici Bosne i Hercegovine („Službeni glasnik BiH“, br. 7/98 i 35/04), kojim je utvrđeno da su aspekti prava intelektualnog vlasništva vezani za vanjsku trgovinu u nadležnosti institucija Bosne i Hercegovine. Pod terminom „aspekti prava intelektualnog vlasništva vezani za vanjsku trgovinu“ podrazumijeva se osiguranje adekvatnih standarda i načela u vezi sa raspoloživošću, obimom i uporabom prava intelektualnog vlasništva vezanim za vanjsku trgovinu, kao i osiguranje efikasnih i odgovarajućih sredstava za provođenje prava intelektualnog vlasništva u skladu sa obvezama iz trgovinskih sporazuma u kojima je Bosne i Hercegovina jedna od stranaka.

U skladu sa člankom 7. stavak (1) točka aa) Zakona o osnivanju Instituta za intelektualno vlasništvo Bosne i Hercegovine („Službeni glasnik BiH“, broj 43/04) utvrđeno je da je Institut za intelektualno vlasništvo Bosne i Hercegovine u području zaštite industrijskog vlasništva mjerodavan za vođenje upravnog postupka za sticanje, održavanje, promet i prestanak prava na industrijski dizajn.

U dostavljenom materijalu se navodi, da bi usvajanjem predmetnog zakona sve odluke u upravnom postupku pred Institutom bile konačne u prvom stupnju. Protiv tih odluka ne bi se više mogla uložiti žalba u upravnom postupku, već bi se neposredno mogao pokrenuti upravni spor pred Sudom Bosne i Hercegovine, čime bi se ubrzala procedura donošenja odluka i istovremeno osigurala dostupnost i sudski nadzor u odlučivaju.

U pogledu dostavljenog Nacrta Zakona o izmjenama i dopunama Zakona o industrijskom dizajnu, Ured za zakonodavstvo sugerira sljedeće:

- u gornjem desnom kutu iznad preambule potrebno je navesti oznaku „EI“ u skladu sa člankom 4. Odluke o postupku usklađivanja zakonodavstva Bosne i Hercegovine s pravnom tečevinom Europske unije („Službeni glasnik BiH“, br. 75/16, 2/18 i 32/23);
- u članku 1. Nacrta Zakona koji se odnosi na zamjenu riječi u članku 2. točka d), potrebno je uporabiti preciznu terminologiju sukladno članku 37. stavak (1) Jedinostvenih pravila za izradu pravnih propisa u institucijama Bosne i Hercegovine („Službeni glasnik BiH“, br. 11/05, 58/14, 60/14, 50/17, 70/17 i 10/21) i sačiniti novi tekst cjelokupne točke d);
- u članku 6. Nacrta Zakona koji se odnosi na brisanje stavka (2) u članku 30., potrebno je preispitati potrebu da se izbriše propis koji određuje kad je prijava uredna, obzirom da se člancima 17. i 19. Zakona o industrijskom dizajnu propisuju bitni dijelovi prijave i kakav prikaz dizajna treba biti;
- u članku 7. Nacrta Zakona koji se odnosi na naziv članka 36., koji se mijenja i glasi: „Članak 36. (Pretvaranje prijave za priznanje industrijskog dizajna u prijavu patenta odnosno korisnog modela).“, potrebno je riječi „Članak 36.“ brisati kao suvišne;
- u članku 9. Nacrta Zakona koji se odnosi na dodavanje novih stavaka (8) i (9) u članku 40., na kraju stavka (9) iza riječi „postupka“ zatvoriti znakove navoda koji su otvoreni na početku stavka (8);
- sugestija koja se odnosila na članak 7. Nacrta Zakona, odnosi se i na članke 12., 13., 14. i 15. gdje je potrebno izbrisati navođenje „Članak 64.“, „Članak 65.“, „Članak 67.“ i „Članak 68.“ u samom nazivu članka kao suvišne, s tim što je potrebno nakon brisanja tih riječi staviti u zagrade nazive tih članaka sukladno članku 29. stavak (3) Jedinostvenih pravila za izradu pravnih propisa u institucijama Bosne i Hercegovine („Službeni glasnik BiH“, br. 11/05, 58/14, 60/14, 50/17, 70/17 i 10/21);
- članak 16. Nacrta Zakona koji se odnosi na brisanje riječi „ili pravobranitelj ili ombudsmen“ u članku 72. stavak (1), potrebno je preispitati i u obrazloženju nadopuniti razloge zašto se predlaže brisanje ovih institucija iz dosadašnjeg teksta Zakona;

- čl. 18. i 19. Nacrta Zakona koji se odnosi na brisanje naziva DIO DESETI – PRIZIVNI POSTUPAK, te brisanje čl. 75. do 78., potrebno je brisati, jer na predloženi način direktno se briše pravni osnov postojanja Povjerenstva za žalbe, a njegov prestanak rada je predviđen u novom članu 101. u čijem sadržaju se vrši pozivanje na „ranije važeće odredbe ovog Zakona“, a te odredbe su upravo one koje se brišu dostavljenim nacrtom Zakona.
- u članku 20. Nacrta Zakona koji se odnosi na izmjenu članka 79. potrebno je preispitati propisivanje rokova za sudsko postupanje, imajući u vidu da je postupak u upravnom sporu uređen Zakonom o upravnim sporovima Bosne i Hercegovine ("Službeni glasnik BiH", br. 19/02, 88/07, 83/08 i 74/10), a odredbom članka 60a propisano je da za pitanja o postupku u upravnim sporovima koja nisu regulisana ovim zakonom shodno će se primjenjivati odgovarajuće odredbe zakona kojim je uređen parnični postupak.
- u članku 21. Nacrta Zakona koji se odnosi na izmjenu članka 100. stavak (1), između riječi „primjenjivati“ i „odredbe“ sugeriramo da se upišu riječi „ranije važeće“;
- u članku 21. Nacrta Zakona potrebno je izbrisati broj stavka (1), budući da članak 21. Nacrta Zakona ima samo jedan stavak i isti nije potrebno označavati, a sve u skladu sa člankom 31. stavak (2) Jedinostvenih pravila za izradu pravnih propisa u institucijama Bosne i Hercegovine;
- ista sugestija se odnosi i na članak 24. Nacrta Zakona, a u vezi sa člankom 103.;
- tekst novog predloženog članka 102. potrebno je uvrstiti u postojeći članak 100. kao novi stavak (4), jer bi brisanjem postojećih odredbi pomenutog člana dovelo do nepostojanja pravnog osnova za provedbene podzakonske propise koji su navedeni u članku 100. stavak (3);
- članak 25. Nacrta Zakona koji se odnosi na članak 104., potrebno je brisati. Odredbe o stavljanju propisa van snage imaju za posljedicu prestanak važenja određenog propisa, što je propisano člankom 20. Jedinostvenih pravila za izradu pravnih propisa u institucijama Bosne i Hercegovine. Svrha i obim izmjena i dopuna propisa jeste upravo da se iste izvrše u tačno određenom dijelu važećeg propisa, a u ovom slučaju je suvišno stavljanje van snage ranije važeće odredbe, koje su izmijenjene novim Zakonom.
- Novi članak 107. potrebno je označiti kao zaseban članak bez naziva (pratiti prethodne sugestije da bi se izvršilo pravilno numerisanje člana), jer predstavlja zasebnu normu za Zakon o izmjenama i dopunama Zakona o industrijskom dizajnu koja propisuje njegovo stupanje na snagu i početak primjene (vacatio legis).
- u članku 26. Nacrta Zakona koji se odnosi na članak 106. brojeve čl. 4., 18., 19. i 22. zamijeniti sa brojevima 12., 75., 76., 77. i 78.;
- u članku 26. Nacrta Zakona koji se odnosi na članak 107. potrebno je brisati naziv članka, zatim u riječi „osmoga“ brisati slovo „a“ kao suvišno, a riječ „datuma“ zamijeniti riječju „dana“;

- uvažavajući sve prethodne sugestije obratiti pažnju na ispravno numerisanje članova nacrtu Zakona;
- kroz čitav tekst nacrtu Zakona prilikom nabiranja više članaka ili stavaka koristiti skraćenice „čl.“ i „st.“;
- na kraju teksta Zakona o izmjenama i dopunama Zakona o industrijskom dizajnu, potrebno je dodati dio koji se odnosi na datiranje i predviđena mjesta za potpis, kako slijedi:

Broj _____/24
 _____ 2024. godine
 Sarajevo

Predsjedatelj
 Zastupničkog doma
 Parlamentarne skupštine BiH

Predsjedatelj
 Doma naroda
 Parlamentarne skupštine BiH


Uz predmetni Nacrt Zakona, u skladu sa Aneksom I Jedinstvenih pravila za izradu pravnih propisa u institucijama Bosne i Hercegovine („Službeni glasnik BiH“ br. 11/05, 58/14, 60/14, 50/17, 70/17 i 10/21), dostavljen je Obrazac broj 1 – Prethodna procjena utjecaja propisa, kao i Izvješće i Izjava rukovoditelja institucije o provedenim konsultacijama, a što je propisano odredbama čl. 21. i 22. Pravila za konsultacije u izradi pravnih propisa („Službeni glasnik BiH“, br. 5/17 i 87/23).

Ured za zakonodavstvo ukazuje da je uz predmetni Nacrt Zakona potrebno dostaviti i pregled odredaba osnovnog teksta Zakona koji se mijenja i dopunjuje.

Na kraju, Ured za zakonodavstvo ukazuje da je materijal potrebno uputiti u daljnju proceduru nakon što svoje mišljenje sačine Direkcija za europske integracije, Ministarstvo financija i trezora Bosne i Hercegovine i Agencija za zaštitu osobnih podataka.

Dostaviti:

- Naslovu
- a/a

DIREKTOR

mr. Džemal Čibo

BOSNA I HERCEGOVINA

VIJEĆE MINISTARA

DIREKCIJA ZA EVROPSKE INTEGRACIJE

DIREKCIJA ZA EUROPSKE INTEGRACIJE



БОСНА И ХЕРЦЕГОВИНА

САВЈЕТ МИНИСТАРА


ДИРЕКЦИЈА ЗА ЕВРОПСКЕ ИНТЕГРАЦИЈЕ

Broj: 03/B-06-2-LBK-1053-2/24

Sarajevo, 23.09.2024. godine

BOSNA I HERCEGOVINA
INSTITUT ZA INTELEKTUALNO VLASNIŠTVO

Kneza Domagoja
88 000 Mostar



Predmet: Mišljenje o usklađenosti Nacrta Zakona o izmjenama i dopunama Zakona o industrijskom dizajnu s *acquis-em*, dostavlja se

Veza: Vaš akt broj: 05-02-1-678-8/24SD od 10.09.2024. godine

Na osnovu člana 18. Zakona o ministarstvima i drugim organima uprave Bosne i Hercegovine („Službeni glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17), člana VI Odluke o Direkciji za evropske integracije („Službeni glasnik BiH“, br. 41/03) i člana 6. Odluke o postupku usklađivanja zakonodavstva Bosne i Hercegovine s pravnom stečevinom Evropske unije („Službeni glasnik BiH“, br. 75/16, 2/18 i 32/23), Direkcija za evropske integracije daje sljedeće:

MIŠLJENJE

Nacrtom Zakona o izmjenama i dopunama Zakona o industrijskom dizajnu (u daljnjem tekstu: Nacrt zakona) predložena je novina u procesno-pravnom dijelu, tako što bi odluke u upravnom postupku pred Institutom bile konačne. Protiv tih odluka ne bi se više mogla uložiti žalba u upravnom postupku, već bi se neposredno mogao pokrenuti upravni spor pred Sudom Bosne i Hercegovine. Rješenja predviđena Nacrtom zakona o izmjenama i dopunama Zakoni o industrijskom dizajnu prvenstveno imaju za cilj da otklone izvjesne uočene nedostatke terminološke prirode i da na taj način omoguće, preciznije tumačenje i efikasniju primjenu Zakona.


Direkcija podsjeća da se Bosna i Hercegovina, u skladu sa članom 73. Sporazuma o stabilizaciji i pridruživanju između Evropskih zajednica i njihovih država članica, s jedne strane, i Bosne i Hercegovine s druge strane („Službeni glasnik BiH – Međunarodni ugovori“, br. 10/08, 1/17 i 8/17), obavezala da će poduzeti sve nužne mjere, kako bi od 01.07.2013. godine jamčila razinu zaštite prava intelektualnog vlasništva, industrijskog i trgovačkog vlasništva sličnu onoj koja postoji u Evropskoj uniji.

Uz Nacrt zakona dostavljene su dvije tabele usklađenosti u odnosu na odredbe Zakona o industrijskom dizajnu („Službeni glasnik BiH“ broj 53/10) i odredbe Nacrta zakona i to za sljedeće propise Evropske unije:

- Direktiva Vijeća 98/71/EEZ Evropskog parlamenta i Vijeća od 13.10.1998. godine o pravnoj zaštiti dizajna i
- Direktiva 2004/48/EZ Evropskog parlamenta i Vijeća od 19.04.2004. godine o provedbi prava intelektualnog vlasništva.

Nakon izvršene analize Direkcija konstatuje da se odredbe Nacrta zakona odnose na pravila postupka u oblasti industrijskog dizajna, što je na osnovu Direktive 98/71/EEZ prepušteno državama članicama da samostalno urede.

Pored navedenog, Direkcija ukazuje na predvidivi razvoj prava EU u ovoj oblasti. Naime, Evropska komisija je 28. novembra 2022. godine donijela Prijedlog direktive o pravnoj zaštiti dizajna 2022/0392(COD) koju Evropski parlament i Vijeće trebaju donijeti u redovnom zakonodavnom postupku krajem 2024.



Dostavljeno:

1. Naslovu
2. a/a

BOSNA I HERCEGOVINA
MINISTARSTVO FINANSIJA/
FINANSIJA I TREZORA



БОСНА И ХЕРЦЕГОВИНА
МИНИСТАРСТВО ФИНАНСИЈА

BOSNIA AND HERZEGOVINA
MINISTRY OF FINANCE
AND TREASURY

И-ТРЕЗОРА И ХЕРЦЕГОВИНА
ИНСТИТУТ ЗА ИНТЕЛЕКТУАЛНО ВЛАСТИСТВО
БОСНЕ И ХЕРЦЕГОВИНЕ
МОСТАР

PRIMLJENO: 08-11-2024			
Organizaciona jedinica	Klasifikacija	Redni broj	Broj priloga
05-	02-1-	678/	25

Број: 05-02-2-572-2/24
Сарајево, 15.10.2024.године

БОСНА И ХЕРЦЕГОВИНА
Институт за интелектуалну својину
Босне и Херцеговине
Кнеза Домагоја 66
88000 Мостар

Предмет: Мишљење на нацрт Закона о измјенама и допунама Закона о индустријском дизајну.

Веза: Ваши акти: број:05-02-1-678-7/23СД од 10.9.2024. године и број:05-02-1-678-11/23СД од 9.10.2024. године

Везано за ваше дописе, бројеви наведени у вези, а којим се тражи Мишљење на нацрт Закона о измјенама и допунама Закона о индустријском дизајну, у складу са одредбама члана 31. став (1) тачка е) Пословника о раду Савјета министара Босне и Херцеговине („Службени гласник БиХ“, број 22/03), дајемо

МИШЉЕЊЕ

- Актом наведеним у вези, Институт за интелектуалну својину Босне и Херцеговине је, ради прибављања Мишљења о финансијском аспекту Закона, Министарству финансија и трезора Босне и Херцеговине доставио нацрт Закона о измјенама и допунама Закона о индустријском дизајну којим се мијењају чл. 2., 8., 11., 12., 19., 30., 36., 39., 40., 47., 58., 64., 65., 67., 68., 72., 73., 79., 100. -104, додају нови чл. 105.-107. а бришу чл. 75.-78. Закона о индустријском дизајну („Службени гласник БиХ“, број 53/10).
- Министарство финансија и трезора Босне и Херцеговине размотрило је нацрт Закона и Образложење достављено у прилогу акта наведеног у вези, те констатовало следеће:
 - Чланом 24. нацрта Закона, а којим се мијења члан 103. Закона, прописује се обавеза директора Института за интелектуалну својину Босне и Херцеговине да у року од два мјесеца од ступања на снагу Закона, надлежним институцијама поднесе приједлог измјена прописа којима се уређују таксе и накнаде посебних трошкова у поступку стицања и одржавања права, како би се исти ускладили са одредбама Закона;
 - У дијелу Образложења, који се односи на финансијска средства (тачка VI- Финансијска средства за провођење Закона) наведено да поред средстава која су већ обезбијеђена за потребе вршења прописаних послова постојећих државних органа, нису потребна додатна средства из буџета;
 - Предлагач - носилац нормативног посла у прилогу је доставио Образац који је прописан у Анексу I - члану 12. Јединствених правила за израду правних прописа у институцијама Босне и Херцеговине („Службени гласник БиХ“, бр. 11/05, 58/14, 60/14, 50/17, 70/17 и 10/21) и то ОФП НЕ којим је у цијелости искључена потреба за додатним средствима из буџета институција Босне и Херцеговине.

Слиједом констатованог у тачки 2. овог мишљења, а имајући у виду да је предлагач искључио додатни утицај на Буџет институција Босне и Херцеговине, Министарство финансија и трезора Босне и Херцеговине нема примједби на финансијски аспект нацрта Закона о измјенама и допунама Закона о индустријском дизајну, уз напомену да је имплементација предметног Закона средствима из Буџет институција Босне и Херцеговине условљена планирањем средстава у складу са процедуром утврђеном одредбама Закона о финансирању институција Босне и Херцеговине („Службени гласник БиХ“, бр. 61/04, 49/09, 42/12, 87/12, 32/13 и 38/22).

С поштовањем,

ПРИЛОГ

-Образац број 2а о фискалној процјени утицаја



OBRAZAC broj 2a O FISKALNOJ PROCJENI UTICAJA


Obrazac OFP-NE

Naziv	
KOD	NAZIV
0814	Institut za intelektualno vlasništvo

Osnovni podaci o propisu						
Vrsta propisa	Ustav	Ne	Poslovnik	Ne	Pravilnik	Ne
	Sporazum	Ne	Odluka	Ne	Drugi opći pravni akt	Ne
	Zakon	Da	Uputstvo	Ne		

Naziv propisa	Nacrta Zakona o izmjenama i dopunama Zakona o industrijskom dizajnu
Ocjena uticaja: Izjava o nepostojanju dodatnih fiskalnih uticaja (Prilog 2a)	

Za provođenje ovog Zakona nisu potrebna dodatna sredstva u proračunu Bosne i Hercegovine, proračunima entiteta i proračunima nižih organa vlasti.



Mjesto i datum 10.09.2024

Podpis rukovodilaca nosioca normativnog posla

Ocjena uticaja: Vlasnik Ministarstva inostranih poslova	
---	--

Mjesto i datum

Pečat

Polpis ministra finansija i trezora



Broj: 09-02-4-7806/24
Sarajevo, 26.9.2024. godine

BOSNA I HERCEGOVINA
INSTITUT ZA INTELEKTUALNO VLASNIŠTVO
Kneza Domagoja bb
88000 Mostar

BOSNA I HERCEGOVINA
INSTITUT ZA INTELEKTUALNO VLASNIŠTVO
BOSNE I HERCEGOVINE
MOSTAR

DOSTAVLJENO: 09-10-2024			
Preporučeno	Konfiguracija	Ukupni broj	Broj poštice
25	02-1-678-6/23SD	10/23	

PREDMET: Mišljenje, dostavlja se

Veza: vaš akt broj: 05-02-1-678-6/23SD od 10.9.2024. godine

U vezi vašeg akta, broj i datum gornji, kojim od ovog ministarstva tražite mišljenje na Nacrt zakona o izmjenama i dopunama Zakona o industrijskom dizajnu (u daljnjem tekstu: Nacrt zakona), Ministarstvo pravde Bosne i Hercegovine je isti razmotrilo, te temeljem članka 31. stavak 1. točka b) Poslovnika o radu Vijeća ministara Bosne i Hercegovine („Službeni glasnik BiH“, broj 22/03) daje

MIŠLJENJE

U članku 104. Nacrta zakona navedeno je da početkom primjene ovog Zakona prestaju važiti ranije važeće odredbe ovog Zakona i Pravilnika o postupku za priznanje industrijskog dizajna, izmijenjene ovim zakonom. Mišljenja smo da je dio predmetne odredbe koji se odnosi na Pravilnik o postupku za priznanje industrijskog dizajna potrebno preformulirati u smislu da će do dana primjene Zakona ravnatelj Instituta donijeti novi Pravilnik o postupku za priznanje industrijskog dizajna.

S poštovanjem,

DOSTAVLJENO:

- Naslovu,
- a/a.






05. Delibarko
h

BOSNIA AND HERZEGOVINA
Ministry for Human Rights and Refugees

Broj:01-02-1-2043-2/24
Datum: 03.10.2024. godine

BOSNA I HERCEGOVINA
Institut za intelektualno vlasništvo
n/r gđin Josip Merdžo, direktor



PREDMET: Mišljenje na Nacrt Zakona o izmjenama i dopunama Zakona o industrijskom dizajnu, dostavlja se

VEZA: Vaš akt broj 05-02-1-678-4/23SD od 10.9.2024. godine

Poštovani,

Ministarstvo za ljudska prava i izbjeglice Bosne i Hercegovine, u smislu odredbe člana 31. stav (1) tačka c) Poslovnika o radu Vijeća ministara Bosne i Hercegovine („Službeni glasnik BiH“, broj 22/03), razmotrilo je Nacrt Zakona o izmjenama i dopunama Zakona o industrijskom dizajnu, te daje sljedeće

MIŠLJENJE

Nacrt zakona je izrađen u cilju usaglašavanja zakonske regulative sa normama, odnosno zakonodavstvom Evropske unije.

Ministarstvo za ljudska prava i izbjeglice Bosne i Hercegovine daje mišljenje u pogledu usklađenosti s propisima o ostvarivanju građanskih prava i sloboda i osnovnih sloboda međunarodnog humanitarnog prava, te prati provedbu Zakona o zabrani diskriminacije i daje mišljenje na usaglašenost propisa sa Zakonom o zabrani diskriminacije.

U vezi s naprijed navedenim mišljenja smo da Nacrt Zakona o izmjenama i dopunama Zakona o industrijskom dizajnu nije u suprotnosti s odredbama Europske konvencije za zaštitu ljudskih prava i osnovnih sloboda i njezinih pratećih protokola i drugih međunarodnih ugovora iz oblasti ljudskih prava kojih je Bosna i Hercegovina potpisnica.

Kada je u pitanju usaglašenost sa odredbama Zakona o zabrani diskriminacije, mišljenja smo da bi predloženi Nacrt zakona trebao sadržavati definiciju diskriminacije, promovirati princip jednakosti i zabrane diskriminacije.

U skladu sa članom 26. stav (1) tačka f) Zakona o ravnopravnosti spolova u BiH („Službeni glasnik BiH“ broj 32/10) Agencija za ravnopravnost spolova Bosne i Hercegovine, Ministarstva za ljudska prava i izbjeglice BiH, u postupku pripreme nacrtu i prijedloga zakona, podzakonskih i drugih normativnih akata, strategija, planova i programa daje mišljenje o usaglašenosti navedenih akata sa Zakonom o ravnopravnosti spolova u BiH i međunarodnim standardima o ravnopravnosti spolova.

Ministarstvo za ljudska prava i izbjeglice Bosne i Hercegovine daje **pozitivno mišljenje** na Nacrt Zakona o izmjenama i dopunama Zakona o industrijskom dizajnu Instituta za intelektualno vlasništvo BiH.


Napomena: U cilju daljeg ostvarivanja ravnopravnosti spolova u Bosni i Hercegovini, te sprječavanja diskriminacije na osnovu spola, molimo Vas da se prilikom izrade akata, kao i pri obavljanju redovnih poslova iz vaše nadležnosti pridržavate odredbi Zakona o ravnopravnosti spolova u Bosni i Hercegovini („Službeni glasnik BiH“ broj 32/10), a posebno skrećemo pažnju na primjenu:

- člana 9. tačka e) koji *zabranjuje diskriminaciju u jeziku,*
- člana 20. koji propisuje obavezu ravnopravne zastupljenosti spolova (40% manje zastupljenog spola) u tijelima na svim nivoima organizacije vlasti, a posebno u komisijama, odborima i slično,
- člana 22. koji propisuje obavezu prikupljanja, evidentiranja, obrađivanja i prikazivanja statističkih podataka po osnovu spola, kao i
- člana 24. koji se odnosi na obaveze institucija da *poduzimaju odgovarajuće mjere na ostvarivanju ravnopravnosti spolova prilikom donošenja programa mjera, a posebno na otklanjanju uočene neravnopravnosti spolova u određenoj oblasti.*

S poštovanjem,

Dostavljeno:

- naslovu
- a/a





05. April
4

Broj: 03-1-02-1-925-2/24
Sarajevo: 09.10.2024. godine

**INSTITUT ZA INTELEKTUALNO VLASNIŠTVO
BOSNE I HERCEGOVINE**
Kneza Domagoja bb
88000 Mostar

BOSNA I HERCEGOVINA INSTITUT ZA INTELEKTUALNO VLASNIŠTVO BOSNE I HERCEGOVINE MOSTAR	
PRIMLJENO:	15-10-2024
Organizaciona jedinica	Broj
03-1-02-1-925-2/24	

PREDMET: Nacrt Zakona o izmjenama i dopunama zakona o industrijskom dizajnu, mišljenje - dostavlja se,

VEZA: Vaš akt broj: 05-02-1-678-5/23SD od 10.09.2024. godine

Agencija za zaštitu ličnih podataka u Bosni i Hercegovini (u daljem tekstu: Agencija), je zaprimila akt Veze u čijem prilogu je dostavljen na mišljenje Nacrt zakona o industrijskom dizajnu (u daljem tekstu: Nacrt zakona), sa obrazloženjem. Dostavljen je i prečišćeni tekst Zakona o industrijskom dizajnu, izjava o provedenim konsultacijama, Izveštaj o provedenim konsultacijama sa zainteresovanom javnosti te Obrazac 1 o prethodnoj procjeni uticaja propisa.

Agencija shodno članu 40. stav (1) tačka d) Zakona o zaštiti ličnih podataka („Sl. glasnik BiH“, broj: 49/06, 76/11 i 89/11) daje sljedeće:

MIŠLJENJE

Nakon izvršene analize Nacrta zakona, sa aspekta zaštite prava na privatnost i obrade ličnih podataka, Agencija nema primjedbi.

S poštovanjem,

Dostavljeno:

- Naslovu
- Spis predmeta



ZAKON O INDUSTRIJSKOM DIZAJNU

(neslužbeni prečišćeni tekst osnovnog teksta zakona objavljenog u Službenom glasniku BiH broj: 53/10 sa prijedlozima odredaba koji se mijenjaju Nacrtom zakona o izmjenama i dopunama Zakona o industrijskom dizajnu)

DIO PRVI - OPĆE ODREDBE

Član 1. (Predmet Zakona)

(1) Ovim zakonom uređuju se: uslovi za zaštitu dizajna, način sticanja, održavanje, sadržaj, evidencija prometa, prestanak i zaštita industrijskog dizajna u Bosni i Hercegovini (u daljnjem tekstu: BiH).

(2) Ovaj zakon primjenjuje se i na industrijski dizajn koji je međunarodno registriran za teritoriju BiH na osnovu Haškog sporazuma o međunarodnoj registraciji industrijskog dizajna (Ženevski akt 1999), usvojenog u Ženevi 2.7.1999. (u daljnjem tekstu: Haški sporazum), u svim pitanjima koja nisu izričito uređena Haškim sporazumom.

Član 2. (Značenje izraza)

U smislu ovog zakona, navedeni izrazi imaju sljedeća značenja:

- a) "industrijski dizajn" je isključivo pravo na vanjski izgled proizvoda
- b) "vanjski izgled proizvoda" je ukupan vizuelni utisak koji proizvod ostavlja na informiranog potrošača ili korisnika,
- c) "dizajn" je trodimenzionalni ili dvodimenzionalni vanjski izgled cijelog proizvoda, ili njegovog dijela, koji je određen njegovim vizuelnim karakteristikama, posebno linijama, konturama, bojama, oblikom, teksturom i/ili materijalima od kojih je proizvod sačinjen, ili kojima je ukrašen, kao i njihovom kombinacijom,
- d) ***„informisani potrošač ili korisnik“ je kriterij u odnosu na koji se vrši procjena industrijskog dizajna i on podrazumijeva pojedinca koji se redovno susreće s proizvodom o kojem je riječ,***
- e) "proizvod" znači bilo koji industrijski ili zanatski proizvod, uključujući, između ostalog, i dijelove koji su namijenjeni za spajanje u složeni proizvod, pakiranje proizvoda, grafičke simbole i tipografske znake, isključujući kompjuterske programe,

f) "industrijski ili zanatski proizvod" znači bilo koji predmet koji se industrijskim ili zanatskim putem može proizvesti u većem broju identičnih primjeraka,

g) "složeni proizvod" je proizvod koji je sastavljen od više dijelova koji mogu biti zamijenjeni i koji omogućavaju sastavljanje i rastavljanje proizvoda,

h) „Haški sporazum“ o međunarodnom prijavljivanju industrijskih uzoraka i modela (Haški dokument) od 28. novembra 1960. godine, s dopunskim aktom od 14. jula 1967. godine,

i) „Haška unija“ je međunarodni registracijski sistem osnovan Haškim sporazumom o međunarodnom prijavljivanju tvorevina industrijskog oblikovanja i održavana je dokumentima iz 1934. i 1960. godine, dodatnim dokumentom iz 1961. godine i dopunskim aktom iz Stockholma,

j) „Lokarnska klasifikacija“ je sistem međunarodne klasifikacije industrijskog dizajna utvrđen Lokarnskim aranžmanom o ustanovljenju međunarodne klasifikacije za industrijske uzorke i modele, potpisan u Locarnu 8. oktobra 1968. godine,

k) „Međunarodni ured“ je Međunarodni ured Svjetske organizacije za intelektualno vlasništvo (WIPO) u Ženevi.

DIO DRUGI - USLOVI ZA ZAŠTITU

Član 3. (Uslovi za zaštitu dizajna)

Dizajn se štiti na osnovu ovog zakona ako je nov i ako ima individualan karakter.

Član 4. (Novost dizajna)

(1) Smatrat će se da je dizajn nov ako identičan dizajn nije postao dostupan javnosti bilo gdje u svijetu, prije dana podnošenja prijave za priznanje industrijskog dizajna za taj dizajn, ili ako ne postoji ranije podnesena prijava za priznanje identičnog industrijskog dizajna.

(2) U slučaju da je zatraženo pravo prvenstva, smatrat će se da je dizajn nov ako nije postao dostupan javnosti prije dana priznatog prava prvenstva.

(3) Dizajni se smatraju identičnim ako se razlikuju samo u nebitnim detaljima.

(4) Razlika u nebitnim detaljima postoji ako informirani korisnik, na prvi pogled, ne razlikuje dizajne.

Član 5. (Individualni karakter dizajna)

(1) Smatrat će se da dizajn ima individualan karakter ako se ukupan vizuelni utisak koji ostavlja na informiranog korisnika razlikuje od ukupnog vizuelnog utiska koji na tog korisnika ostavlja bilo koji drugi dizajn, a koji je postao dostupan javnosti prije dana podnošenja uredne prijave za priznanje industrijskog dizajna, ili dana priznatog prava prvenstva suprotstavljenog industrijskog dizajna.

(2) Prilikom utvrđivanja individualnog karaktera dizajna moraju se uzeti u obzir stepen slobode i objektivno ograničenje autora prilikom stvaranja dizajna konkretnog proizvoda, prouzrokovano tehnološkim i funkcionalnim karakteristikama tog proizvoda.

Član 6.

(Dizajn proizvoda koji čini sastavni dio složenog proizvoda)

(1) Dizajn primijenjen na proizvodu, ili sadržan u proizvodu koji čini sastavni dio složenog proizvoda, smatrat će se da je nov i da ima individualan karakter ako:

a) sastavni dio koji je ugrađen u složeni proizvod ostaje vidljiv tokom redovne upotrebe složenog proizvoda i

b) vidljive karakteristike sastavnog dijela ispunjavaju uslove novosti i individualnog karaktera.

(2) Pod redovnom upotrebom iz stava (1) tačka a) ovog člana podrazumijeva se upotreba krajnjeg korisnika, isključujući održavanje, servisiranje ili popravke proizvoda.

Član 7.

(Dostupnost javnosti)

(1) Smatrat će se da je dizajn postao dostupan javnosti, u smislu čl. 4. i 5. ovog zakona, ako je objavljen, izlagan, korišten u prometu robe i usluga, ili na drugi način otkriven prije dana podnošenja prijave za priznanje industrijskog dizajna, ili datuma prvenstva, ako je traženo, osim u slučaju kada u standardnim tokovima poslovanja nije postojala razumna mogućnost da poslovni krugovi specijalizirani za datu oblast saznaju za otkrivanje dizajna.

(2) Neće se smatrati da je dizajn postao dostupan javnosti, u smislu stava (1) ovog člana, samo zbog razloga što je otkriven trećem licu pod izričitim ili implicitnim uslovima čuvanja tajnosti dizajna.

(3) Neće se smatrati da je dizajn postao dostupan javnosti, u svrhu primjene čl. 4. i 5. ovog zakona, ako je dizajn otkrio autor, njegov pravni sljednik ili treće lice koje je informaciju dobilo od autora ili njegovog pravnog sljednika, ili na osnovu radnje koju je autor ili njegov pravni sljednik preduzeo, pod uslovom da je, od trenutka kada je otkrivanje dizajna izvršeno, proteklo manje od 12 mjeseci do dana podnošenja prijave za priznanje industrijskog dizajna, ili ako je zatraženo pravo prvenstva, od datuma prvenstva.

(4) Stav (3) ovog člana primjenjivat će se i ako je dizajn postao dostupan javnosti kao posljedica zloupotrebe u vezi s autorom ili njegovim pravnim sljednikom.

Član 8.
(Pravo na zaštitu industrijskog dizajna)

(1) Pravo na industrijski dizajn pripada autoru dizajna ili njegovom pravnom sljedniku pod uslovima propisanim ovim zakonom.

(2) Strana fizička i pravna lica u pogledu zaštite industrijskog dizajna u BiH uživaju ista prava kao i domaća fizička i pravna lica ako to proizlazi iz međunarodnih ugovora ili konvencija kojima je pristupila ili ih je ratificirala BiH (u daljnjem tekstu: međunarodni ugovori i konvencije), ili iz principa reciprociteta.

(3) Postojanje reciprociteta dokazuje lice koje se poziva na reciprocitet.

Član 9.
(Isključenje zaštite zbog tehničke funkcije)

(1) Industrijskim dizajnom ne može se zaštititi dizajn koji je isključivo uslovljen tehničkom funkcijom proizvoda.

(2) Industrijskim dizajnom ne može se zaštititi dizajn koji neophodno mora biti reproduciran u svom tačnom obliku i dimenzijama, kako bi se omogućilo da bude mehanički povezan sa ili postavljen u proizvod, oko proizvoda ili uz drugi proizvod, tako da svaki proizvod može obavljati svoju funkciju.

(3) Pod uslovima propisanim u čl. 4. i 5. ovog zakona, nezavisno od stava (2) ovog člana, može se zaštititi dizajn koji omogućava višestruko sastavljanje ili povezivanje međusobno zamjenjivih proizvoda u modularnom sistemu.

Član 10.
(Apsolutni razlozi za odbijanje prijave za priznanje industrijskog dizajna)

Neće se odobriti zaštita za dizajn:

a) koji nije dizajn u smislu člana 2. tačka c) ovog zakona,

b) čije je objavljivanje ili upotreba suprotna javnom poretku ili prihvaćenim moralnim principima,

c) koji sadrži državni ili drugi javni grb, zastavu ili amblem, naziv ili skraćenicu naziva neke zemlje ili međunarodne organizacije, kao i njihovo podražavanje, osim po odobrenju nadležnog organa te zemlje ili organizacije,

d) koji sadrži naziv ili skraćenicu, grb, amblem, zastavu ili drugi službeni znak BiH ili njenih entiteta, kantona, Distrikta ili ih podražava, osim uz odobrenje nadležnog organa.

Član 11.

(Relativni razlozi za odbijanje prijave za priznanje industrijskog dizajna)

(1) Na osnovu podnesenog prigovora, neće se odobriti zaštita za dizajn koji:

- a) *ne ispunjava uvjete iz čl. 3, 4, 5, 7. i 9. ovog zakona,*
- b) *povređuje starije autorsko pravo ili neko pravo industrijskog vlasništva drugog lica,*
- c) *predstavlja, odnosno sadrži lik nekog lica, osim uz izričitu saglasnost tog lica,*
- d) *može povrijediti nacionalna ili vjerska osjećanja.*

(2) Dizajn koji predstavlja, odnosno sadrži lik umrlog lica može se zaštititi samo uz pristanak bračnog druga i djece umrlog, a ako njih nema, uz pristanak roditelja, a ako nema roditelja, uz pristanak drugih nasljednika ako testamentom nije drugačije određeno.

(3) Za zaštitu dizajna koji predstavlja, odnosno sadrži lik historijske ili druge umrle poznate ličnosti potrebna je i dozvola nadležnog organa.

Član 12.

(Nadležnost za postupak zaštite industrijskog dizajna)

(1) Poslove koji se odnose na postupak zaštite industrijskog dizajna u upravnom postupku propisanom ovim zakonom obavlja Institut za intelektualno vlasništvo Bosne i Hercegovine (u daljnjem tekstu: Institut).

(2) Ako nije drugačije propisano ovim Zakonom, u postupku pred Institutom primjenjuju se odredbe ***zakona kojim se uređuje upravni postupak na nivou BiH.***

(3) Odluke Instituta su konačne u upravnom postupku i protiv njih se može pokrenuti upravni spor pred Sudom Bosne i Hercegovine u roku od 30 dana od dana primanja odluke.

Član 13.

(Registri)

(1) Institut u elektronskoj formi vodi Registar prijava za priznanje industrijskog dizajna (u daljnjem tekstu: Registar prijava), Registar industrijskog dizajna i Registar zastupnika.

(2) Registri iz stava (1) ovog člana objedinjeni su u jedinstveni sistem registara industrijskog vlasništva BiH u elektronskoj formi.

(3) Sadržaj registara iz stava (1) ovog člana propisat će se posebnim propisom za provođenje ovog zakona (u daljnjem tekstu: provedbeni propis).

(4) Registri iz stava (1) ovog člana smatraju se javnim knjigama i zainteresirana lica mogu ih razgledati bez plaćanja posebnih taksi.

(5) Na pismeni zahtjev zainteresiranih lica i uz plaćanje propisane takse i naknade posebnih troškova postupka, Institut će izdati kopije dokumenata i odgovarajuće potvrde i uvjerenja o činjenicama o kojima vodi službenu evidenciju.

Član 14. (Zastupanje)

(1) Fizička i pravna lica koja se bave zastupanjem u postupku zaštite industrijskog dizajna pred Institutom moraju biti upisana u Registar zastupnika iz člana 13. stav (1) ovog zakona.

(2) Strano fizičko ili pravno lice u postupku pred Institutom mora da zastupa zastupnik upisan u Registar zastupnika, a domaće pravno i fizičko lice može da istupa i samostalno pred Institutom.

(3) U Registar zastupnika upisuju se fizička i pravna lica koja ispunjavaju uslove utvrđene provedbenim propisom.

Član 15. (Pružanje informacija)

(1) Institut, na pismeni zahtjev, obavlja usluge pretraživanja prijavljenih i registriranih industrijskih dizajna u BiH.

(2) Institut će svakom licu, na njegov pismeni zahtjev, omogućiti uvid u dokumentaciju koja se odnosi na objavljeni industrijski dizajn.

(3) Sadržaj i način pretraživanja iz stava (1) i uvida iz stava (2) ovog člana uredit će se provedbenim propisom.

Član 16. (Takse i naknade u postupku sticanja i održavanja industrijskog dizajna i pružanja informacionih usluga)

Za sve radnje u postupku sticanja, održavanja, evidencije prometa i prestanka industrijskog dizajna i za pružanje informacionih usluga plaćaju se takse saglasno Zakonu o administrativnim taksama (u daljnjem tekstu: takse) i naknade posebnih troškova postupka (u daljnjem tekstu: troškovi postupka) u visini određenoj posebnom tarifom koju donosi Ministarstvo vanjske trgovine i ekonomskih odnosa Bosne i Hercegovine na prijedlog direktora Instituta.

DIO TREĆI - POSTUPAK ZAŠTITE

Član 17.

(Pokretanje postupka za priznanje industrijskog dizajna)

- (1) Postupak za priznanje industrijskog dizajna pokreće se prijavom za priznanje industrijskog dizajna (u daljnjem tekstu: prijava) koja se podnosi Institutu.
- (2) Bitni dijelovi prijave su:
 - a) zahtjev za priznanje industrijskog dizajna i
 - b) dvodimenzionalni prikaz dizajna (u daljnjem tekstu: prikaz).
- (3) Fakultativni dio prijave je opis dizajna (u daljnjem tekstu: opis).
- (4) Sadržaj prijave, način prezentacije i broj primjeraka pojedinih bitnih dijelova prijave, kao i sadržaj priloga koji se podnose uz prijavu uređuju se provedbenim propisom.

Član 18.

(Zahtjev za priznanje industrijskog dizajna)

- (1) Zahtjev za priznanje industrijskog dizajna sadrži:
 - a) podatke o podnosiocu prijave,
 - b) podatke o autoru dizajna ili izjavu autora da ne želi biti naveden u prijavi,
 - c) naznaku da li se prijava odnosi na jedan ili više dizajna,
 - d) stvaran i kratak naziv dizajna,
 - e) pravni osnov za podnošenje prijave, ako autor dizajna nije podnosilac prijave,
 - f) potpis podnosioca prijave i
 - g) fakultativno, izjavu da se zahtijeva objavljivanje priznatog industrijskog dizajna 12 mjeseci nakon datuma donošenja rješenja o priznanju industrijskog dizajna (odgođeno objavljivanje).
- (2) Jedna prijava može da sadrži zahtjev za priznanje industrijskog dizajna za jedan ili više dizajna (do 100) koji se primjenjuju na proizvodima svrstanim u istu klasu međunarodne klasifikacije propisane Lokarnskim aranžmanom o ustanovljenju međunarodne klasifikacije industrijskog dizajna.
- (3) Autor dizajna može tokom postupka zaštite, kao i tokom cijelog roka trajanja industrijskog dizajna povući svoju izjavu da ne želi da mu ime bude navedeno u prijavi, registrima, kao ni u drugim ispravama predviđenim ovim zakonom, odnosno da zahtijeva da mu ime bude brisano kao ime autora navedenog dizajna u prijavi i registrima.

Član 19.
(Prikaz)

- (1) Prikaz mora biti takav da se svi detalji vanjskog izgleda predmeta zaštite jasno vide.
- (2) Detalji vanjskog izgleda predmeta zaštite moraju biti prikazani na način koji jasno omogućuje određivanje obima novosti dizajna i njegov individualni karakter.
- (3) U pogledu kvaliteta i drugih tehničkih zahtjeva prikaz mora da ispunjava uslove propisane provedbenim propisom.
- (4) Ako je u pitanju prijava dvodimenzionalnog dizajna, kao prikaz može se dostaviti dvodimenzionalni primjerak (uzorak) prijavljenog proizvoda, s tim da se najkasnije u roku od šest mjeseci od dana podnošenja prijave Institutu mora dostaviti prikaz koji zadovoljava uslove iz st. (1) do (3) ovog člana.
- (5) Dvodimenzionalni primjerak iz stava (4) ovog člana Institutu se dostavlja na način predviđen provedbenim propisom.
- (6) *Prikazi moraju prikazivati sva obilježja dizajna za koji se traži zaštita u jednom ili više pogleda, osim toga, mogu se dostaviti i druge forme prikaza kako bi se dodatno razradila posebna obilježja dizajna, a naročito:***
 - a) uvećani prikazi koji zasebno prikazuju dio proizvoda u povećanom razmjeru;***
 - b) presjeci na kojima je prikazan dio proizvoda;***
 - c) shematski prikazi na kojima su rastavljeni dijelovi proizvoda prikazani odvojeno u jednom pogledu; ili***
 - d) djelomični prikazi u kojima su dijelovi proizvoda prikazani odvojeno u različitim pogledima.***
- (7) *Ako ocijeni da je neophodno, Institut može zatražiti dodatne forme prikaza iz stava (6).***

Član 20.
(Opis)

- (1) Opis mora biti zasnovan na podnesenom prikazu i mora se odnositi samo na vanjski izgled predmeta zaštite, što podrazumijeva površine proizvoda, odnosno njegovih dijelova koji se vide stalno ili pri redovnoj upotrebi, odnosno samo na sliku ili crtež kojim je prikazan predmet zaštite, a koji se može prenijeti na određeni proizvod ili njegov dio.
- (2) Opis ne smije da sadrži podatke koji se odnose na konstrukciju, funkciju ili funkcionalne prednosti i slične podatke o proizvodu ili njegovim dijelovima.
- (3) Opis može imati maksimalno 150 riječi.
- (4) Sadržaj opisa bliže se uređuje provedbenim propisom.

Član 21.
(Registar prijava)

U Registar prijava upisuju se podaci o bitnim dijelovima prijave iz člana 17. ovog zakona i drugi podaci propisani provedbenim propisom.

Član 22.
(Datum podnošenja prijave)

(1) Za priznanje datuma podnošenja prijave potrebno je da prijava podnesena Institutu na taj datum sadrži:

- a) naznaku da se traži priznanje industrijskog dizajna,
- b) ime i prezime, odnosno naziv i adresu podnosioca prijave i
- c) prikaz.

(2) Institut podnosiocu prijave na njegov primjerak potvrđuje prijem prijave.

(3) Po prijemu prijave, Institut ispituje da li prijava sadrži dijelove iz stava (1) ovog člana.

(4) Ako prijava ne sadrži dijelove iz stava (1) ovog člana, Institut će pozvati podnosioca prijave da u roku od 30 dana, koji se ne može produžiti, otkloni nedostatke zbog kojih prijava nije mogla biti upisana u Registar prijava.

(5) Ako podnosilac prijave u roku iz stava (4) ovog člana ne otkloni nedostatke, Institut će prijavu zaključkom odbaciti.

(6) Ako podnosilac prijave u roku iz stava (4) ovog člana otkloni nedostatke, Institut će zaključkom priznati kao datum podnošenja prijave onaj datum kada je podnosilac prijave otklonio uočene nedostatke.

(7) Prijava kojoj je priznat datum podnošenja upisuje se u Registar prijava o čemu Institut pismeno obavještava podnosioca prijave.

Član 23.
(Pravo prvenstva)

Podnosilac prijave ima pravo prvenstva od datuma podnošenja prijave u odnosu na sva druga lica koja su za identičan dizajn kasnije podnijela prijavu.

Član 24.
(Unijsko pravo prvenstva)

(1) Pravnom ili fizičkom licu koje je podnijelo urednu prijavu industrijskog dizajna s djelovanjem u nekoj zemlji članici Pariske unije ili Svjetske trgovinske organizacije priznat će se u BiH pravo prvenstva od datuma podnošenja te prijave, ako u BiH za isti industrijski dizajn podnese prijavu u roku od šest mjeseci od dana podnošenja prijave s djelovanjem u odnosnoj zemlji.

(2) Lice koje se poziva na pravo prvenstva iz stava (1) ovog člana mora u zahtjevu za priznanje

industrijskog dizajna naznačiti datum podnošenja, broj prijave i zemlju za koju je prijava podnesena.

(3) Urednom prijavom iz stava (1) ovog člana smatra se svaka prijava koja ispunjava uslove urednosti prema nacionalnom zakonodavstvu zemlje članice Pariske unije ili Svjetske trgovinske organizacije za koju je prijava podnesena, ili prema propisima međunarodne organizacije nastale na osnovu međunarodnog ugovora zaključenog između ovih zemalja, bez obzira na kasniju pravnu sudbinu te prijave.

(4) Lice iz stava (1) ovog člana dužno je da, u roku od tri mjeseca od dana podnošenja prijave u BiH, dostavi Institutu prijepis prijave iz stava (1) ovog člana, ovjeren od nadležnog organa zemlje članice Pariske unije, Svjetske trgovinske organizacije, odnosno međunarodne organizacije kojoj je ta prijava podnesena, kao i ovjereni prijevod prepisa na jednom od jezika u službenoj upotrebi u BiH.

(5) Ako lice iz stava (1) ovog člana ne ispuni obavezu iz stava (4) ovog člana, Institut neće priznati zahtijevano pravo prvenstva, te će zaključkom utvrditi da pravo prvenstva postoji od datuma podnošenja prijave utvrđenog u skladu sa članom 22. ovog zakona i nastaviti će postupak po podnesenoj prijavi.

(6) Sadržaj zahtjeva za izdavanje uvjerenja o pravu prvenstva i sadržaj uvjerenja o pravu prvenstva koje izdaje Institut uređuju se provedbenim propisom.

Član 25.

(Izložbeno (sajamsko) pravo prvenstva)

(1) Podnosilac prijave koji je izlagao dizajn na službenoj ili službeno priznatoj međunarodnoj izložbi u BiH, ili u drugoj zemlji članici Pariske unije ili Svjetske trgovinske organizacije, u skladu s Konvencijom o međunarodnim izložbama, može u roku od tri mjeseca od dana zatvaranja izložbe da zahtijeva u prijavi pravo prvenstva od prvog dana izlaganja tog dizajna na izložbi.

(2) Lice koje zahtijeva priznanje prava prvenstva iz stava (1) ovog člana dužno je uz prijavu dostaviti pismenu potvrdu nadležnog organa zemlje članice Pariske unije ili Svjetske trgovinske organizacije u kojoj je izložba održana da je u pitanju izložba, odnosno sajam međunarodnog karaktera, uz naznačavanje podataka o vrsti izložbe, odnosno sajma, mjestu održavanja, datumu otvaranja i zatvaranja izložbe, odnosno sajma, i prvom danu izlaganja dizajna za koji se traži priznanje industrijskog dizajna.

(3) Uvjerenje da je izložbi, odnosno sajmu održanom u BiH zvanično priznat međunarodni karakter izdaje Vanjskotrgovinska komora Bosne i Hercegovine.

Član 26.

(Višestruko pravo prvenstva)

Podnosilac prijave može zahtijevati priznanje višestrukog prava prvenstva na osnovu ranije podnesenih prijava u jednoj ili više zemalja članica Pariske unije ili Svjetske trgovinske organizacije pod uslovima iz člana 24. ovog zakona.

Član 27.
(Računanje rokova prvenstva)

- (1) Priznanjem prava prvenstva iz člana 25. ovog zakona ne produžavaju se rokovi iz člana 24. ovog zakona.
- (2) U slučaju zahtijevanja višestrukog prava prvenstva iz člana 26. ovog zakona, rokovi koji, prema članu 24. ovog zakona teku od datuma prvenstva, računaju se od datuma prvenstva prve prijave.

Član 28.
(Izmjena prikaza)

U podnesenoj prijavi ne može se naknadno izmijeniti prikaz na takav način da se prema obimu i sadržaju prikazanog predmeta zaštite bitno razlikuje od prvobitnog prikaza, čime bi se proširili novost i individualan karakter prvobitno prikazanog dizajna.

Član 29.
(Redoslijed ispitivanja prijava)

- (1) Prijave se ispituju prema redoslijedu određenom datumom njihovog podnošenja.
- (2) Izuzetno od odredbe stava (1) ovog člana, prijava se može rješavati po hitnom postupku u slučaju sudskog spora, ili pokrenutog inspekcijskog nadzora ili carinskog postupka, na zahtjev suda ili nadležnog organa tržišne inspekcije, odnosno carinskog organa.
- (3) U slučaju iz stava (2) ovog člana podnosi se zahtjev za ispitivanje prijave po hitnom postupku.

Član 30.
(Ispitivanje urednosti prijave i odbacivanje prijave)

- (1) Postupak ispitivanja urednosti prijave obuhvata ispitivanje svih uslova propisanih ovim zakonom i provedbenim propisom.
- (2) Prijava je uredna ako sadrži bitne dijelove iz članka 17. ovog zakona i druge propisane podatke.
- (3) Ako utvrdi da prijava nije uredna, Institut će pismenim putem, uz navođenje razloga, pozvati podnosioca prijave da je uredi u roku koji ne može biti kraći od 30 dana ni duži od 60 dana.
- (4) Na obrazloženi zahtjev podnosioca prijave, uz plaćanje propisane takse i troškova postupka, Institut će produžiti rok iz stava (3) ovog člana za vrijeme koje smatra primjerenim, ali ne kraće od 15 dana ni duže od 60 dana.
- (5) Ako podnosilac prijave u ostavljenom roku ne uredi prijavu, ili ne plati taksu za njeno uređivanje, Institut će zaključkom odbaciti prijavu.
- (6) U slučaju iz stava (4) ovog člana, uz plaćanje propisane takse i troškova postupka, podnosilac prijave može podnijeti prijedlog za povrat u prijašnje stanje u roku od tri mjeseca od dana prijema zaključka o odbacivanju.

Član 31.
(Odustajanje od prijave)

- (1) Podnosilac prijave može u toku cijelog postupka odustati od prijave u cjelini ili samo za neke dizajne.
- (2) Ako je u Registru prijava upisano određeno pravo u korist trećeg lica, podnosilac prijave ne može odustati od prijave bez pismene saglasnosti lica na čije ime je upisano to pravo.
- (3) U slučaju kada podnosilac prijave odustane od prijave u cjelini, Institut donosi poseban zaključak o obustavljanju postupka.
- (4) U slučaju iz stava (3) ovog člana prijava prestaje da važi narednog dana od dana predaje izjave o odustajanju Institutu.

Član 32.
(Razdvajanje prijave)

- (1) Prijava koja sadrži zahtjev za priznanje više industrijskih dizajna (u daljnjem tekstu: višestruka prijava) može se, na zahtjev podnosioca prijave, do upisa industrijskog dizajna u Registar industrijskog dizajna razdvojiti na dvije ili više pojedinačnih ili višestrukih izdvojenih prijava.
- (2) Sadržaj zahtjeva za razdvajanje prijave uređuje se provedbenim propisom.
- (3) Svaka od izdvojenih prijava iz stava (1) ovog člana dobiva novi broj prijave i zavodi se u Registar prijava, ali zadržava datum podnošenja prvobitne višestruke prijave i njeno pravo prvenstva.
- (4) O razdvajanju prijave donosi se posebno rješenje u kojem se naznačava broj, odnosno brojevi novih prijava, dizajni koji ostaju u prvobitnoj višestrukoj prijavi i dizajni koji su u izdvojenoj ili izdvojenim prijavama.
- (5) Izdvojena, odnosno izdvojene prijave upisuju se u Registar prijava.

Član 33.
(Ispitivanje apsolutnih razloga za odbijanje prijave)

Ako je prijava uredna u smislu člana 30. ovog zakona, Institut ispituje da li postoje apsolutni razlozi za odbijanje prijave propisani članom 10. ovog zakona.

Član 34.
(Odbijanje zahtjeva za priznanje industrijskog dizajna)

- (1) Ako utvrdi da prijava ne ispunjava uslove iz člana 10. ovog zakona, Institut će pismenim putem, na osnovu rezultata ispitivanja, obavijestiti podnosioca prijave o razlozima zbog kojih se industrijski dizajn ne može priznati i pozvat će ga da se izjasni o tim razlozima u roku koji ne može biti kraći od 30 dana ni duži od 60 dana.
- (2) Na obrazloženi zahtjev podnosioca prijave, uz plaćanje administrativne takse i troškova

postupka, Institut može jednom produžiti rok iz stava (1) ovog člana za vrijeme koje smatra primjerenim, ali ne kraće od 15 dana ni duže od 60 dana.

(3) Institut će rješenjem odbiti zahtjev za priznanje industrijskog dizajna u cijelosti ili za pojedine dizajne, kada je u pitanju višestruka prijava, ako podnosilac prijave ne postupi po zahtjevu iz stava (1) ovog člana, ili ako postupi, ali Institut i dalje smatra da se prijava industrijskog dizajna ne može priznati u cijelosti ili za pojedine dizajne, ako je u pitanju višestruka prijava.

DIO ČETVRTI - PRIGOVOR

Član 35. (Objavljivanje prijave)

(1) Prijava koja ispunjava uslove iz člana 30. stav (2) ovog zakona i ako nema razloga za odbijanje prijave iz člana 34. ovog zakona objavljuje se u "Službenom glasniku Instituta" (u daljnjem tekstu: službeno glasilo).

(2) Podaci iz prijave koji se objavljuju uređuju se provedbenim propisom.

Član 36. (*Pretvaranje prijave za priznanje industrijskog dizajna u prijavu patenta, odnosno korisnog modela*)

(1) Do trenutka objavljivanja prijave iz člana 35. ovog zakona prijava za priznanje industrijskog dizajna može se pretvoriti u prijavu za priznanje patenta, odnosno *korisnog modela*.

(2) Postupak za pretvaranje prijave iz stava (1) ovog člana uredit će se provedbenim propisom.

Član 37. (Mišljenje zainteresiranog lica)

(1) Nakon objavljivanja prijave, svako zainteresirano lice, u roku od tri mjeseca od datuma objavljivanja, može Institutu dostaviti pismeno mišljenje u kojem se obrazlaže zašto dizajn iz objavljene prijave ne ispunjava uslove iz člana 10. ovog zakona.

(2) Lice iz stava (1) ovog člana nije stranka u postupku.

(3) Institut će mišljenje iz stava (1) ovog člana, ako smatra da je relevantno za priznanje prijave, dostaviti podnosiocu prijave na odgovor u roku koji ne može biti kraći od 15 dana ni duži od 30 dana.

(4) Nakon prijema odgovora podnosioca prijave iz stava (3) ovog člana, odnosno istekom roka iz stava (3) ovog člana, Institut će donijeti odluku o priznanju ili odbijanju zahtjeva za priznanje industrijskog dizajna.

Član 38.
(Prigovor)

(1) U roku od tri mjeseca od dana objavljivanja prijave zainteresirano lice može Institutu pismenim putem podnijeti prigovor u kojem treba obrazložiti razloge zašto dizajn iz objavljene prijave ne ispunjava uslove iz člana 11. ovog zakona.

(2) Zainteresirano lice iz stava (1) ovog člana je:

a) svako lice koje smatra da nisu ispunjeni uslovi propisani članom 11. stav (1) tač. a), b), c) i f) ovog zakona,

b) nosilac nekog od prava iz člana 11. stav (1) tačka d) ovog zakona,

c) lice ili njegovi pravni sljednici, u smislu člana 11. st. (2) i (3), čiji lik predstavlja predmet dizajna u slučaju iz člana 11. stav (1) tačka e) ovog zakona.

(3) Rok za podnošenje prigovora iz stava (1) ovog člana ne može se ni iz kojeg razloga produžiti, niti se nakon isteka navedenog roka mogu podnijeti bilo kakve dopune prigovora, uključujući i dostavljanje dodatnih dokaza kojima se prigovor opravdava.

(4) Ako je na datum objavljivanja prijave protiv koje se prigovor podnosi u toku postupak za proglašavanje ništavim rješenja o priznanju industrijskog dizajna, žiga ili nekog drugog prava industrijskog vlasništva, a prigovor se zasniva na starijem pravu industrijskog vlasništva protiv kojeg je pokrenut neki od navedenih postupaka, Institut će, u skladu s razlozima prigovora, zastati s postupkom po prigovoru do pravosnažnosti odluke iz ranije pokrenutog postupka.

(5) Zainteresirano lice iz stava (1) ovog člana u postupku po prigovoru ima status stranke.

Član 39.
(Sadržaj prigovora)

(1) Prigovor mora da sadrži naročito:

a) ime i prezime, odnosno naziv podnosioca prigovora i njegovu adresu, odnosno poslovno sjedište,

b) detaljno obrazložene sve razloge i dokaze na kojima podnosilac prigovora zasniva prigovor i kojima dokazuje status zainteresiranog lica iz člana 38. stav (2) tač. b) i c) ovog zakona,

c) sve objavljene podatke o prijavi protiv koje se prigovor podnosi, uključujući i broj prijave, ime i prezime i adresu, odnosno naziv i poslovno sjedište podnosioca prijave i naziv i prikaz dizajna,

d) urednu punomoć, ako se prigovor podnosi posredstvom zastupnika.

(2) Prigovor se podnosi u dva primjerka.

(3) Prigovor na višestruku prijavu industrijskog dizajna mora sadržavati redni broj industrijskog dizajna iz prijave i razloge zbog kojih se industrijski dizajn ne može priznati, s priloženim dokazima.

Član 40.
(Postupak po prigovoru)

- (1) Institut ispituje, nakon prijema prigovora, da li je prigovor u svemu podnesen u skladu s čl. 38. i 39. ovog zakona.
- (2) Ako nisu ispunjeni uslovi iz stava (1) ovog člana, Institut će zaključkom odbaciti prigovor.
- (3) Ako su ispunjeni uslovi iz stava (1) ovog člana, Institut će dostaviti prigovor podnosiocu prijave i pozvati ga da se o njemu pismeno izjasni u roku od 60 dana.
- (4) Rok iz stava (3) ovog člana ne može se produžiti, niti nakon njegovog isteka podnosilac prijave može podnijeti dopune svog odgovora na prigovor, uključujući i dodatne dokaze.
- (5) Ako se podnosilac prijave ne izjasni na prigovor u roku iz stava (3) ovog člana, Institut će rješenjem odbiti zahtjev za priznanje industrijskog dizajna u granicama zahtjeva iz prigovora.
- (6) Ako podnosilac prijave u roku iz stava (3) ovog člana odgovori na prigovor, Institut ispituje opravdanost navoda iz prigovora, pri čemu može odrediti usmenu raspravu.
- (7) Ako je prigovor podnesen na osnovu starijeg autorskog prava kao razloga iz člana 11. stav (1) tačka d) ovog zakona, a podnosilac prijave je odgovorio na prigovor, Institut može, s obzirom na okolnosti, uputiti stranke da postojanje autorskog prava kao razloga iz člana 11. stav (1) tačka d) ovog zakona riješe kao prethodno pitanje u postupku pred nadležnim sudom.
- (8) Institut može prekinuti postupak na najmanje dva mjeseca, a ne duže od šest mjeseci u svrhu pokušaja mirnog rješavanja spora, na zajednički zahtjev podnosioca prijave za priznanje industrijskog dizajna i podnosioca prigovora.**
- (9) Rokovi koji su zbog prekida postupka prestali teći, počinju za zainteresovanu stranku teći u cjelini iznova od dana kada joj Institut dostavi zaključak o nastavljaju postupka.**
- (10) Nakon provedenog postupka po prigovoru, na osnovu utvrđenih činjenica, Institut donosi rješenje o odbijanju prigovora, o djelimičnom odbijanju prigovora i djelimičnom priznanju zahtjeva za priznanje industrijskog dizajna, odnosno o odbijanju zahtjeva za priznanje industrijskog dizajna.

Član 41.
(Rješenje o priznanju industrijskog dizajna)

- (1) Ako prijava ispunjava uslove za priznanje iz čl. 10. i 11. ovog zakona, Institut o tome donosi zaključak kojim ujedno poziva podnosioca prijave da u roku od 30 dana plati taksu i troškove postupka za prvih pet godina zaštite, za objavljivanje industrijskog dizajna i za ispravu o industrijskom dizajnu, te da Institutu dostavi dokaze o izvršenim uplatama.
- (2) Ako podnosilac prijave u ostavljenom roku ne dostavi dokaze o izvršenim uplatama iz stava (1) ovog člana, smatrat će se da je odustao od prijave i Institut će donijeti poseban zaključak o obustavljanju postupka.
- (3) U slučaju iz stava (2) ovog člana podnosilac prijave može, uz plaćanje takse i troškova postupka, podnijeti prijedlog za povrat u prijašnje stanje u roku od tri mjeseca od dana prijema zaključka o obustavljanju postupka.

(4) Ako podnosilac prijave dostavi dokaze o izvršenim uplatama iz stava (1) ovog člana, Institut donosi rješenje o priznanju industrijskog dizajna prema usvojenom prikazu, odnosno ako je u prijavi dostavljen i opis, prema prikazu i opisu, objavljuje industrijski dizajn i izdaje ispravu o industrijskom dizajnu.

(5) Sadržaj rješenja o priznanju industrijskog dizajna uređuje se provedbenim propisom.

Član 42.

(Upisivanje rješenja o priznanju industrijskog dizajna u Registar industrijskog dizajna)

(1) Rješenje o priznanju industrijskog dizajna s propisanim podacima upisuje se u Registar industrijskog dizajna.

(2) Podaci iz rješenja o priznanju industrijskog dizajna koje se upisuje u Registar industrijskog dizajna uređuju se provedbenim propisom.

(3) Datum upisivanja rješenja o priznanju industrijskog dizajna u Registar industrijskog dizajna je datum rješenja o priznanju industrijskog dizajna.

Član 43.

(Objavljivanje industrijskog dizajna)

(1) Registrirani industrijski dizajn s propisanim podacima objavljuje se u službenom glasilu.

(2) Podaci o industrijskom dizajnu koji se objavljuju uređuju se provedbenim propisom.

Član 44.

(Isprava o industrijskom dizajnu)

(1) Institut izdaje ispravu o industrijskom dizajnu zajedno s rješenjem o priznanju industrijskog dizajna.

(2) Sadržaj i izgled isprave o industrijskom dizajnu uređuju se provedbenim propisom.

DIO PETI - POSTUPAK MEĐUNARODNOG REGISTRIRANJA INDUSTRIJSKOG DIZAJNA

Član 45.

(Opća odredba)

Na međunarodno registrirani industrijski dizajn, za koji je zaštita zatražena i za teritoriju BiH prema Haškom sporazumu, primjenjuju se odredbe ovog zakona i provedbenog propisa u svim pitanjima koja nisu uređena tim ugovorom, osim ako odredbama ovog dijela zakona nije propisano drugačije.

Član 46.
(Međunarodna prijava industrijskog dizajna i zahtjev
za upisivanje promjene u Međunarodni registar)

- (1) Nosilac industrijskog dizajna iz BiH, odnosno podnosilac prijave u BiH može podnijeti međunarodnu prijavu industrijskog dizajna, kao i zahtjev za upisivanje promjena u Međunarodni registar u skladu s Haškim sporazumom i međunarodnim propisima za provođenje Haškog sporazuma.
- (2) Međunarodna prijava i zahtjevi iz stava (1) ovog člana, po izboru podnosioca, mogu se podnijeti direktno Međunarodnom birou Svjetske organizacije za intelektualno vlasništvo (u daljnjem tekstu: Međunarodni biro), ili indirektno, putem Instituta, na način kako je propisano Haškim sporazumom, Zajedničkim pravilnikom Haškog sporazuma, Administrativnim uputstvima, ovim zakonom i provedbenim propisom.
- (3) Ako se prijava i zahtjevi iz stava (1) ovog člana direktno podnose Međunarodnom birou, sve međunarodne takse i troškovi postupka plaćaju se direktno Međunarodnom birou.
- (4) Ako se prijava i zahtjevi iz stava (1) ovog člana podnose preko Instituta, taksa i troškovi postupka plaćaju se Institutu, a međunarodne takse direktno Međunarodnom birou.

Član 47.
(Postupak pred Institutom za međunarodno registriranje industrijskog dizajna)

- (1) Postupak za međunarodno registriranje industrijskog dizajna pokreće se podnošenjem zahtjeva za međunarodno registriranje industrijskog dizajna.
- (2) Uz zahtjev za međunarodno registriranje industrijskog dizajna podnose se i:
 - a) prikaz industrijskog dizajna,
 - b) punomoć, ako se zahtjev podnosi posredstvom zastupnika,
 - c) fakultativno, opis industrijskog dizajna.
- (3) Sadržaj zahtjeva iz stava (1) ovog člana, kao i sadržaj priloga koji se podnose uz zahtjev uređuju se provedbenim propisom.
- (4) Ako zahtjev za međunarodno registriranje industrijskog dizajna nije uredan, Institut će pismenim putem pozvati podnosioca zahtjeva da ga u roku od 30 dana od dana prijema poziva uredi.
- (5) Na obrazloženi zahtjev podnosioca zahtjeva rok iz stava (4) ovog člana može se produžiti najviše za 60 dana.

(6) Ako podnosilac zahtjeva u ostavljenom roku iz st. (4) ili (5) ovog člana ne postupi po pozivu, Institut će zaključkom odbaciti zahtjev za međunarodno registriranje industrijskog dizajna.

(7) Ako je zahtjev za međunarodnu registraciju industrijskog dizajna uredan, Institut će zaključkom pozvati podnosioca zahtjeva da u roku od najviše 30 dana plati administrativne takse i posebne troškove postupka Institutu kao i taksu direktno Međunarodnom uredu Svjetske organizacije za intelektualno vlasništvo i dostavi dokaz o izvršenoj uplati.

(8) Kada podnosilac zahtjeva za međunarodno registriranje industrijskog dizajna dostavi dokaz o izvršenoj uplati iz stava (7) ovog člana, Institut će Međunarodnom birou dostaviti zahtjev za međunarodno registriranje industrijskog dizajna.

(9) Ako podnosilac zahtjeva za međunarodno registriranje ne dostavi dokaz o izvršenoj uplati iz stava (7) ovog člana, smatrat će se da je zahtjev povučen, o čemu Institut donosi zaključak o obustavljanju postupka.

Član 48.

(Postupak Instituta prema međunarodnoj prijavi industrijskog dizajna za koju je tražena zaštita u BiH u skladu s Haškim sporazumom)

(1) Svaka međunarodna prijava industrijskog dizajna podnesena putem Haškog sporazuma za koju je zatražena zaštita u BiH, koja je objavljena u službenom glasilu Svjetske organizacije za intelektualno vlasništvo u kojem se objavljuju međunarodne prijave industrijskog dizajna, smatrat će se formalno urednom.

(2) Međunarodna prijava iz stava (1) ovog člana smatrat će se objavljenom i priznatom u BiH, a industrijski dizajn registriranim danom objavljivanja te prijave u službenom glasilu Svjetske organizacije za intelektualno vlasništvo.

(3) Institut u postupku po međunarodnoj prijavi iz stava (1) ovog člana ne primjenjuje odredbe čl. 30., 33., 34., 35., 37., 38., 39., 40., 41., 42., 43. i 44. ovog zakona.

(4) Izuzimajući odredbe st. (1), (2) i (3) ovog člana, na međunarodnu prijavu iz stava (1) ovog člana shodno se primjenjuju odredbe ovog zakona.

Član 49.

(Obavještenje Međunarodnom birou)

Institut će bez odgađanja obavijestiti Međunarodni biro o prestanku važenja međunarodno registriranog industrijskog dizajna u BiH, kao i o svim drugim promjenama u vezi s tim dizajnom koje su upisane u Registar industrijskog dizajna Instituta.

DIO ŠESTI - STICANJE, SADRŽAJ, OBIM I OGRANIČENJE PRAVA

Član 50.

(Sticanje i važenje industrijskog dizajna)

- (1) Industrijski dizajn stiče se upisivanjem u Registar industrijskog dizajna i važi pet godina od dana podnošenja prijave, s tim da se može još četiri puta produžiti za isti period.
- (2) Industrijski dizajn važi od dana podnošenja prijave Institutu pod uslovom da bude registriran.
- (3) Sadržaj zahtjeva za produženja važenja industrijskog dizajna uređuje se provedbenim propisom.

Član 51.

(Isključiva prava nosioca industrijskog dizajna)

- (1) Nosilac industrijskog dizajna ima pravo da zabrani trećem licu neovlašteno ekonomsko iskorištavanje registriranog industrijskog dizajna.
- (2) Pod ekonomskim iskorištavanjem iz stava (1) ovog člana podrazumijeva se:
 - a) industrijska i zanatska izrada proizvoda za tržište, na osnovu primjene zaštićenog dizajna,
 - b) upotreba takvog proizvoda u privrednoj djelatnosti,
 - c) skladištenje takvog proizvoda radi njegovog stavljanja u promet,
 - d) ponuda takvog proizvoda radi njegovog stavljanja u promet,
 - e) stavljanje u promet takvog proizvoda,
 - f) uvoz, izvoz ili tranzit takvog proizvoda.
- (3) Prava koja proizlaze iz ovog člana imaju djelovanje prema trećim licima od datuma upisivanja industrijskog dizajna u Registar industrijskog dizajna.

Član 52.

(Moralna prava autora dizajna)

- (1) Moralno pravo autora dizajna je da njegovo ime bude navedeno u prijavi, spisima i ispravi o industrijskom dizajnu.
- (2) Autor dizajna može tokom postupka zaštite, kao i tokom cijelog roka trajanja industrijskog dizajna povući svoju izjavu da ne želi da mu ime bude navedeno u prijavi, registrima, kao ni u drugim ispravama predviđenim ovim zakonom.

Član 53.
(Obim industrijskog dizajna)

- (1) Obim registriranog industrijskog dizajna određen je prikazom iz člana 19. ovog zakona.
- (2) Prilikom utvrđivanja obima industrijskog dizajna u slučaju spora sud će uzeti u obzir stepen slobode autora prilikom stvaranja industrijskog dizajna, u smislu člana 5. stav (2) ovog zakona.

Član 54.
(Pravo ranije upotrebe)

- (1) Industrijski dizajn nema djelovanje prema savjesnom licu koje je prije datuma priznatog prava prvenstva prijave u zemlji već počelo koristiti isti dizajn u proizvodnji, ili je izvršilo sve neophodne pripreme za otpočinjanje takvog korištenja.
- (2) Lice iz stava (1) ovog člana ima pravo da dizajn zaštićen registriranim industrijskim dizajnom koristi isključivo u proizvodne svrhe, u svom preduzeću ili radionici, ili tuđem preduzeću ili radionici za vlastite potrebe.
- (3) Lice iz stava (1) ovog člana ne može prenijeti svoje pravo na korištenje industrijskog dizajna na drugog, osim ako zajedno s pravom prenosi i preduzeće ili radionicu, odnosno dio preduzeća u kojem je pripremljeno, odnosno počelo korištenje tog industrijskog dizajna.

Član 55.
(Ograničenje prava)

Nosilac industrijskog dizajna ne može zabraniti trećem licu:

- a) bilo koju radnju učinjenu u nekomercijalne i eksperimentalne svrhe i
- b) radnje umnožavanja s ciljem podučavanja ili citiranja pod uslovom da su takve radnje u skladu s praksom lojalne konkurencije i da neopravdano ne ugrožavaju normalno iskorištavanje industrijskog dizajna, kao i da je navedeno porijeklo dizajna.

Član 56.
(Ograničenje prava radi nesmetanog obavljanja međunarodnog saobraćaja)

Isključiva prava nosioca industrijskog dizajna ne odnose se na:

- a) konstrukciju i opremu na brodovima, zrakoplovima ili suhozemnim vozilima registriranim u drugoj zemlji kada se privremeno ili slučajno nađu na teritoriji BiH,
- b) uvoz rezervnih dijelova ili dodatne opreme radi popravke takvog broda, zrakoplova ili suhozemnog vozila,
- c) izvođenje popravki na takvom brodu, zrakoplovu ili suhozemnom vozilu.

Član 57.
(Iskrpljenje prava)

(1) Nosilac industrijskog dizajna koji je bilo gdje u svijetu stavio u promet proizvod koji sadrži zaštićeni dizajn, ili koji je oblikovan prema zaštićenom dizajnu, ili ako je nosilac industrijskog dizajna ovlastio neko lice da bilo gdje u svijetu takav proizvod stavi u promet, nema pravo da zabrani trećim licima daljnje raspolaganje tim proizvodom, kupljenim u legalnim tokovima prometa.

(2) Stav (1) ovog člana neće se primijeniti u slučaju postojanja legitimnog interesa nosioca industrijskog dizajna da se suprotstavi daljnjem stavljanju u promet proizvoda koji sadrži zaštićeni dizajn ili koji je oblikovan prema zaštićenom dizajnu, posebno ako je u međuvremenu došlo do kvara ili druge promjene svojstva proizvoda.

Član 58.
(Odnos s drugim pravima industrijskog vlasništva)

Odredbe ovog zakona ne ograničavaju postojeća prava u vezi sa žigovima, geografskim oznakama, patentima *ili korisnim modelima*.

Član 59.
(Odnos prema autorskom pravu)

(1) Dizajn zaštićen registriranim industrijskim dizajnom u BiH, nakon prestanka važenja industrijskog dizajna, može da uživa i zaštitu na osnovu propisa kojim se uređuje autorsko pravo ako ispunjava uslove propisane tim zakonom, ali ne duže od 25 godina od dana podnošenja prijave za priznanje industrijskog dizajna.

(2) Rok iz stava (1) ovog člana ne može se ni na koji način produžiti bez obzira na rokove propisane zakonom kojim se regulira autorsko pravo.

Član 60.
(Dizajn stvoren u radnom odnosu)

Na pravnu zaštitu industrijskog dizajna stvorenog u radnom odnosu shodno se primjenjuju odredbe zakona kojim se uređuju patenti.

DIO SEDMI - PROMJENE U PRIJAVI ILI REGISTRACIJI INDUSTRIJSKOG DIZAJNA

Član 61.
(Promjena imena i adrese nosioca prava)

(1) Na zahtjev nosioca industrijskog dizajna, odnosno podnosioca prijave, uz plaćanje takse i troškova postupka Institut donosi rješenje o upisivanju u odgovarajući registar promjene imena i adrese nosioca industrijskog dizajna, odnosno podnosioca prijave.

(2) Jednim zahtjevom iz stava (1) ovog člana može se tražiti upisivanje promjene imena i adrese nosioca prava koje se odnosi na više industrijskih dizajna, odnosno više prijava, pod uslovom da su registarski brojevi, odnosno brojevi prijava naznačeni u zahtjevu.

(3) Za upisivanje promjena u skladu sa stavom (2) ovog člana za svaku zahtijevanu promjenu plaćaju se posebna taksa i troškovi postupka.

(4) Svaku upisanu promjenu iz stava (1) ovog člana, uz plaćanje takse i troškova postupka, Institut će objaviti u službenom glasilu.

(5) Sadržaj zahtjeva za upisivanje promjene iz stava (1) ovog člana uređuje se provedbenim propisom.

(6) Institut će izdati ispravu o industrijskom dizajnu s upisanom promjenom.

Član 62. (Prijenos prava)

(1) Prijenos registriranog industrijskog dizajna, odnosno prava iz prijave može se izvršiti na osnovu ugovora o prijenosu prava, kao i na osnovu statusne promjene nosioca industrijskog dizajna, odnosno podnosioca prijave, sudske ili administrativne odluke.

(2) Prijenos prava iz stava (1) ovog člana upisuje se u odgovarajući registar Instituta na zahtjev nosioca industrijskog dizajna, odnosno podnosioca prijave ili sticatelja prava.

(3) Upisivanje prijenosa prava iz stava (1) ovog člana u odgovarajući registar proizvodi pravno djelovanje prema trećim licima od datuma upisivanja.

(4) O upisivanju prijenosa prava iz stava (1) ovog člana u odgovarajući registar Institut donosi posebno rješenje.

Član 63. (Ugovor o prijenosu prava)

(1) Ugovorom o prijenosu prava iz člana 62. stav (1) ovog zakona nosilac industrijskog dizajna, odnosno podnosilac prijave, može prenijeti registrirani industrijski dizajn, odnosno pravo iz prijave.

(2) Ugovor o prijenosu prava iz stava (1) ovog člana sastavlja se u pisanoj formi i mora da sadrži: naznačenje ugovornih strana, broj registriranog industrijskog dizajna ili broj prijave i visinu naknade, ako je ugovorena.

Član 64. (Licenca)

(1) Nosilac industrijskog dizajna, odnosno podnosilac prijave, može ugovorom o licenci ustupiti pravo korištenja registriranog industrijskog dizajna, odnosno prava iz prijave.

(2) Ugovor o licenci iz stava (1) ovog člana sastavlja se u pisanoj formi i mora da sadrži: naznačenje ugovornih strana, broj registriranog industrijskog dizajna ili broj prijave, vrijeme trajanja licence i obim licence.

(3) Ugovor o licenci iz stava (1) ovog člana upisuje se u odgovarajući registar na zahtjev nosioca industrijskog dizajna, odnosno podnosioca prijave ili sticatelja prava.

(4) Upisivanje ugovora o licenci iz stava (1) ovog člana u odgovarajući registar proizvodi pravno djelovanje prema trećim licima od datuma upisivanja.

(5) O upisivanju ugovora o licenci iz stava (1) ovog člana u odgovarajući registar Institut donosi posebno rješenje.

Član 65.
(Objavljivanje prijenosa prava ili licence)

Institut će u službenom glasilu objaviti da je prijenos prava *ili* licence iz čl. 63. i 64. ovog zakona upisan u odgovarajući registar.

Član 66.
(Zalog)

(1) Registrirani industrijski dizajn, odnosno pravo iz prijave može biti predmet ugovora o zalogu.

(2) Ugovor o zalogu iz stava (1) ovog člana sastavlja se u pisanoj formi i mora da sadrži: dan zaključenja, ime i prezime ili poslovno ime, prebivalište ili boravište, odnosno sjedište ugovornih strana, kao i dužnika ako su to različita lica, registarski broj industrijskog dizajna, odnosno broj prijave i podatke o potraživanju koje se osigurava založnim pravom.

(3) Povjerilac stiče založno pravo upisom u odgovarajući registar Instituta.

(4) Ugovor o zalogu iz stava (1) ovog člana upisuje se u odgovarajući registar, uz plaćanje takse i troškova postupka, na zahtjev nosioca industrijskog dizajna, odnosno podnosioca prijave ili založnog povjerioca.

(5) O upisivanju ugovora o zalogu iz stava (1) ovog člana u odgovarajući registar Institut donosi posebno rješenje.

Član 67.
**(Postupak za upisivanje promjena imena i adrese
nosioca prava, prijenosa prava, licence ili zaloga)**

(1) Postupak za upisivanje promjene imena i adrese nosioca prava, prijenosa prava, licence ili zaloga u odgovarajući registar Instituta pokreće se pisanim zahtjevom.

(2) Uz zahtjev iz stava (1) ovog člana podnosi se:

a) dokaz o pravnom osnovu promjene ili prijenosa čije se upisivanje traži,

b) punomoć, ako se postupak za upisivanje promjene ili prijenosa prava, licence ili zaloga pokreće posredstvom opunomoćenika,

(3) Jednim zahtjevom iz stava (1) ovog člana može se tražiti upisivanje promjene ili prijenosa prava koji se odnosi na više registriranih industrijskih dizajna, odnosno više prijava, pod uslovom da su raniji nosilac prava i novi nosilac prava isti u svakom registriranom industrijskom dizajnu, odnosno prijavi, i da su registarski brojevi industrijskih dizajna, odnosno brojevi prijava naznačeni u zahtjevu.

(4) Jednim zahtjevom iz stava (1) ovog člana može se tražiti upisivanje licence ili zaloga koji se odnose na više registriranih industrijskih dizajna, odnosno više prijava, pod uslovom da su nosilac prava i sticatelj licence odnosno zaloga isti u registriranom industrijskom dizajnu, odnosno prijavi, i da su registarski brojevi industrijskih dizajna, odnosno brojevi prijava naznačeni u zahtjevu.

(5) Za zahtjeve iz st. (3) i (4) ovog člana plaćaju se takse i troškovi postupka posebno za svaki registrirani industrijski dizajn ili prijavu koji su naznačeni u zahtjevu.

(6) Sadržaj zahtjeva iz stava (1) ovog člana, kao i sadržaj priloga koji se podnose uz zahtjev uređuju se provedbenim propisom.

Član 68.

(Urednost zahtjeva za upisivanje promjene imena ili adrese nosioca prava, prijenosa prava, licence ili zaloga)

(1) Zahtjev za upisivanje promjene imena ili adrese nosioca prava, prijenosa prava, licence ili zaloga je uredan ako sadrži podatke iz člana 67. stav (2) ovog zakona i druge propisane podatke.

(2) Ako zahtjev za upisivanje prijenosa prava, licence ili zaloga nije uredan, Institut će pozvati podnosioca zahtjeva da ga u roku od 30 dana od dana prijema poziva uredi.

(3) Uz obrazloženje podnosioca zahtjeva i plaćanje takse i troškova postupka Institut će produžiti rok iz stava (2) ovog člana za vrijeme koje smatra primjerenim, ali ne kraće od 15 dana ni duže od 60 dana.

(4) Ako podnosilac zahtjeva u roku iz stava (2) ovog člana ne postupi po pozivu, Institut će zaključkom odbaciti zahtjev.

DIO OSMI - PRESTANAK PRAVA

Član 69.

(Prestanak industrijskog dizajna)

(1) Industrijski dizajn prestaje istekom roka od pet godina za koji su plaćeni taksa i troškovi postupka ako se njegovo važenje ne produži.

(2) Industrijski dizajn prestaje i prije isteka roka iz stava (1) ovog člana:

a) ako se nosilac industrijskog dizajna odrekne svog prava - narednog dana od dana predaje Institutu izjave o odricanju,

b) na osnovu sudske odluke, odnosno odluke Instituta, u slučajevima predviđenim ovim zakonom - danom određenim tom odlukom,

c) ako je prestalo da postoji pravno lice, odnosno ako je umrlo fizičko lice koje je nosilac industrijskog dizajna - danom prestanka, odnosno smrti, osim ako je industrijski dizajn prešao na pravne sljednike tog lica, na zahtjev zainteresiranog lica.

(3) U slučajevima iz stava (2) tač. a) i c) ovog člana Institut donosi posebno rješenje.

Član 70. (Pravo trećeg lica)

(1) Ako je u Registru industrijskog dizajna upisano određeno pravo u korist trećeg lica, nosilac industrijskog dizajna ne može se odreći industrijskog dizajna bez pismene saglasnosti lica na čije ime je upisano to pravo.

(2) Ako nosilac industrijskog dizajna u određenom roku ne plati propisanu taksu i troškove postupka, a u Registru industrijskog dizajna je upisano pravo u korist trećeg lica, Institut će to lice obavijestiti da nisu plaćeni taksa i troškovi postupka i da ih može platiti u roku od šest mjeseci od dana prijema obavještenja i time održati važenje industrijskog dizajna.

DIO DEVETI - POSTUPAK PROGLAŠAVANJA NIŠTAVIM RJEŠENJA O PRIZNANJU INDUSTRIJSKOG DIZAJNA

Član 71. (Uslovi za proglašavanje ništavim rješenja o priznanju industrijskog dizajna)

Rješenje o priznanju industrijskog dizajna može se proglasiti ništavim u cjelini, ili samo za pojedini dizajn, ako je priznat industrijski dizajn koji sadrži više dizajna, pod uslovom da se utvrdi da u vrijeme registracije industrijskog dizajna nisu bili ispunjeni uslovi za priznanje industrijskog dizajna predviđeni ovim zakonom.

Član 72. (Prijedlog za proglašavanje ništavim rješenja o priznanju industrijskog dizajna)

(1) Rješenje o priznanju industrijskog dizajna može se proglasiti ništavim po službenoj dužnosti ili po prijedlogu zainteresiranog lica za sve vrijeme trajanja industrijskog dizajna.

(2) Ako je izjavljen prigovor na podnesenu prijavu industrijskog dizajna iz razloga propisanih u članu 11. stav (1) ovog zakona, pa je rješenje o odbijanju prigovora konačno, prijedlog za proglašavanje ništavim rješenja o priznanju industrijskog dizajna isto lice ne može da podnese iz istih razloga koji su navedeni u odbijenom prigovoru, osim ako podnosilac prijedloga ne dostavi nove dokaze koji bi sami ili u vezi s već upotrijebljenim dokazima mogli da dovedu do drugačijeg rješenja u postupku po prigovoru.

(3) Uz prijedlog za proglašavanje ništavim rješenja o priznanju industrijskog dizajna podnose se odgovarajući dokazi.

Član 73.

(Postupak za proglašavanje ništavim rješenja o priznanju industrijskog dizajna)

(1) Postupak za proglašavanje ništavim rješenja o priznanju industrijskog dizajna pokreće se pisanim prijedlogom za proglašavanje ništavim rješenja o priznanju industrijskog dizajna.

(2) Sadržaj prijedloga iz stava (1) ovog člana, kao i prilozi uz prijedlog uređuju se provedbenim propisom.

(3) Prijedlog za proglašavanje ništavim rješenja o priznanju industrijskog dizajna uredan je ako sadrži propisane podatke.

(4) Ako prijedlog za proglašavanje ništavim rješenja o priznanju industrijskog dizajna nije uredan, Institut će pozvati podnosioca prijedloga da ga uredi u roku od 30 dana od dana prijema poziva.

(5) Na obrazloženi zahtjev podnosioca prijedloga, uz plaćanje takse i troškova postupka, Institut će produžiti rok iz stava (4) ovog člana za vrijeme koje smatra primjerenim, ali ne kraće od 15 dana ni duže od 60 dana.

(6) Ako podnosilac prijedloga u roku iz stava (4) ovog člana ne postupi po pozivu, Institut će zaključkom odbaciti prijedlog.

(7) Uredan prijedlog Institut će dostaviti nosiocu industrijskog dizajna i pozvati ga da u roku od 30 dana od dana prijema poziva dostavi svoj odgovor.

(8) Na obrazloženi zahtjev nosioca industrijskog dizajna Institut će produžiti rok iz stava (7) ovog člana za vrijeme koje smatra primjerenim, ali ne kraće od 15 ni duže od 60 dana.

(9) Ako se nosilac prava ne izjasni na prijedlog za proglašavanje ništavim rješenja o priznanju industrijskog dizajna u roku iz stava (7) ovog člana, Institut će rješenjem odlučiti u granicama zahtjeva iz prijedloga za proglašavanje ništavim.

(10) Ako ocijeni da je neophodno, Institut može odrediti usmenu raspravu povodom podnesenog prijedloga za proglašavanje ništavim rješenja o priznanju industrijskog dizajna.

(11) Institut može prekinuti postupak na najmanje dva mjeseca, a ne duže od šest mjeseci u svrhu pokušaja mirnog rješenja spora, na zajednički zahtjev nosioca prava na industrijski dizajn i podnosioca prijedloga.

(12) Rokovi koji su zbog prekida postupka prestali teći, počinju za zainteresovanu stranku teći u cjelini iznova od dana kada joj Institut dostavi zaključak o nastavljaju postupka.

(13) Poslije provedenog postupka po prijedlogu za proglašavanje ništavim rješenja o priznanju industrijskog dizajna na osnovu prijedloga iz člana 72. stav (1) ovog zakona, Institut može u svako doba donijeti rješenje o proglašavanju ništavim rješenja o priznanju industrijskog dizajna u cjelini ili samo za pojedini dizajn kod višestruke prijave, odnosno rješenje o odbijanju prijedloga.

(14) Rješenje o proglašavanju rješenja o priznanju industrijskog dizajna ništavim koje je konačno u upravnom postupku Institut će objaviti u službenom glasilu. U slučaju da je pokrenut upravni spor, Sud može na prijedlog tužioca donijeti rješenje da se konačno rješenje ne objavljuje do odluke u upravnom sporu.

(15) Prijedlog za proglašavanje ništavim rešenja o priznanju industrijskog dizajna treba da sadrži registarski broj dizajna višestruke prijave, redni broj industrijskog dizajna iz prijave i razloge zbog kojih se industrijski dizajn treba proglasiti ništavim, sa priloženim dokazima.

Član 74.

(Djelovanje na pravosnažnu sudsku odluku)

Rješenje o proglašavanju ništavnim rješenja o priznanju industrijskog dizajna nema djelovanje na sudske odluke u vezi s utvrđivanjem povrede prava koje su u momentu donošenja rješenja o proglašavanju ništavnim bile pravosnažne, kao i na zaključene ugovore o prijenosu prava, odnosno ustupanju licence, odnosno franšize, ako su i u mjeri u kojoj su ti ugovori izvršeni pod uslovom da je tužilac, odnosno nosilac industrijskog dizajna bio savjestan.

DIO DESETI - ŽALBENI POSTUPAK

Član 75.

(Pravo na žalbu)

(1) Protiv odluka Instituta donesenih u prvom stepenu stranka čijem zahtjevu u cjelini ili u dijelu nije udovoljeno ima pravo žalbe u roku od 15 dana od dana dostavljanja odluke.

(2) Druge stranke u postupku koji je okončan odlukom protiv koje se podnosi žalba smatraju se strankama u žalbenom postupku.

Član 76.

(Sadržaj žalbe)

Uz podatke koje mora da sadrži svaki podnesak, žalba mora da sadrži i:

- a) Oznaku upravnog akta protiv kojeg se podnosi,
- b) Izjavu o tome da se upravni akt osporava u cjelini ili u određenom dijelu,
- c) Razloge zbog kojih se žalba podnosi,
- d) Obrazloženje žalbe sa svim dokazima kojima podnosilac žalbe potvrđuje svoje navode iz žalbe,
- e) Potpis podnosioca žalbe,
- f) Punomoć, ako se žalba podnosi posredstvom opunomoćenika.

Član 77.
(Komisija za žalbe)

- (1) Komisija za žalbe osniva se kao nezavisni organ za odlučivanje o žalbi u skladu s odredbama ovog zakona.
- (2) Komisija za žalbe ima tri člana, od kojih je jedan predsjednik Komisije za žalbe, i tri zamjenika člana, od kojih je jedan zamjenik predsjednika.
- (3) članove Komisije za žalbe imenuje Vijeće ministara Bosne i Hercegovine (u daljnjem tekstu: Vijeće ministara) iz reda nezavisnih stručnjaka u području prava industrijskog vlasništva i državnih službenika iz Instituta na način uređen odlukom Vijeća ministara.
- (4) Sjedište Komisije za žalbe je u sjedištu Instituta.
- (5) Institut osigurava Komisiji za žalbe radni prostor i potrebnu opremu za rad, kao i obavljanje kancelarijskih i administrativnih poslova.
- (6) Komisija za žalbe ima svoj poseban pečat.
- (7) Predsjednik Komisije za žalbe upravlja njenim radom.
- (8) U slučaju odsustva, predsjednika Komisije za žalbe mijenja zamjenik predsjednika, a člana zamjenik člana Komisije za žalbe.
- (9) Predsjednik i članovi Komisije za žalbe u svome radu su nezavisni, nisu obavezani nikakvim uputstvima direktora Instituta i svoje zadatke obavljaju nepristrasno, u skladu sa zakonom i pravilima struke.
- (10) Predsjednik i članovi Komisije za žalbe imaju položaj nezavisnih stručnjaka, a naknadu za svoj rad primaju u skladu s provedbenim propisom o naknadama za rad u Komisiji za žalbe.
- (11) članovi Komisije za žalbe i zamjenici članova koji su učestvovali u donošenju odluke u prvostepenom postupku, ili ako postoje neki drugi razlozi za njihovo izuzeće, ne mogu učestvovati u postupku po žalbi u konkretnom predmetu.
- (12) Komisija za žalbe donosi poslovnik o radu.

Član 78.
(Odlučivanje o žalbi)

- (1) Komisija za žalbe odlučuje na sjednici, većinom glasova.
- (2) Komisija za žalbe odlučuje na osnovu podnesene žalbe, a kada smatra da je to neophodno, može da odredi održavanje usmene rasprave.
- (3) U postupku odlučivanja o žalbi na odgovarajući način primjenjuju se odredbe čl.30., 40. i 73. ovog zakona.

DIO JEDANAESTI - GRAĐANSKOPRAVNA ZAŠTITA

Član 79. (Tužba zbog povrede prava)

(1) U slučaju povrede registriranog industrijskog dizajna ili prava iz prijave industrijskog dizajna ako industrijski dizajn bude priznat, nosilac industrijskog dizajna može tužbom da zahtijeva:

- a) utvrđivanje povrede prava,
- b) zabranu daljnjeg vršenja učinjene povrede i budućih sličnih povreda prestankom ili uzdržavanjem od radnji koje to pravo povređuju,
- c) uklanjanje stanja nastalog povredom prava,
- d) povlačenje predmeta povrede iz privrednih tokova, uz uvažavanje interesa trećih savjesnih lica,
- e) potpuno uklanjanje predmeta povrede iz privrednih tokova,
- f) uništenje predmeta kojima je izvršena povreda prava,
- g) uništenje sredstava koja su isključivo ili u pretežnoj mjeri namijenjena ili se upotrebljavaju za činjenje povreda i koja su vlasništvo povredilaca,
- h) prepuštanje predmeta povrede nosiocu prava uz naknadu troškova proizvodnje,
- i) naknadu imovinske štete i opravdanih troškova postupka,
- j) naknadu moralne štete nanesene autoru,
- k) objavljivanje presude o trošku tuženog.

(2) Pri odlučivanju o zahtjevima iz stava (1) tač. c), d), e), f), g) i h) ovog člana sud je dužan da uzme u obzir sve okolnosti slučaja, naročito srazmjer između težine učinjene povrede i zahtjeva, kao i interes ovlaštenog lica za osiguravanje efektivne zaštite prava.

(3) U postupku protiv lica čije su usluge bile upotrijebljene za povredu prava, a postojanje te povrede već je pravosnažno ustanovljeno u postupku prema trećem licu, pretpostavlja se da povreda prava postoji.

(4) U postupku po tužbi iz stava 1. rok za odgovor na tužbu je osam dana od dana dostave tužbe tuženiku.

(5) U sporovima zbog povrede prava iz ovoga zakona ročište za glavnu raspravu mora se održati u roku od 30 dana od dana primitka odgovora na tužbu.

(6) U postupku u parnicama postupak zbog povrede industrijskog dizajna pred prvostepenim sudom mora se okončati u roku od godine dana od dana podnošenja tužbe.

(7) U postupku u parnicama zbog povrede industrijskog dizajna drugostepeni je sud dužan donijeti odluku o žalbi podnesenoj protiv odluke prvostupanjskog suda u roku od šest mjeseci od dana primitka žalbe.

(8) Rješenje o privremenoj mjeri donosi se u roku od 30 dana od dana podnošenja prijedloga za određivanje privremene mjere.

Član 80.

(Povreda registriranog industrijskog dizajna)

- (1) Povredom registriranog industrijskog dizajna ili prava iz prijave, ako industrijski dizajn bude naknadno priznat, smatra se svako neovlašteno korištenje zaštićenog dizajna u smislu člana 51. ovog zakona.
- (2) Povredom industrijskog dizajna smatra se i podražavanje registriranog industrijskog dizajna.
- (3) Prilikom utvrđivanja da li postoji povreda registriranog industrijskog dizajna, sud naročito vodi računa o stepenu slobode stvaraoca dizajna.

Član 81.

(Naknada štete)

- (1) Za sve povrede prava iz ovog zakona važe opća pravila o naknadi štete i odgovornosti za štetu, osim ako ovim zakonom nije drugačije određeno.
- (2) Lice koje povrijedi registrirani industrijski dizajn dužno je da plati nosiocu prava odštetu u obimu koji se određuje prema općim pravilima o naknadi štete, ili u obimu koji odgovara ugovorenoj ili uobičajenoj naknadi za zakonito korištenje registriranog industrijskog dizajna.

Član 82.

(Penal)

- (1) Ako je povreda registriranog industrijskog dizajna učinjena namjerno ili krajnjom nepažnjom, nosilac industrijskog dizajna može od lica koje je registrirani industrijski dizajn povrijedilo da traži naknadu do trostrukog iznosa ugovorene, a ako nije ugovorena, od uobičajene licencne naknade koju bi primio za korištenje registriranog industrijskog dizajna.
- (2) Pri odlučivanju o zahtjevu za plaćanje penala sud će uzimati u obzir sve okolnosti slučaja, a naročito obim nastale štete, stepen krivice povredioca, iznos ugovorene ili uobičajene licencne naknade i preventivni cilj penala.
- (3) Ako je nastala šteta veća od penala iz stava (1) ovog člana, nosilac prava ovlašten je da traži razliku do iznosa naknade potpune štete.

Član 83.
(Aktivna legitimacija za tužbu)

- (1) Tužbu zbog povrede registriranog industrijskog dizajna, odnosno prava iz prijave iz člana 79. ovog zakona može podnijeti nosilac industrijskog dizajna, podnosilac prijave i sticatelj isključive licence.
- (2) Tužbu zbog pretrpljene moralne štete može podnijeti i autor dizajna, ako nije nosilac industrijskog dizajna ili podnosilac prijave.
- (3) Postupak po tužbi zbog povrede prava iz prijave sud će prekinuti do konačne odluke Instituta o podnesenoj prijavi.
- (4) Ako je pred Institutom pokrenut postupak iz člana 73. ovog zakona, sud koji postupi po tužbi iz člana 79. ovog zakona dužan je da prekine postupak do konačne odluke Instituta.

Član 84.
(Rok za podnošenje tužbe)

Tužba zbog povrede registriranog industrijskog dizajna, odnosno povrede prava iz prijave može se podnijeti u roku od tri godine od dana kada je tužilac saznao za povredu i učinio, a najkasnije u roku od pet godina od dana kad je povreda prvi put učinjena.

Član 85.
(Privremene mjere)

- (1) Sud će odrediti privremenu mjeru radi osiguranja zahtjeva prema odredbama ovog zakona, ako predlagač učini vjerovatnim:
 - a) da je nosilac prava iz ovog zakona i
 - b) da je njegovo pravo povrijeđeno, ili da prijeti stvarna opasnost od povrede.
- (2) Nosilac prava mora da učini vjerovatnim i jednu od sljedećih pretpostavki:
 - a) opasnost da će ostvarivanje zahtjeva biti onemogućeno ili znatno otežano,
 - b) da je privremena mjera potrebna radi sprečavanja nastanka štete koju će biti kasnije teško popraviti, ili
 - c) da pretpostavljeni povredilac, donošenjem privremene mjere koja bi se kasnije u postupku pokazala kao neopravdana, ne bi pretrpio veće negativne posljedice od onih koje

bi bez donošenja takve privremene mjere pretrpio nosilac prava.

(3) Nosilac prava koji predlaže da se donese privremena mjera bez prethodnog obavješćavanja i saslušanja suprotne strane dužan je, osim uslova iz st. (1) i (2) ovog člana, da učini vjerovatnim da bi bilo kakvo odgađanje donošenja privremene mjere prouzrokovalo nosiocu prava nastanak štete koju bi bilo teško popraviti.

(4) U slučaju donošenja privremene mjere prema odredbama stava (3) ovog člana, sud će rješenje o privremenoj mjeri dostaviti suprotnoj strani odmah poslije njenog provođenja.

(5) Nosilac prava ne mora dokazivati opasnost da će ostvarivanje zahtjeva biti onemogućeno ili znatno otežano ako učini vjerovatnim da će predložena privremena mjera prouzrokovati pretpostavljenom povrediocu samo neznatnu štetu.

(6) Smatra se da opasnost postoji ako bi trebalo ostvarivati zahtjeve u inozemstvu.

(7) Sud može odrediti za osiguranje zahtjeva, prema stavu (1) ovog člana, bilo koju privremenu mjeru kojom se može postići cilj osiguranja, a naročito:

a) da se pretpostavljenom povrediocu zabrane radnje kojima se povređuje pravo iz ovog zakona,

b) da se oduzmu, uklone iz prometa i pohrane predmeti povrede i sredstva povrede koji su isključivo ili u pretežnoj mjeri namijenjeni, odnosno koji se upotrebljavaju za činjenje povreda.

(8) Ako je mjera određena prije podnošenja tužbe, sud će u rješenju odrediti i rok u kojem predlagač mora da podnese tužbu radi opravdanja te mjere.

(9) Rok iz stava (8) ovog člana ne može biti duži od 20 radnih dana, odnosno 31 kalendarskog dana, od dana dostavljanja rješenja predlagaču, zavisno od toga koji rok ističe kasnije.

(10) Sud mora da odluči o prigovoru protiv rješenja o privremenoj mjeri u roku od 30 dana od dana podnošenja odgovora na prigovor, odnosno od isteka roka za podnošenje tog odgovora.

(11) Postupak u vezi s donošenjem privremene mjere je hitan.

Član 86. (Osiguranje dokaza)

(1) Sud će donijeti rješenje o osiguranju dokaza ako predlagač pruži sudu razumne dokaze o tome:

a) da je nosilac prava iz ovog zakona,

- b) da je njegovo pravo povrijeđeno ili da prijeti stvarna opasnost od povrede,
 - c) da će dokazi o toj povredi biti uništeni ili kasnije neće moći biti izvedeni.
- (2) Nosilac prava koji traži da se donese rješenje o osiguranju dokaza bez prethodnog obavješćavanja i saslušanja suprotne strane dužan je da, osim uslova iz stava (1) ovog člana, učini vjerovatnim i postojanje opasnosti da će dokazi o povredi, zbog radnji protivnika, biti uništeni, ili da se kasnije neće moći izvesti.
- (3) U slučaju donošenja odluke o osiguranju dokaza prema odredbama stava (2) ovog člana, sud će rješenje o osiguranju dostaviti suprotnoj strani odmah poslije izvođenja dokaza.
- (4) Sud može rješenjem iz stava (1) ovog člana odrediti da se izvede bilo koji dokaz, a naročito:
- a) uviđaj prostorija, poslovne dokumentacije, inventara, baza podataka, kompjuterskih memorijskih jedinica ili drugih stvari,
 - b) oduzimanje uzoraka predmeta povrede,
 - c) pregled i predaju dokumenata,
 - d) određivanje i saslušanje vještaka,
 - e) saslušanje svjedoka.
- (5) Osiguranje dokaza može se tražiti i poslije pravosnažno okončanog postupka, ako je to potrebno radi pokretanja postupka prema vanrednim pravnim lijekovima ili za vrijeme takvog postupka.
- (6) U postupku osiguranja dokaza, prema odredbama ovog člana, primjenjuju se odgovarajuće odredbe zakona o parničnom postupku, a koje se odnose na privremene mjere, osim ako je ovim zakonom drugačije određeno.
- (7) Postupak osiguranja dokaza je hitan.
- (8) Ako se kasnije pokaže da je prijedlog za osiguranje dokaza neopravdan, ili ako nosilac prava taj prijedlog ne opravda, suprotna strana ima pravo da traži:
- a) vraćanje oduzetih predmeta,
 - b) zabranu upotrebe pribavljenih informacija,
 - c) naknadu štete.
- (9) Sud mora u postupku osiguranja dokaza, prema odredbama ovog člana, da osigura zaštitu povjerljivih podataka stranaka i da vodi brigu o tome da se sudski postupak ne

zloupotrebljava isključivo s namjerom pribavljanja povjerljivih podataka suprotne strane.

Član 87.
(Dužnost obavješćavanja)

(1) Sud može u toku parnice, zbog povrede prava iz ovog zakona, na osnovu opravdanog zahtjeva jedne od stranaka naložiti povrediocu prava da dostavi podatke o izvoru i distributivnim kanalima robe ili usluga kojima se povređuje pravo iz ovog zakona.

(2) Sud može naložiti da podatke iz stava (1) ovog člana dostave sudu i lica koja u obimu komercijalne djelatnosti:

- a) posjeduju robu za koju se sumnja da se njome povređuje pravo iz ovog zakona, ili
- b) koriste usluge za koje se sumnja da se njima povređuje pravo iz ovog zakona, ili
- c) pružaju usluge za koje se sumnja da se njima povređuje pravo iz ovog zakona.

(3) Smatra se da je neka radnja preduzeta u obimu komercijalne djelatnosti ako je preduzeta za pribavljanje posredne ili neposredne ekonomske koristi.

(4) Pojam komercijalne djelatnosti ne obuhvata radnje savjesnih krajnjih potrošača.

(5) Sud može naložiti da podatke iz stava (1) ovog člana dostavi sudu i lica koje je od nekog od lica navedenih u stavu (2) ovog člana označeno kao umiješano u proizvodnju, izradu i distribuciju robe ili pružanje usluga za koje se sumnja da se njima povređuje pravo iz ovog zakona.

(6) Podaci traženi na osnovu stava (1) ovog člana mogu naročito da obuhvate:

- a) ime, adresu, odnosno firmu i sjedište proizvođača, izrađivača, distributera, dobavljača i drugih prethodnih posjednika robe, odnosno davalaca usluga, kao i namjeravanih prodavaca na veliko i malo,
- b) podatke o količinama proizvedene, izrađene, isporučene, primljene ili naručene robe ili usluga, kao i o cijenama ostvarenim za odnosnu robu i usluge.

Član 88.
(Izvođenje dokaza)

(1) Ako sud odluči da će izvesti predloženi dokaz koji se nalazi kod suprotne strane, ta strana dužna je na zahtjev suda da preda dokazna sredstva kojima raspolaže.

(2) Stav (1) ovog člana odnosi se i na bankarsku, finansijsku i poslovnu dokumentaciju koja je pod kontrolom suprotne strane, ako se radi o povredi koja dostiže obim komercijalne

djelatnosti.

(3) U postupku izvođenja dokaza primjenjuju se odgovarajuće odredbe zakona koji uređuje parnični postupak, osim ako je ovim zakonom drugačije određeno.

(4) Sud mora poslije izvođenja dokaza, u skladu sa stavom (1) ovog člana, da osigura zaštitu povjerljivih podataka stranaka i da vodi brigu o tome da se sudski postupak ne zlorabljiva isključivo s namjerom pribavljanja povjerljivih podataka suprotstavljene stranke.

Član 89.

(Sredstvo osiguranja za suprotstavljenu stranku)

Na zahtjev lica protiv kojeg je pokrenut postupak za određenje privremene mjere ili osiguranja dokaza, sud može odrediti odgovarajući novčani iznos kao sredstvo osiguranja u slučaju da je zahtjev neosnovan, na teret podnosioca zahtjeva.

Član 90.

(Osporavanje industrijskog dizajna)

(1) Autor dizajna ili njegov pravni sljednik može tužbom zahtijevati od suda da utvrdi da on ima pravo na podnošenje prijave umjesto lica ili zajedno s licem koje je podnijelo prijavu.

(2) Autor dizajna ili njegov pravni sljednik može tužbom zahtijevati od suda da utvrdi da je on nosilac registriranog industrijskog dizajna umjesto lica ili zajedno s licem na čije ime je registriran industrijski dizajn.

(3) Tužba iz stava (1) ovog člana može se podnijeti do okončanja postupka za priznanje industrijskog dizajna, a tužba iz stava (2) ovog člana može se podnijeti do isteka roka važenja registriranog industrijskog dizajna.

(4) Ako se sudskom odlukom usvoji tužbeni zahtjev iz stava (1), odnosno stava (2) ovog člana, Institut će po prijemu presude, ili na zahtjev tužioca, upisati tužioca u odgovarajući registar Instituta kao podnosioca prijave, ili nosioca registriranog industrijskog dizajna, i podatke o tome objaviti u službenom glasilu.

Član 91.

(Pribavljeno pravo trećeg lica na osporenom industrijskom dizajnu)

Pravo koje je treće lice pribavilo od ranijeg podnosioca prijave, odnosno nosioca registriranog industrijskog dizajna, iz člana 90. ovog zakona prestaje danom upisivanja novog podnosioca prijave, odnosno nosioca registriranog industrijskog dizajna, u odgovarajući registar Instituta samo ako je raniji podnosilac prijave, odnosno nosilac industrijskog dizajna, na osnovu sudske odluke iz člana 90. stav (4) ovog zakona brisan iz odgovarajućeg registra Instituta.

Član 92.
(Spor za priznanje autorstva)

(1) Lice koje sebe smatra autorom dizajna, ili njegov pravni sljednik, može tužbom zahtijevati od suda da utvrdi da je on autor dizajna koji je predmet prijave ili registriranog industrijskog dizajna, te da bude naveden kao autor u prijavi i svim drugim dokumentima, kao i u odgovarajućim registrima.

(2) Tužilac iz stava (1) ovog člana može da zahtijeva i objavljivanje presude o trošku tuženog, naknadu moralne i imovinske štete i troškova postupka.

(3) Rok za podnošenje tužbe iz stava (1) ovog člana nije vremenski ograničen.

DIO DVANAESTI - CARINSKE MJERE

Član 93.
(Zahtjev nosioca prava)

(1) Nosilac isključivih prava prema ovom zakonu koji opravdano sumnja da će doći do uvoza, tranzita ili izvoza robe proizvedene u suprotnosti s odredbama ovog zakona može nadležnom carinskom organu (u daljnjem tekstu: carinski organ) podnijeti zahtjev za zaštitu svojih prava putem carinskih mjera privremenog zadržavanja robe od daljnjeg puštanja u promet.

(2) Zahtjev za zaštitu prava, prema stavu (1) ovog člana, mora da sadrži naročito:

a) podatke o podnosiocu zahtjeva i o nosiocu isključivog prava iz ovog zakona, ako se ne radi o istom licu,

b) detaljan opis robe koji omogućava njenu identifikaciju,

c) dokaze o tome da je podnosilac zahtjeva, odnosno lice koje je on ovlastio, nosilac isključivog prava iz ovog zakona u vezi s tom robom,

d) dokaze o tome da je isključivo pravo vjerovatno povrijeđeno,

e) druge podatke važne za odlučivanje o zahtjevu kojima raspolaže podnosilac, kao što su podaci o lokaciji robe i njenoj destinaciji, očekivani datum dolaska ili odlaska pošiljke, podaci o sredstvu transporta, podaci o uvozniku, izvozniku, primaocu i sl.,

f) vremenski period u kojem će carinski organi postupati prema zahtjevu i koji ne može biti duži od dvije godine od dana podnošenja zahtjeva.

(3) Carinski organ može prije donošenja odluke kojom udovoljava zahtjevu iz stava (1) ovog člana tražiti od nosioca prava da položi osiguranje za troškove pohranjivanja i prijevoza robe, kao i za naknadu štete, koji bi u vezi s robom mogli da nastanu carinskom organu, kao i strani protiv koje je prihvaćen zahtjev iz stava (1) ovog člana.

(4) Ako carinski organ udovolji zahtjevu iz stava (1) ovog člana, on o tome obavještava sve carinske ispostave i nosioca prava.

Član 94.

(Postupak nakon privremenog zadržavanja robe)

(1) Ako carinska ispostava pri provođenju carinskog postupka nađe robu koja odgovara opisu robe iz odluke nadležnog carinskog organa, ona će tu robu privremeno zadržati od daljnjeg puštanja u promet.

(2) Odluka o privremenom zadržavanju robe uručuje se njenom uvozniku.

(3) U odluci iz stava (2) ovog člana određuje se da se vlasnik robe, odnosno lice koje je ovlašteno za raspolaganje robom, u roku od deset radnih dana od dana privremenog zadržavanja može izjasniti o tome da li se radi o krivotvorenoj robi, odnosno drugoj povredi prava iz ovog zakona.

(4) Ako carinski organ ne primi pisano izjašnjenje vlasnika ili lica koje je ovlašteno da raspolaže robom u roku iz stava (3) ovog člana, on može, na zahtjev i o trošku nosioca prava, privremeno zadržanu robu oduzeti i uništiti.

(5) Ako vlasnik robe ili lice koje je ovlašteno da raspolaže robom u roku iz stava (3) ovog člana podnese izjavu da se ne radi o krivotvorenoj robi, odnosno drugoj povredi prava iz ovog zakona, nosilac prava može u roku od deset radnih dana od prijema obavještenja o takvoj izjavi podnijeti tužbu zbog povrede prava.

(6) Ako posebne okolnosti slučaja to opravdavaju, carinski organ može, na zahtjev nosioca prava, odrediti dodatni rok za podnošenje tužbe iz stava (5) ovog člana, koji ne može biti duži od deset radnih dana.

(7) Nosilac prava ili lice koje on ovlasti može za vrijeme privremenog zadržavanja izvršiti pregled i kontrolu robe i prateće dokumentacije u obimu koji je potreban za utvrđivanje njegovih zahtjeva i za ostvarivanje sudske zaštite njegovih prava uz osiguranje zaštite povjerljivih podataka.

(8) Pravo da izvrši pregled i kontrolu robe ima i njen uvoznik.

(9) Ako nosilac prava ne podnese tužbu iz stava (5) ovog člana, privremeno zadržana roba pušta se u traženu carinski dopuštenu upotrebu, odnosno promet.

(10) Ako nosilac prava pokrene sudski postupak, carinski organ donijet će odluku o zapljeni robe do donošenja pravosnažne sudske odluke.

(11) Ako nosilac prava podnese tužbu iz stava (5) ovog člana, a nadležni sud ne donese privremenu mjeru zadržavanja robe u roku iz stava (5) ovoga člana, vlasnik privremeno zadržane robe ili lice ovlašteno da raspolaze njome ima pravo da zahtijeva oslobađanje te robe ako položi sredstva osiguranja u iznosu dovoljnom za eventualnu naknadu štete nosiocu prava pod uslovom da su ispunjeni svi ostali uslovi za oslobađanje te robe.

Član 95.

(Postupak po službenoj dužnosti)

(1) Ako carinska ispostava pri provođenju carinskog postupka u vezi s uvozom, tranzitom ili izvozom robe opravdano sumnja da su određenom robom povrijeđena prava prema ovom zakonu, ona će privremeno zadržati puštanje te robe u promet i o tome obavijestiti carinski organ.

(2) Carinski organ pismeno obavještava nosioca prava o zadržavanju robe, sumnji da se radi o povredi njegovih prava i o mogućnosti da podnese zahtjev prema članu 93. ovog zakona, u roku od pet radnih dana od dana zadržavanja robe.

(3) Ako nosilac prava podnese zahtjev u skladu sa stavom (2) ovog člana, roba se zadržava do donošenja odluke carinskog organa.

(4) Ako carinski organ udovolji zahtjevu iz člana 93. ovog zakona, roba se privremeno zadržava za daljnjih deset radnih dana.

(5) Nosilac prava mora u roku iz stava (4) ovog člana da provede radnje iz člana 94. stav (7) ovog zakona.

(6) Odredbe čl. 94. i 95. ovog zakona ne primjenjuju se na uvoz, tranzit ili izvoz robe u malim količinama namijenjenim za privatnu i nekomercijalnu upotrebu, koja se unosi ili iznosi kao dio ličnog prtljaga ili šalju u malim pošiljkama.

Član 96.

(Primjena drugih carinskih propisa)

(1) Na carinski postupak u vezi s robom kojom se povređuju prava iz ovog zakona primjenjuju se na odgovarajući način ostali carinski propisi.

(2) Bliže propise o provođenju carinskih mjera iz ovog dijela zakona donosi Vijeće ministara, na prijedlog Uprave za indirektno oporezivanje BiH.

(2) Carinski postupak u vezi s robom kojom se povređuju prava iz ovog zakona je hitan.

DIO TRINAESTI- PREKRŠAJNE ODREDBE

Član 97. (Prekršaji)

- (1) Novčanom kaznom u iznosu od 5.000 KM do 200.000 KM kaznit će se za prekršaj pravno lice koje na način iz člana 80. ovog zakona povrijedi registrirani industrijski dizajn ili pravo iz prijave.
- (2) Novčanom kaznom u iznosu od 3.000 KM do 20.000 KM kaznit će se za prekršaj iz stava (1) ovog člana i odgovorno lice u pravnom licu.
- (3) Novčanom kaznom u iznosu od 3.000 KM do 10.000 KM kaznit će se za prekršaj iz stava (1) ovog člana fizičko lice.
- (4) Predmeti koji su nastali izvršenjem prekršaja iz stava (1) ovog člana oduzet će se i uništiti, a predmeti, odnosno uređaji namijenjeni ili upotrijebljeni za izvršenje tih prekršaja će se oduzeti.
- (5) Prekršajni postupak na osnovu odredbi ovog člana je hitan.

Član 98. (Zaštitna mjera)

- (1) Pravnom licu koje učini prekršaj iz člana 97. stav (1) ovog zakona u obavljanju djelatnosti može se izreći zaštitna mjera zabrane obavljanja djelatnosti ili dijelova djelatnosti kojima se vrijeđa registrirani industrijski dizajn u trajanju do jedne godine, ako je učinjeni prekršaj naročito težak zbog načina izvršenja, posljedica djela ili drugih okolnosti učinjenog prekršaja.
- (2) Pravnom licu koje učini prekršaj iz člana 97. stav (1) ovog zakona u povratu izreći će se zaštitna mjera zabrane djelatnosti ili dijelova djelatnosti kojima se vrijeđa registrirani industrijski dizajn u trajanju od najmanje jedne godine.

Član 99. (Inspekcijska kontrola u vezi s prekršajima)

- (1) Inspekcijsku kontrolu u vezi s prekršajima, sankcioniranim u članu 97. ovog zakona, vrši inspekcija nadležna za kontrolu tržišta u Federaciji Bosne i Hercegovine, Republici Srpskoj i Brčko Distriktu Bosne i Hercegovine.
- (2) Inspekcijski postupak je hitan.

DIO ČETRNAESTI - PRIJELAZNE I ZAVRŠNE ODREDBE

Član 100.

(Prava priznata do primjene ovog zakona i provedbeni propisi za izvršenje ovog zakona)

- (1) Registrirani industrijski dizajni koji važe na dan stupanja na snagu ovog zakona ostaju i dalje na snazi i na njih će se primjenjivati odredbe ovog zakona.
- (2) Direktor Instituta donijet će provedbene propise za izvršenje ovog zakona u roku od šest mjeseci od dana stupanja na snagu ovog zakona izuzev propisa iz čl. 16. i 96. stav (2) ovog zakona.
- (3) Provedbene propise u smislu stava (2) ovog člana čine: Pravilnik o postupku za priznanje industrijskog dizajna, Odluka o posebnim troškovima postupka za sticanje i održavanje prava industrijskog vlasništva, Odluka o uslovima za upisivanje u registre zastupnika za zaštitu industrijskog vlasništva, Pravilnik o stručnom ispitu za zastupnike za zaštitu industrijskog vlasništva i Odluka o naknadi za rad u Komisiji za žalbe.

Član 101.

(Postupci u toku)

(1) Postupci pokrenuti do dana početka primjene ovoga zakona dovršit će se prema ranije važećim odredbama ovoga Zakona.

(2) Upravni postupci započeti prema ranije važećim odredbama ovoga zakona u kojima je Institut kao tijelo prvog stepena donio rješenje do dana početka primjene ovoga zakona, dovršit će se po ranije važećim odredbama ovoga zakona i propisa donesenih na osnovu tih odredaba.

(3) Komisija za žalbe u području prava industrijskog vlasništva ustanovljena i imenovana na osnovu ranije važećih odredaba ovoga zakona nastavlja s radom u skladu sa tim odredbama i propisima donesenim na osnovu ranije važećih odredaba ovoga zakona dok svi upravni postupci iz stava (2) ovoga člana ne budu pravosnažno riješeni, nakon čega prestaje s radom.

(4) U slučaju da zbog razrješenja predsjednika ili članova Komisije za žalbe iz stava (3) ovoga člana ne bude moguće odrediti Komisiju za žalbe koja odlučuje o žalbi, izuzetno se može provesti postupak izbora i imenovanja predsjednika ili potrebnog broja članova, u skladu sa ranije važećim odredbama ovoga zakona, za potrebe rješavanja predmeta iz stava (2) ovoga člana.

Član 102.

(Usklađivanje provedbenih propisa)

Direktor Instituta do dana određenog za primjenu ovog zakona uskladit će podzakonske propise iz članka 100. stavak (3) Zakona o industrijskom dizajnu („Službeni glasnik BiH“, broj: 53/10).

Član 103.

(Propisi o taksama i troškovima postupka)

Direktor Instituta podnijet će nadležnim institucijama prijedlog izmjena propisa kojima se uređuju takse i naknade posebnih troškova u postupku sticanja i održavanja prava, kako bi se uskladili s odredbama ovoga zakona, dva mjeseca od njegovog stupanja na snagu.

Član 104.

(Stupanje na snagu i primjena zakona)

Ovaj zakon stupa na snagu osmog dana od dana objavljivanja u "Službenom glasniku BiH", a primjenjuje se od 1. januara 2011. godine.

Član 105.

(Primjena međunarodnih ugovora)

Odredbe međunarodnih ugovora u vezi s industrijskim dizajnom kojima je pristupila Bosna i Hercegovina, primjenjuju se na predmete koje tretira ovaj zakon i u slučaju sukoba sa odredbama ovoga zakona primjenjuju se odredbe međunarodnih ugovora.

Član 106.

(Jedinstvena primjena odredaba o ukidanju Komisije za žalbe)

U skladu s odredbom člana 12. ovog zakona, te članovima, 75. , 76. , 77. i 78. ovog zakona, Komisija za žalbe prestaje s radom.

Član 107.

Ovaj Zakon stupa na snagu osmoga dana od dana objave u "Službenom glasniku BiH", a primjenjuje se po isteku godine dana od datuma stupanja na snagu.

ZAKON O INDUSTRIJSKOM DIZAJNU

„Službeni glasnik BiH“, broj: 53/10

PREGLED ODREDABA KOJE SE MIJENJAJU

DIO PRVI - OPĆE ODREDBE

Član 2. (Značenje izraza)

U smislu ovog zakona, navedeni izrazi imaju sljedeća značenja:

- a) „industrijski dizajn“ je isključivo pravo na vanjski izgled proizvoda;
- b) „vanjski izgled proizvoda“ je ukupan vizuelni utisak koji proizvod ostavlja na informisanog potrošača ili korisnika;
- c) „dizajn“ je trodimenzionalni ili dvodimenzionalni vanjski izgled cijelog proizvoda, ili njegovog dijela, koji je određen njegovim vizuelnim karakteristikama, posebno linijama, konturama, bojama, oblikom, teksturom i/ili materijalima od kojih je proizvod sačinjen, ili kojima je ukrašen, kao i njihovom kombinacijom;
- d) *„informisani potrošač ili korisnik“ je kriterij u odnosu na koji se vrši procjena industrijskog dizajna i on podrazumijeva pojedinca koji se redovno susreće s proizvodom o kojem je riječ;*
- e) „proizvod“ je bilo koji industrijski ili zanatski proizvod, uključujući, između ostalog, i dijelove koji su namijenjeni za spajanje u složeni proizvod, pakovanje proizvoda, grafičke simbole i tipografske znake, isključujući kompjuterske programe;
- f) „industrijski ili zanatski proizvod“ je bilo koji predmet koji se industrijskim ili zanatskim putem može proizvesti u većem broju identičnih primjeraka;
- g) „složeni proizvod“ je proizvod koji je sastavljen od više dijelova koji mogu biti zamijenjeni i koji omogućavaju sastavljanje i rastavljanje proizvoda;
- h) *„Haški sporazum“ o međunarodnom prijavljivanju industrijskih uzoraka i modela (Haški dokument) od 28. novembra 1960. godine, s dopunskim aktom od 14. jula 1967. godine;*
- i) *„Haška unija“ je međunarodni registracijski sistem osnovan Haškim sporazumom o međunarodnom prijavljivanju tvorevina industrijskog oblikovanja i održavana je dokumentima iz 1934. i 1960. godine, dodatnim dokumentom iz 1961. godine i dopunskim aktom iz Stockholma.*
- j) *„Lokarnska klasifikacija“ je sistem međunarodne klasifikacije industrijskog dizajna utvrđen*

Lokarnskim aranžmanom o ustanovljenju međunarodne klasifikacije za industrijske uzorke i modele, potpisan u Locarnu 8. oktobra 1968. godine.

k) „Međunarodni ured“ je Međunarodni ured Svjetske organizacije za intelektualno vlasništvo (WIPO) u Ženevi.

DIO DRUGI – UVJETI ZA ZAŠTITU

Član 8.

(Pravo na zaštitu industrijskog dizajna)

(1) Pravo na industrijski dizajn pripada autoru dizajna ili njegovom pravnom sljedbeniku pod uvjetima propisanim ovim zakonom.

(2) Strana fizička i pravna lica u pogledu zaštite industrijskog dizajna u BiH uživaju ista prava kao i domaća fizička i pravna lica ako to proizlazi iz međunarodnih ugovora ili konvencija kojima je pristupila ili ih je ratificirala BiH (u daljnjem tekstu: međunarodni ugovori i konvencije), ili iz principa reciprociteta.

(3) *Postojanje reciprociteta dokazuje lice koje se poziva na reciprocitet.*

Član 11.

(Relativni razlozi za odbijanje prijave za priznanje industrijskog dizajna)

(1) Na osnovu podnesenog prigovora, neće se odobriti zaštita za dizajn koji:

- a) ne ispunjava uvjete iz čl. 3, 4, 5, 7. i 9. ovog zakona,*
- b) povređuje starije autorsko pravo ili neko pravo industrijskog vlasništva drugog lica,*
- c) predstavlja, odnosno sadrži lik nekog lica, osim uz izričitu saglasnost tog lica,*
- d) može povrijediti nacionalna ili vjerska osjećanja.*

(2) Dizajn koji predstavlja, odnosno sadrži lik umrlog lica može se zaštititi samo uz pristanak bračnog druga i djece umrlog, a ako njih nema, uz pristanak roditelja, a ako nema roditelja, uz pristanak drugih nasljednika ako testamentom nije drugačije određeno.

(3) Za zaštitu dizajna koji predstavlja, odnosno sadrži lik historijske ili druge umrle poznate ličnosti, potrebna je i dozvola nadležnog organa.

Član 12.
(Nadležnost za postupak zaštite industrijskog dizajna)

- (1) Poslove koji se odnose na postupak zaštite industrijskog dizajna u upravnom postupku propisanom ovim zakonom obavlja Institut za intelektualno vlasništvo Bosne i Hercegovine (u daljnjem tekstu: Institut).
- (2) Ako nije drugačije propisano ovim zakonom, u postupku pred Institutom primjenjuju se odredbe *zakona kojim se uređuje upravni postupak na nivou BiH*.
- (3) *Odluke Instituta su konačne u upravnom postupku i protiv njih se može pokrenuti upravni spor pred Sudom Bosne i Hercegovine u roku od 30 dana od dana primanja odluke.*

DIO TREĆI - POSTUPAK ZAŠTITE

Član 19.
(Prikaz)

- (1) Prikaz mora biti takav da se svi detalji vanjskog izgleda predmeta zaštite jasno vide.
- (2) Detalji vanjskog izgleda predmeta zaštite moraju biti prikazani na način koji jasno omogućava određivanje obima novosti dizajna i njegov individualni karakter.
- (3) U pogledu kvaliteta i drugih tehničkih zahtjeva, prikaz mora ispunjavati uvjete propisane provedbenim propisom.
- (4) Ako je u pitanju prijava dvodimenzionalnog dizajna, kao prikaz može se dostaviti dvodimenzionalni primjerak (uzorak) prijavljenog proizvoda, s tim da se najkasnije u roku od šest mjeseci od dana podnošenja prijave Institutu mora dostaviti prikaz koji zadovoljava uvjete iz st. (1) do (3) ovog člana.
- (5) Dvodimenzionalni primjerak iz stava (4) ovog člana Institutu se dostavlja na način predviđen provedbenim propisom.
- (6) *Prikazi moraju prikazivati sva obilježja dizajna za koji se traži zaštita u jednom ili više pogleda, osim toga, mogu se dostaviti i druge forme prikaza kako bi se dodatno razradila posebna obilježja dizajna, a naročito:*
 - a) uvećani prikazi koji zasebno prikazuju dio proizvoda u povećanom razmjeru;*
 - b) presjeci na kojima je prikazan dio proizvoda;*
 - c) shematski prikazi na kojima su rastavljeni dijelovi proizvoda prikazani odvojeno u jednom pogledu; ili*
 - d) djelomični prikazi u kojima su dijelovi proizvoda prikazani odvojeno u različitim pogledima.*
- (7) *Ako ocijeni da je neophodno, Institut može zatražiti dodatne forme prikaza iz stava (6).*

Član 30.
(Ispitivanje urednosti prijave i odbacivanje prijave)

- (1) Postupak ispitivanja urednosti prijave obuhvata ispitivanje svih uvjeta propisanih ovim zakonom i provedbenim propisom.
- (2) Prijava je uredna ako sadrži bitne dijelove iz člana 17. ovog zakona i druge propisane podatke.
- (3) Ako utvrdi da prijava nije uredna, Institut će pismenim putem, uz navođenje razloga, pozvati podnosioca prijave da je uredi u roku koji ne može biti kraći od 30 dana ni duži od 60 dana.
- (4) Na obrazloženi zahtjev podnosioca prijave, uz plaćanje propisane takse i troškova postupka, Institut će produžiti rok iz stava (3) ovog člana za vrijeme koje smatra primjerenim, ali ne kraće od 15 dana ni duže od 60 dana.
- (5) Ako podnosilac prijave u ostavljenom roku ne uredi prijavu, ili ne plati taksu za njeno uređivanje, Institut će zaključkom odbaciti prijavu.
- (6) U slučaju iz stava (4) ovog člana, uz plaćanje propisane takse i troškova postupka, podnosilac prijave može podnijeti prijedlog za povrat u prijašnje stanje u roku od tri mjeseca od dana prijema zaključka o odbacivanju.

DIO ČETVRTI - PRIGOVOR

Član 36.
(Pretvaranje prijave za priznanje industrijskog dizajna u prijavu patenta, odnosno korisnog modela)

- (1) Do trenutka objavljivanja prijave iz člana 35. ovog zakona, prijava za priznanje industrijskog dizajna može se pretvoriti u prijavu za priznanje patenta, odnosno *korisnog modela*.
- (2) Postupak za pretvaranje prijave iz stava (1) ovog člana uredit će se provedbenim propisom.

Član 39.
(Sadržaj prigovora)

- (1) Prigovor mora sadržavati naročito:
 - a) ime i prezime, odnosno naziv podnosioca prigovora i njegovu adresu, odnosno poslovno sjedište;

b) detaljno obrazložene sve razloge i dokaze na kojima podnosilac prigovora zasniva prigovor i kojima dokazuje status zainteresovanog lica iz člana 38. stava (2) tač. b) i c) ovog zakona;

c) sve objavljene podatke o prijavi protiv koje se prigovor podnosi, uključujući i broj prijave, ime i prezime i adresu, odnosno naziv i poslovno sjedište podnosioca prijave i naziv i prikaz dizajna;

d) urednu punomoć, ako se prigovor podnosi posredstvom zastupnika.

(2) Prigovor se podnosi u dva primjerka.

(3) Prigovor na višestruku prijavu industrijskog dizajna mora sadržavati redni broj industrijskog dizajna iz prijave i razloge zbog kojih se industrijski dizajn ne može priznati, s priloženim dokazima.

Član 40. **(Postupak po prigovoru)**

(1) Institut ispituje, nakon prijema prigovora, je li prigovor u svemu podnesen u skladu s čl. 38. i 39. ovog zakona.

(2) Ako nisu ispunjeni uvjeti iz stava (1) ovog člana, Institut će zaključkom odbaciti prigovor.

(3) Ako su ispunjeni uvjeti iz stava (1) ovog člana, Institut će dostaviti prigovor podnosiocu prijave i pozvati ga da se o njemu pismeno izjasni u roku od 60 dana.

(4) Rok iz stava (3) ovog člana ne može se produžiti niti nakon njegovog isteka. Podnosilac prijave može podnijeti dopune svog odgovora na prigovor, uključujući i dodatne dokaze.

(5) Ako se podnosilac prijave ne izjasni na prigovor u roku iz stava (3) ovog člana, Institut će rješenjem odbiti zahtjev za priznanje industrijskog dizajna u granicama zahtjeva iz prigovora.

(6) Ako podnosilac prijave u roku iz stava (3) ovog člana odgovori na prigovor, Institut ispituje opravdanost navoda iz prigovora, pri čemu može odrediti usmenu raspravu.

(7) Ako je prigovor podnesen na osnovu starijeg autorskog prava kao razloga iz člana 11. stava (1) tačke d) ovog zakona, a podnosilac prijave je odgovorio na prigovor, Institut može, s obzirom na okolnosti, uputiti stranke da postojanje autorskog prava kao razloga iz člana 11. stava (1) tačke d) ovog zakona riješe kao prethodno pitanje u postupku pred nadležnim sudom.

(8) Institut može prekinuti postupak na najmanje dva mjeseca, a ne duže od šest mjeseci u svrhu pokušaja mirnog rješavanja spora, na zajednički zahtjev podnosioca prijave za priznanje industrijskog dizajna i podnosioca prigovora.

(9) Rokovi koji su zbog prekida postupka prestali teći, počinju za zainteresovanu stranku teći u cjelini iznova od dana kada joj Institut dostavi zaključak o nastavljanju postupka.

(10) Nakon provedenog postupka po prigovoru, na osnovu utvrđenih činjenica, Institut donosi rješenje o odbijanju prigovora, o djelimičnom odbijanju prigovora i djelimičnom priznanju zahtjeva za priznanje industrijskog dizajna, odnosno o odbijanju zahtjeva za priznanje industrijskog dizajna.

DIO PETI - POSTUPAK MEĐUNARODNOG REGISTROVANJA INDUSTRIJSKOG DIZAJNA

Član 47.

(Postupak pred Institutom za međunarodno registrovanje industrijskog dizajna)

- (1) Postupak za međunarodno registrovanje industrijskog dizajna pokreće se podnošenjem zahtjeva za međunarodno registrovanje industrijskog dizajna.
- (2) Uz zahtjev za međunarodno registrovanje industrijskog dizajna podnose se i:
 - a) prikaz industrijskog dizajna,
 - b) punomoć, ako se zahtjev podnosi posredstvom zastupnika,
 - c) fakultativno, opis industrijskog dizajna.
- (3) Sadržaj zahtjeva iz stava (1) ovog člana, kao i sadržaj priloga koji se podnose uz zahtjev, uređuju se provedbenim propisom.
- (4) Ako zahtjev za međunarodno registrovanje industrijskog dizajna nije uredan, Institut će pismenim putem pozvati podnosioca zahtjeva da ga u roku od 30 dana od dana prijema poziva uredi.
- (5) Na obrazloženi zahtjev podnosioca zahtjeva rok iz stava (4) ovog člana može se produžiti najviše za 60 dana.
- (6) Ako podnosilac zahtjeva u ostavljenom roku iz st. (4) ili (5) ovog člana ne postupi po pozivu, Institut će zaključkom odbaciti zahtjev za međunarodno registrovanje industrijskog dizajna.
- (7) *Ako je zahtjev za međunarodnu registraciju industrijskog dizajna uredan, Institut će zaključkom pozvati podnosioca zahtjeva da u roku od najviše 30 dana plati administrativne takse i posebne troškove postupka Institutu, kao i taksu direktno Međunarodnom uredu Svjetske organizacije za intelektualno vlasništvo i dostavi dokaz o izvršenoj uplati.*
- (8) Kada podnosilac zahtjeva za međunarodno registrovanje industrijskog dizajna dostavi dokaz o izvršenoj uplati iz stava (7) ovog člana, Institut će Međunarodnom birou dostaviti zahtjev za međunarodno registrovanje industrijskog dizajna.

(9) Ako podnosilac zahtjeva za međunarodno registrovanje ne dostavi dokaz o izvršenoj uplati iz stava (7) ovog člana, smatrat će se da je zahtjev povučen, o čemu Institut donosi zaključak o obustavljanju postupka.

DIO ŠESTI - STICANJE, SADRŽAJ, OBIM I OGRANIČENJE PRAVA

Član 58.

(Odnos s drugim pravima industrijskog vlasništva)

Odredbe ovog zakona ne ograničavaju postojeća prava u vezi sa žigovima, geografskim oznakama, patentima *ili korisnim modelima*.

DIO SEDMI - PROMJENE U PRIJAVI ILI REGISTRACIJI INDUSTRIJSKOG DIZAJNA

Član 64.

(Licenca)

(1) Nosilac industrijskog dizajna, odnosno podnosilac prijave može ugovorom o licenci ustupiti pravo korištenja registrovanog industrijskog dizajna, odnosno prava iz prijave.

(2) Ugovor o licenci iz stava (1) ovog člana sastavlja se u pisanoj formi i mora sadržavati: naznačenje ugovornih strana, broj registrovanog industrijskog dizajna ili broj prijave, vrijeme trajanja licence i obim licence.

(3) Ugovor o licenci iz stava (1) ovog člana upisuje se u odgovarajući registar na zahtjev nosioca industrijskog dizajna, odnosno podnosioca prijave ili sticatelja prava.

(4) Upisivanje ugovora o licenci iz stava (1) ovog člana u odgovarajući registar proizvodi pravno djelovanje prema trećim licima od datuma upisivanja.

(5) O upisivanju ugovora o licenci iz stava (1) ovog člana u odgovarajući registar, Institut donosi posebno rješenje.

Član 65.

(Objavljivanje prijenosa prava ili licence)

Institut će u službenom glasilu objaviti da je prijenos prava ili licence iz čl. 63. i 64. ovog zakona upisan u odgovarajući registar.

Član 67.

***(Postupak za upisivanje promjena imena i adrese
nosioca prava, prijenosa prava, licence ili zaloga)***

- (1) Postupak za upisivanje promjene imena i adrese nosioca prava, prijenosa prava, licence ili zaloga u odgovarajući registar Instituta, pokreće se pisanim zahtjevom.
- (2) Uz zahtjev iz stava (1) ovog člana podnosi se:
 - a) dokaz o pravnom osnovu promjene ili prijenosa čije se upisivanje traži,
 - b) punomoć, ako se postupak za upisivanje promjene ili prijenosa prava, licence ili zaloga pokreće posredstvom opunomoćenika.
- (3) Jednim zahtjevom iz stava (1) ovog člana može se tražiti upisivanje promjene ili prijenosa prava koje se odnosi na više registrovanih industrijskih dizajna, odnosno više prijava, pod uvjetom da su raniji nosilac prava i novi nosilac prava isti u svakom registrovanom industrijskom dizajnu, odnosno prijavi, i da su registarski brojevi industrijskih dizajna, odnosno brojevi prijava naznačeni u zahtjevu.
- (4) Jednim zahtjevom iz stava (1) ovog člana može se tražiti upisivanje licence ili zaloga koji se odnose na više registrovanih industrijskih dizajna, odnosno više prijava, pod uvjetom da su nosilac prava i sticatelj licence, odnosno zaloga isti u registrovanom industrijskom dizajnu, odnosno prijavi, i da su registarski brojevi industrijskih dizajna, odnosno brojevi prijava naznačeni u zahtjevu.
- (5) Za zahtjeve iz st. (3) i (4) ovog člana plaćaju se takse i troškovi postupka posebno za svaki registrovani industrijski dizajn ili prijavu, koji su naznačeni u zahtjevu.
- (6) Sadržaj zahtjeva iz stava (1) ovog člana, kao i sadržaj priloga koji se podnose uz zahtjev uređuju se provedbenim propisom.

Član 68.

***(Urednost zahtjeva za upisivanje promjene imena
ili adrese nosioca prava, prijenosa prava, licence ili zaloga)***

- (1) Zahtjev za upisivanje promjene imena ili adrese nosioca prava, prijenosa prava, licence ili zaloga je uredan ako sadrži podatke iz člana 67. stava (2) ovog zakona i druge propisane podatke.
- (2) Ako zahtjev za upisivanje prijenosa prava, licence ili zaloga nije uredan, Institut će pozvati podnosioca zahtjeva da ga u roku od 30 dana od dana prijema poziva uredi.
- (3) Uz obrazloženje podnosioca zahtjeva i plaćanje takse i troškova postupka, Institut će produžiti rok iz stava (2) ovog člana za vrijeme koje smatra primjerenim, ali ne kraće od 15 dana ni duže od 60 dana.
- (3) Ako podnosilac zahtjeva u roku iz stava (2) ovog člana ne postupi po pozivu, Institut će zaključkom odbaciti zahtjev.

DIO DEVETI - POSTUPAK PROGLAŠAVANJA NIŠTAVIM RJEŠENJA O PRIZNANJU INDUSTRIJSKOG DIZAJNA

Član 72.

(Prijedlog za proglašavanje ništavim rješenja o priznanju industrijskog dizajna)

- (1) Rješenje o priznanju industrijskog dizajna može se proglasiti ništavim po službenoj dužnosti ili po prijedlogu zainteresovanog lica za sve vrijeme trajanja industrijskog dizajna.
- (2) Ako je izjavljen prigovor na podnesenu prijavu industrijskog dizajna iz razloga propisanih u članu 11. stavu (1) ovog zakona, pa je rješenje o odbijanju prigovora konačno, prijedlog za proglašavanje ništavim rješenja o priznanju industrijskog dizajna isto lice ne može podnijeti iz istih razloga koji su navedeni u odbijenom prigovoru, osim ako podnosilac prijedloga ne dostavi nove dokaze koji bi sami ili u vezi s već upotrijebljenim dokazima mogli dovesti do drugačijeg rješenja u postupku po prigovoru.
- (3) Uz prijedlog za proglašavanje ništavim rješenja o priznanju industrijskog dizajna podnose se odgovarajući dokazi.

Član 73.

(Postupak za proglašavanje ništavim rješenja o priznanju industrijskog dizajna)

- (1) Postupak za proglašavanje ništavim rješenja o priznanju industrijskog dizajna pokreće se pisanim prijedlogom za proglašavanje ništavim rješenja o priznanju industrijskog dizajna.
- (2) Sadržaj prijedloga iz stava (1) ovog člana, kao i prilozi uz prijedlog uređuju se provedbenim propisom.
- (3) Prijedlog za proglašavanje ništavim rješenja o priznanju industrijskog dizajna uredan je ako sadrži propisane podatke.
- (4) Ako prijedlog za proglašavanje ništavim rješenja o priznanju industrijskog dizajna nije uredan, Institut će pozvati podnosioca prijedloga da ga uredi u roku od 30 dana od dana prijema poziva.
- (5) Na obrazloženi zahtjev podnosioca prijedloga, uz plaćanje takse i troškova postupka, Institut će produžiti rok iz stava (4) ovog člana za vrijeme koje smatra primjerenim, ali ne kraće od 15 dana ni duže od 60 dana.
- (6) Ako podnosilac prijedloga u roku iz stava (4) ovog člana ne postupi po pozivu, Institut će zaključkom odbaciti prijedlog.
- (7) Uredan prijedlog Institut će dostaviti nosiocu industrijskog dizajna i pozvati ga da u roku od 30 dana od dana prijema poziva dostavi svoj odgovor.

(8) Na obrazloženi zahtjev nosioca industrijskog dizajna Institut će produžiti rok iz stava (7) ovog člana za vrijeme koje smatra primjerenim, ali ne kraće od 15 ni duže od 60 dana.

(9) Ako se nosilac prava ne izjasni na prijedlog za proglašavanje ništavim rješenja o priznanju industrijskog dizajna u roku iz stava (7) ovog člana, Institut će rješenjem odlučiti u granicama zahtjeva iz prijedloga za proglašavanje ništavim.

(10) Ako ocijeni da je neophodno, Institut može odrediti usmenu raspravu povodom podnesenog prijedloga za proglašavanje ništavim rješenja o priznanju industrijskog dizajna.

(11) Institut može prekinuti postupak na najmanje dva mjeseca, a ne duže od šest mjeseci u svrhu pokušaja mirnog rješavanja spora, na zajednički zahtjev nosioca prava na industrijski dizajn i podnosioca prijedloga.

(12) Rokovi koji su zbog prekida postupka prestali teći, počinju za zainteresovanu stranku teći u cjelini iznova od dana kada joj Institut dostavi zaključak o nastavljaju postupka.

(13) Poslije provedenog postupka po prijedlogu za proglašavanje ništavim rješenja o priznanju industrijskog dizajna na osnovu prijedloga iz člana 72. stava (1) ovog zakona, Institut može u svako doba donijeti rješenje o proglašavanju ništavim rješenja o priznanju industrijskog dizajna u cjelini ili samo za pojedini dizajn kod višestruke prijave, odnosno rješenje o odbijanju prijedloga.

(14) Rješenje o proglašavanju ništavim rješenja o priznanju industrijskog dizajna, koje je konačno u upravnom postupku, Institut će objaviti u službenom glasilu. U slučaju da je pokrenut upravni spor, sud može, na prijedlog tužioca, donijeti rješenje da se konačno rješenje ne objavljuje do odluke u upravnom sporu.

(15) Prijedlog za proglašavanje ništavim rješenja o priznanju industrijskog dizajna treba sadržavati registarski broj dizajna višestruke prijave, redni broj industrijskog dizajna iz prijave i razloge zbog kojih se industrijski dizajn treba proglasiti ništavim, s priloženim dokazima.

DIO JEDANAESTI - GRAĐANSKOPRAVNA ZAŠTITA

Član 79.

(Tužba zbog povrede prava)

(1) U slučaju povrede registrovanog industrijskog dizajna ili prava iz prijave industrijskog dizajna ako industrijski dizajn bude priznat, nosilac industrijskog dizajna može tužbom zahtijevati:

a) utvrđivanje povrede prava,

b) zabranu daljnjeg vršenja učinjene povrede i budućih sličnih povreda prestankom ili suzdržavanjem od radnji koje to pravo povređuju,

- c) uklanjanje stanja nastalog povredom prava,
- d) povlačenje predmeta povrede iz privrednih tokova, uz uvažavanje interesa trećih savjesnih lica,
- e) potpuno uklanjanje predmeta povrede iz privrednih tokova,
- f) uništavanje predmeta kojima je izvršena povreda prava,
- g) uništavanje sredstava koja su isključivo ili u pretežnoj mjeri namijenjena ili se upotrebljavaju za činjenje povreda i koja su vlasništvo povredilaca,
- h) prepuštanje predmeta povrede nosiocu prava uz naknadu troškova proizvodnje,
- i) naknadu imovinske štete i opravdanih troškova postupka,
- j) naknadu moralne štete nanesene autoru,
- k) objavljivanje presude o trošku tuženog.

(2) Pri odlučivanju o zahtjevima iz stava (1) tač. c), d), e), f), g) i h) ovog člana, sud je dužan uzeti u obzir sve okolnosti slučaja, naročito srazmjer između težine učinjene povrede i zahtjeva, kao i interes ovlaštenog lica za osiguravanje efektivne zaštite prava.

(3) U postupku protiv lica čije su usluge bile upotrijebljene za povredu prava, a postojanje te povrede već je pravosnažno ustanovljeno u postupku prema trećem licu, pretpostavlja se da povreda prava postoji.

(4) U postupku po tužbi iz stava (1) rok za odgovor na tužbu je osam dana od dana dostave tužbe tuženiku.

(5) U sporovima zbog povrede prava iz ovog zakona ročište za glavnu raspravu mora se održati u roku od 30 dana od dana primanja odgovora na tužbu.

(6) U postupku u parnicama, postupak zbog povrede industrijskog dizajna pred prvostepenim sudom mora se okončati u roku od godine dana od dana podnošenja tužbe.

(7) U postupku u parnicama zbog povrede industrijskog dizajna, drugostepeni sud je dužan donijeti odluku o žalbi podnesenoj protiv odluke prvostepenog suda u roku od šest mjeseci od dana primanja žalbe.

(8) Rješenje o privremenoj mjeri donosi se u roku od 30 dana od dana podnošenja prijedloga za određivanje privremene mjere.

DIO ČETRNAESTI - PRIJELAZNE I ZAVRŠNE ODREDBE

Član 101.

(Postupci u toku)

(1) Postupci pokrenuti do dana početka primjene ovog zakona dovršit će se prema ranije važećim odredbama ovog zakona.

(2) Upravni postupci započeti prema ranije važećim odredbama ovog zakona, u kojima je Institut kao tijelo prvog stepena donio rješenje do dana početka primjene ovog zakona, dovršit će se prema ranije važećim odredbama ovog zakona i propisima donesenim na osnovu tih odredaba.

(3) Komisija za žalbe u području prava industrijskog vlasništva, ustanovljena i imenovana na osnovu ranije važećih odredaba ovog zakona, nastavlja s radom u skladu s tim odredbama i propisima donesenim na osnovu ranije važećih odredaba ovog zakona dok svi upravni postupci iz stava (2) ovog člana ne budu pravosnažno riješeni, nakon čega prestaje s radom.

(4) U slučaju da zbog razrješenja predsjednika ili članova Komisije za žalbe iz stava (3) ovog člana ne bude moguće odrediti Komisiju za žalbe koja odlučuje o žalbi, izuzetno se može provesti postupak izbora i imenovanja predsjednika ili potrebnog broja članova, u skladu s ranije važećim odredbama ovog zakona, za potrebe rješavanja predmeta iz stava (2) ovog člana.

Član 102.

(Usklađivanje provedbenih propisa)

Direktor Instituta do dana određenog za primjenu ovog zakona uskladit će podzakonske propise iz člana 100. stava (3) Zakona o industrijskom dizajnu („Službeni glasnik BiH“, broj: 53/10).

Član 103.

(Propisi o taksama i troškovima postupka)

Direktor Instituta podnijet će nadležnim institucijama prijedlog izmjena propisa kojima se uređuju takse i naknade posebnih troškova u postupku sticanja i održavanja prava, kako bi se uskladili s odredbama ovog zakona, dva mjeseca od njegovog stupanja na snagu.

Član 105.

(Primjena međunarodnih ugovora)

Odredbe međunarodnih ugovora u vezi s industrijskim dizajnom, kojima je pristupila Bosna i Hercegovina, primjenjuju se na predmete koje tretira ovaj zakon i u slučaju sukoba s odredbama ovog zakona primjenjuju se odredbe međunarodnih ugovora.

Član 106.

(Jedinstvena primjena odredaba o ukidanju Komisije za žalbe)

U skladu s odredbom člana 12. ovog zakona te čl. 75, 76, 77. i 78. ovog zakona, Komisija za žalbe prestaje s radom.

Član 107.

Ovaj zakon stupa na snagu osmog dana od dana objave u „Službenom glasniku BiH“, a primjenjuje se po isteku godine dana od datuma stupanja na snagu.

